



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

GRAD  
EREN  
281  
BUHR

A 984,770










*Khosro, Andzewatsi*  
*Meknutiwn aghatits Pataragin*  
**ԽՈՍՐՈՎՈՒ**

**ԱՆՁԵՒԱՑԵԱՑ ԵՊԻՍԿՈՊՈՍԻ**

**ՄԵԿՆՈՒԹԻՒՆ**

**ԱՂՕԹԻՑ ՊԱՏԱՐԱԳԻՆ**




**THE UNIVERSITY OF MICHIGAN LIBRARIES**

**Ի ՏՊԱԳՐԱՏԱՆ ՄԻԹԱՐԵԱՆՑ**

**Ի Ս. ՂԱԶԱՐ ՎԵՆԵՏԿՈՑ**

**1869**

Grad  
REN  
231  
BUHR



REN  
281  
1.11.99

Քեզ

ՀԱՅՐ ԱՄԵՆԱՐԺԱՆ

ՆԱՀԱՊԵՏ ՈՒԽՏԻՍ ՄԻԻԹԱՐԱՅ

ԳԷՈՐԳ ՎԱՐԴԱՊԵՏ ՀԻԻՐՄԻԻԶ

ԱՐԲԵՊԻՍԿՈՊՈՍ ՍԻՆԵԱՅ

Ի ՆԱԻԱԿԱՏԻՍ

ՅՈՐԵԱՆԻ ՔԱՀԱՆԱՅԱԳՈՐԾՈՒԹԵԱՆԳ

ԶՊԱՏԱՐԱԳԱՄԵԿԵԻԶՍ

ԽՈՍՐՈՎՈՒ ԱՆՋԵԻԱՅԵԱՅ ԵՊԻՍԿՈՊՈՍԻ

ԶՕՆԵՆ ՆՈՒԷՐ ԱՐԳԱԴԻՐ


ՍԻՐՈՅ ԵՒ ԵՐԱԽՏԵԱՅ

ՀԱՄԱԿՐԾՆԲ ՎԱՆԻՅ Ս. ՂԱԶԱՐՈՒ

ՔՈ ՈՐԴԻԲ







## ՅԱՌԱՋԱԲԱՆ

Զաղօթս և զօրէնս մեծի խորհրդոյ սրբոյ պա-  
տարագին՝ յարմարեալ կանոնեցին մեզ երանելի և  
ամենայն զովութեանց արժանաւոր թարգմանիչք  
մեր, որպէս և զայլն ամենայն կարգս աղօթից և  
պաշտամանց եկեղեցւոյ. յորս՝ և որ յետ նոցա կա-  
ցին առաջնորդք հոգածուք՝ արարին յաւելուածս ըստ  
ժամանակին պիտոյից. իսկ այլք՝ ի նոցին համազոյգ  
հոգեկիր և ճշմարտասէր արանց՝ փոյթ կալն զառ՝ ի  
յառաջնոցն հաստատեալս յեկեղեցւոյ պաշտամունս,  
աղօթս և ընթերցուածս՝ պարզաբանել և հասու առ-  
նել պաշտօնիցն և ժողովրդեան առ հասարակ. որ-  
պէս զի հոգւով և մտօք ելցէ աղերս եկեղեցւոյն առ  
Աստուած, և մի բանիւ լոկով: Պիտանեգոյն քան զա-  
մենայն գրոց և պաշտամանց՝ աներկբայապէս Պատա-  
րագին էր բացատրութիւն, ըստ գերազանցութեան  
այնր խորհրդոյ քան զընաւան. զոր թէ գրեաց ոք՝ ի  
նախագումնից անտի հարց մերոց՝ յետ Յովհաննու Ման-  
գակեանւոյ յարդարողի գրոցն՝ մինչև ց՛հինգ ևս դար,  
ոչ է մեզ ծանօթ. զի թէպէտ զեկեղեցւոյ և զկար-

գաց նորին, նա՛ն է զժամասացութեանց ոմանց ոչ սա-  
կաւ գտանին մեկնողական բանք յառաջնոց անտի,  
բայց ոճով ինչ չլատարագի պղծութից ոչ գտանեմք  
ցկէս տասներորդի դարու, յորում Խոսրով Եպիսկոպոս  
Անձեացեաց՝ զբեանց զհրատնարնէալս այժմ առ ՚ի  
մէնջ. հաւանագոյն ևս Թուի կարծել գրեին ՚ի նախ-  
նեաց և անյայտ մնալ, քան չգրեին. քանզի և սորին  
խակ Խոսրովու գրածն յետ երկերիւրոց և տասնեկաց  
ինչ ամաց՝ Թուի զանխուլ մնացեալ ՚ի Ներսիսէ Լամ-  
բրոնացւոյ, որ մեծաւ խնամով որոնէր և գրէր զնոյն  
խորհրդոյ, և որ լուծմունս իսկ արար զգրոց Ս. Գրի-  
գորի Նարեկացւոյ զորդւոյն Խոսրովու, զորմէ մեր  
բանս է:

Սա՛ զոր սակաւ մի որդին իւր յիշէ և սակաւիկ  
մի ևս այլք, երևի ՚ի տոհմիկ տանէ ընծայեալ ՚ի լոյս  
կենաց, ՚ի սկիզբն կոյս ծ դարու, ՚ի նոյն ՚ի կողմանս՝  
ուր ինքն և որդիք իւր քաղաքավարեցան. քանզի զա-  
ռաջինն յաշխարհի կարգ մտեալ և առեալ կին ըզ-  
դուստր հօրեղբօր Անանիայի Նարեկայ վանից վանա-  
հօր՝ ծնաւ որդիս առաքինիս, զՍահակ, զՅովհաննէս  
և զնախ յիշեալն Գրիգոր, յորոց երկոքին յետինքդ  
աշակերտեցան առ ոոսս Անանիայի՝ ՚ի Նարեկ: Յետ՝  
եթէ յառաջ քան զմահ ամուսնոյն՝ ոչ գիտեմ, բուռն  
եհար Խոսրով զմիսնձնական վարուց և զեկեղեցական  
վիճակէ, և ամբարձաւ ցգահ Եպիսկոպոսութեան  
հռչակաւոր և մեծիշխան գաւառին Անձեացեաց, ուր  
անդէն ՚ի սկզբան քրիստոնէութեան հաստատեալ էր  
Բարդուղիմէի առաքելոյ զհոգեաց վանս, որ աթոռ ե-  
պիսկոպոսաց այնր կողման եղև յետոյ: Յառաջ քան  
զհասարակել ծ դարուն՝ կալ նորա Եպիսկոպոս ան-  
երկբայ է. գուցէ և յառաջ քան զյաջորդելն Անա-  
նիայի յաթոռ Ս. Լուսաւորչին, որ է իբրև յամի 942:  
Ի սմանէ ապստամբեաց ասեն պատմիչք մեր (Ուսպե-  
լեան և Կիրակոս) Եպիսկոպոսն Սիւնեաց Յակովբ. և

որպէս ամբաստանողք նորա ասէին առ կաթողիկոսն , « և զԽոսրով՝ Անձեւացեաց եպիսկոպոս՝ նա շեղեաց » Թղթով՝ 'ի ձէնջ » : Երկիցս չոգաւ հայրապետն 'ի Սիւնիս՝ հնազանդեցուցանել զեպիսկոպոս աշխարհին . յառաջնումն յաջողեցաւ , և յերկրորդումն ( յամի 949 ) ոչ . քանզի խոյս տուեալ Յակովբայ 'ի բերդամուր՝ եկաց մնաց աննուաճելի ցմահ իւր , յամի 958 : Ոչ յիշի և մերոյս Խոսրովու վերստին հնազանդելն , և Թուի իսկ ոչ . այն զի սուղ ինչ յառաջ ժամանակաւ Գաղկայ Արծրունւոյ հաստատեալ մեծաւ շքով զթագաւորութիւն տանն Վասպուրականի , կացուցեալ էր հաւանութեամբ և ձեռնադրութեամբ Գէորգեայ կաթողիկոսի՝ գլուխ եպիսկոպոսաց աշխարհի իւրոյ՝ զԵղիսէ՝ Ռշտունեաց եպիսկոպոս յԱղթամար , որոյ յաջորդք ինքնագլուխ իսկ կաթողիկոսք եղէն յետ ոչ բազմաց : Բայց պատճառք շեղելոյն Խոսրովու յԱնանիայէ՝ այլ ինչ են . Կիրակոս պատմիչ 'ի յիշել զպատամբելն Յակովբայ՝ յիշէ առ ետեղ և զԽոսրով ոմն եպիսկոպոս , առանց անուան աթոռոյն , և վնաս նմա կարգէ բաղայս անհանձարս և աղջիփեղջս . այլ զի և ոչ քաջ որոշէ զերկուսին եպիսկոպոսուանն , նա մանաւանդ 'ի Յակովբ գլխաւորէ զբանն և զդատ , սմա իսկ պատշաճագոյն երևի ասացեալ մեղադրութիւն : Սակայն գլխաւոր պատճառ օտարանալոյն 'ի հայրապետէն՝ Թուի այն զոր Սիւնեացն պատմիչ վասն իւրոյ եպիսկոպոսին ասէ , անընդմէջ յետ յիշելոյ զշեղումն Խոսրովու , եթէ « և և հերձուածս ևս յօգէին , եթէ քօղաբորք » բեալ ունի և զԲաղկեդոնին » . հաւանագոյն է և մերոյս Խոսրովայ ունել , ոչ քօղաբորքեալ , որպէս ասէն , այլ քաջ բացաբօղեալ զայն , որ յստակագոյն ճանաչուր յայնմ՝ ժամանակի՝ ի կողմանս Վասպուրական աշխարհի , ուր և յետ փոքր միոյ ապաստան եղև յաջորդն Անանիայի տէր Վահան , հաղածեալն վասն բանի այնր հաւատոց . և առ նովաւ համարի տակաւին կենդանի

գոլ Խոսրովու, և յետ մահուան նորուն և հակառակ-  
աթոռն Ստեփանոսի՝ վախճանել, յաւուրս արժողա-  
կալութեան Խաչկայ, յամի 972:

Այսչափ զվարուց և զկենաց եպիսկոպոսին Ան-  
ձաւացեաց. իսկ գործք նորա ծանօթք և մնայունք են  
Գիրք նորա մեկնութեանցն Աղօթից եկեղեցւոյ մերոյ  
և պատարագին. որոց առաջինն ծանօթագոյն և վաղ  
ուրեմն տպագրութեամբ հրատարակեալ է՝ ի կ.Պօլիս  
յամին 1730, շարախառնելով ՚ի բանս հեղինակին և  
զայլոց ոմանց հնագունից մերոց վարդապետաց բանս  
մեկնութեանց, երկասիրութեամբ Մովսիսի ուրումն  
վարդապետի հաւաքեալ: Իսկ Պատարագամատուցին  
մեկնութիւն՝ այս առաջին տեսանէ լոյս՝ տպագրական  
վերածնութեամբ. որոց վերծանեալ իցէ զառաջինն՝  
հարթ հաւասար նմին գտցեն և զերկրորդս զայս, նո-  
վին յստակ տեսութեամբ և բառակարգութեամբ,  
նովին սեռն և ջերմեռանդն սրտիւ, նովին ախորժ և  
համոզկեր բանիւք. ոչ շուայլեալ ՚ի խօսս և ՚ի կշտամ-  
բանս, և ոչ հարեանցի շտապեալ: Բայց զի ոչ ըստ  
այժմեան պատարագամատուցաց ունի և զսկիզբն խոր-  
հրդեանն և զմիջանկեալ աղօթսն ինչ կամ զքարո-  
զութիւնս սարկաւագի, արարեալ է և այնց բանից  
մեկնութիւնս՝ այլոյ ուրումն և յեռեալ ՚ի կարգին,  
օժանդակելով ՚ի Ներսիսէ Լամբրոնացւոյ և այլուստ,  
որպէս ունին նորագիր օրինակք. այլ ոչ գտանին ՚ի  
հնումն ՚ի գրելում ՚ի թուին 926 (1336), զոր բնա-  
գիր մեզ կալաք, և զոր Հին կամ Ա. Օ(րինակ) կոչեմք  
՚ի ծանօթութիւնս. որում գրեալ է զուգրնթանայ  
յամենայնի և յետնագիր օրինակ մեծի մատենադա-  
րանին Բարիզու. հանդերձ սոքօք են առ մեզ և այլ  
երկու նորագիր օրինակք, որք սնին զհատուածսն ե-  
կամուստ. զորս ոչ համարեցաք արժան ՚ի բաց թողուլ  
՚ի մատենէս, այլ փոքրատառ ստորև դրոշմեցաք առ ՚ի  
լրումն բացատրութեան բանիցն թողլոց կամ մուծե-

լոյց յետ Խոսրովու, և առ 'ի հաճոյագոյն ևս ընծայել զայս վաստակ՝ սիրողայն զայսպիսիս: Իսկ փափագողացն ստուգագոյն ևս գիտելոյ զիմաստս համօրէն աղօթից և զկարգաց պատարագիս, առնթեր կացցեն խորհրդածութիւնք և մեկնութիւնք Ս. Ներսիսի Լամբրոնայւոյ, վաղագոյն տպագրեալք առ 'ի մէնջ (յամի 1847) իւիք իւիք կարեւոր ծանօթաբանութեամբք, վասն աստուածաբանական ինչ խնդրոց. զոր օրինակ, կոչման Հոգւոյն սբբոյ 'ի սրբագործութեան նուիրացն, և նորին նմանեաց, յորս համաձայն գտանին երկդոքն սոքա մեկնիչք. և մեր ոչ կամեցեալ զ'անդ միանգամ ասացեալն կրկնաբանել և աստանօր, յայն մատեան հրաւիրեմք զխուզակն՝ երթալ, և զմեզ անբասիր կացուցանել:

Զպատճառ յօրինուածոյ գրոցս՝ ծանուցանէ ինքն իսկ հեղինակն 'ի վերջաբանին. զժամանակն՝ յայտ առնէ՝ յիշատակարան որդւոյ նորուն՝ Գրիգորի, եթէ եղև յամի 950, և գրեցաւ նախ առաջին 'ի Սահակայ եղբօրէ իւրմէ. զի որպէս թուի՝ հայրն թելադրէր և որդին գրէր. յոր միտս կարծեմ և զՄխիթար Այրի վանեցի՝ յասելն, եթէ « Խոսրով Անձեացեաց եպիսկոպոս արար զմեկնութիւն Սղօթամատուցին, զոր » գրէր Սահակ որդի իւր »: Իսկ զգովութիւն գրոցն՝ ճարտար համառօտէ նոյն ինքն Գրիգոր, եթէ « ի գրե » լոյց (բանից Խոսրովու) լինիցին հասու խնդրօղքն՝ « վասն նորա ». և ինքն, 'ի ցաւ մեզ, առ խոնարհութեան՝ հրաժարէ 'ի ստուգաբան գովութենէ հօր իւրոյ: Եւ զի, որպէս կանխեցաք ասել, ոչ գտանեմք այլ ինչ յիշատակ զհեղինակէս, արդարև առաջին վկայ արդեանց նորին՝ մնան բանք իւր. և ըղձալի է առաւել ևս հաւատարմացուցանել զայս՝ այլովք ևս գրաւոր երկասիրութեամբք այնքանոյ կորովամիտ և արդարախոհ առն, զորս գոյ յուսալ առ 'ի նմանէն և ժտել 'ի ժամանակէն. երաշխաւոր համարելով մեզ և զՅայսմ

աւուրս՝ որ 'ի յիշատակի որդւոյ նորին Գրիգորի Նա-  
րեկացւոյ՝ կոչեն զԽոսրով «այր շնորհալի և բանի-  
» բուն » : Այլ երկրորդ իմն աղբււր գովութեան նմա  
գրեացի՝ հայրութիւնն այնպիսւոյ սքանչելւոյ և հրեշ-  
տակակերպ զաւակի. որով համարձակիմ նմանեցու-  
ցանել զնոսա մեծացն Ներսիսի և Սահակայ, հրաշալի  
ծնողի և ծննդոյ, հանգոյն որոց պատուեալ իսկ կոչի  
Մեծ և մերս Խոսրով. որ ոչ միայն արեան որդւոցն՝  
այլ և հրեղէն սրտիցն երեւի հնոց եղեալ, և առաջին  
դաստիարակ և թուուցիչ մարմնաքնար և հոգերգող  
ներանձնաւորին Նարեկայ :

---



# ԽՈՍՐՈՎՈՒ

## ԱՆՁԵՒԱՑԵԱՑ ԵՊԻՍԿՈՊՈՍԻ

ՄԵԿԵՆՈՒԹԻՒՆ

ՍՐԲՈՅ ՊԱՏԱՐԱԳԻ



Չկնի Անտարանին և զՀաշտաւաճի ասելոյ՝  
քարոզէ սարկաւազն<sup>1</sup>։

« Եւ ևս հաւատով աղաչեսցուք և խնդրեսցուք  
» յԱստուծոյ՝ ՚ի Հօրէ և ՚ի տեառնէ ամենակալէ, ՚ի  
» վերայ ժամու պաշտաման և աղօթից. զի Աստուած  
» արժանի ընդունելութեան արասցէ »։

Ասացաք զև ևս թէ այլ է հաւատով աղաչեսցուք.  
զի հաւատքն առնէ լեւի, որպէս ասաց առաքեալն  
Յակոբոս. Եթէ որ ՚ի ձէնջ իցէ նուազեալ յիմաստու-  
թեան, խնդրեսցէ յԱստուծոյ, որ տայ ամենայնի ա-  
ռատապէս և ոչ նախատէ, և տացէ նմա. բայց խն-  
դրեսցէ հաւատովք, և մի երկմտութեամբ։ Զսոյն և ՚ի  
Պօղոսէ խրատիմք, որ ասէ. Կամիմ զի արք կացցեն  
յաղօթս յամենայն տեղիս, համբառնայցեն զսուրբ  
ձեռս ՚ի վեր, առանց բարկութեան և երկմտութեան.  
և ինքն իսկ Տէրն մեր զայս հաստատէ, այսպէս ասե-  
լով. Զամենայն ինչ վասն որոյ աղօթս արարեալ խն-  
դրիցէք՝ և հաւատայցէք եթէ առնուցուք, եղիցի ձեզ։  
Ընդէր երկուս դնէ թէ՛ աղաչեսցուք և խնդրեսցուք.  
ցուցանէ թէ մեծաւ պաղատանօք զխնդրուածսն պարտ

<sup>1</sup> Ա. Ս. Քարոզ զկնի աւետարանին, և այլն։

է առնել, և սրտի մտօք եռանդնալից ջերմութեամբ աղաչել, ըստ խրատու մարգարէին. խտեա՛ի տեառնէ՛, և նա տացէ քեզ զամենայն խնդրուածս քո. կոչեաց և զԱստուած յերկուց անուանց և զերրորդն ևս յաւել.

« Խնդրեսցուք յԱստուծոյ՝ի Հօրէ և ի տեառնէ ա-  
» մենակալէ » . ուսուցանելով գութ առ Աստուած և երկիրդ ունել, և ՚ի գթութիւն և ՚ի խնամամեծութիւն և ՚ի պահպանութիւն զնա յուսով կոչել. զի Աստուած է արարիչ, հարկաւ հանդիպի, և ՚ի ստեղծուածս խնաւ մակալութիւն պահանջի. և զի հայր է ըստ աւագա-  
նին միւսանգամ՝ ծննդեանն՝ ՚ի գութ մեզ բորբոքի սիրով. և զի տէր է ամենակալ՝ զպահպանութիւն և զամենայն պիտոյս իբրեւ ծառայից շնորհել յանձն առ-  
նու. Վասն այսորիկ մեք որպէս ՚ի հաստիչ և ՚ի հայր՝ սերտ սիրով ապաւինեսցուք. և իբրեւ տեառն երկիր-  
դիւ ծառայեսցուք, և զամենայն հոգս մեր ՚ի նա ըն-  
կեսցուք, և ամենայնիւ ՚ի նա յուսասցուք. զի թէ առ սակաւագութ մարդկութիւնս՝<sup>1</sup> վասն միոյ պատճառի հայրութեան կամ տէրութեան<sup>2</sup>, վստահանամք զա-  
մենայն պիտոյից մերոց լրումն, ապա որչափ առաւել երիւքս այտքիւք՝ առ բազմագութն այն Աստուած և հայր և տէր՝ պարտիմք մեծայոյս լինել: Միայն զար-  
ժանն և եթ հատուցուք նմա ըստ ամենայնի. զի ա-  
րարածն զարարիչն պատուէ, և ՚ի նորա սպաս և ՚ի պաշտօն հարկի. և որդի զհայր փառաւոր առնէ, և ծառայ երկնչի ՚ի տեառնէ իւրմէ: Այսպիսիք լեալք՝ ամենայնիւ ՚ի նմանէ բարեգործիցիմք, և զաւետիս կենաց ունիցիմք զաստիս և զհանդերձելոցն. իսկ եթէ ընդ հակառակսն յայնցանէ շրջիցիմք, հակառակքն և մեզ դիպիցին. և զայն լսեմք թէ՛ Զղջացայ, զի ա-  
րարի զմարդն ՚ի վերայ երկրի, և թէ՛ ահա ես ապա-  
կանեցից զնոսա և զերկիր, և զոր մարգարէիւն տրը-  
տընջէր՝ եթէ հայր եմ, ո՞ւր են փառք իմ, և եթէ տէր՝ ո՞ւր է երկիրդ իմ:

« Ի վերայ ժամուս պաշտաման և աղօթից. զի Աս-  
» տուած ընդունելութեան արժանի արասցէ » : Վասն այսր, ասէ, ժամուս. զայնմ ժամանակէ ասէ՝ յորում

<sup>1</sup> Այլ 0. մարգարտութիւնս:

<sup>2</sup> Այլ 0. ակարութեան:

ժամանակ յաղօթս ժողովեալ իցեմք. զոր պաշտօնս և աղօթս կոչէ, յայտ առնելով եթէ պաշտօնեայք գոյով Աստուծոյ հօրն և ամենակալին տեսա՞ն, հանապազ 'ի նորա պաշտօնն ժամանել պարտիմք առանց հեղձութեան. և է պաշտելն ծառայութեան անուն: Ոչ վայրապար զպաշտօնն և ապա զաղօթմն եդ՝ որ է խնդրուածս. այլ զի ուսցիս, թէ ծառայելով պարտ է խնդրել զպէտս. զի այսպէս և առ մարմնաւոր տեսարս նախ ծառայել, և ապա խնդիրս առնուլ սովոր եմք: Գարձեալ զի և ընդունելի պաշտօնն և աղօթքն լիցին՝ աղաչել խրատէ. այսինքն թէ զի որպէս հաճելին է՝ պաշտեմք զԱստուծո, և որպէս նայն կամի՝ աղօթիցեմք, սրբութեամբ և սիրով և զգաստութեամբ և յստակ մտօք և Զերմ հոգւով. և զի խնդրիցեմք զօգտակարն, զարքայութիւնն Աստուծոյ և զարդարութիւնս նորա. զի որպէս ասէ առաքեալն Յովհաննէս՝ թէ Զոր ինչ հայցեմք ըստ կամաց նորա՝ լէ մեզ. 'ի սոյն միտս և քարոզին գան բանք:

« Լուիցէ Տէր ձայնի աղաչանաց մերոց, ընկալցի » զխնդրուածս սրտից մերոց, ողորմեսցի 'ի վերայ մեր» : Քանզի այնպիսեացն սովոր է լեւ՝ որք ըստ կամաց նորա հայցեն: Գարձեալ ոչ ասաց, թէ ընկալցի զխնդրուածս մեր, այլ թէ զսրտից մերոց. զի ոչ եթէ որ 'ի շրթանցն՝ այլ որ 'ի սրտէն խնդրուածքն ընդունելի է նմա. որ և ողորմել մեզ տայ Աստուծոյ, որպէս և պաշտելին և քանանացւոյն, և օրպէս կուրացն՝ որ զողորմութիւն խնդրելով ոչ լռէին, թէպէտ և բազումք սաստէին, մինչև լուսաւորեցան և գնացին զհետ նորա, ոչ թողլով զնա՝ թէպէտ և հասին պարգեւին: Զոր և մեք արասցուք. մի լռեսցուք 'ի խնդրելն, թէպէտ և յորովիւք խափանողօք արգելեալք լիցուք, և մի յառնուին զխնդրելին՝ 'ի նմանէ 'ի բաց կացցուք. թէ ոչ և նա 'ի բաց՝ լինի 'ի մէջը. և այնմ դիպիցիմք, զոր սաղմոսանուագն ասէ. Ահա ահիկ որք հեռի արարին զանձինս իւրեանց 'ի քէն՝ կորիցեն. այլ ըստ խրատու առաքելոյն՝ մերձեսցուք առ Աստուծո և նա մերձեսցի առ մեզ:

1 Այլ 0. 'ի բացեայ:

« Աղօթք մեր և խնդրուածք յամենայն ժամ մտցեն » առաջի մեծի տէրութեան նորա » : Թէ այնպէս աղօթեսցուք որպէս ասացան, և զՀաճոյս Աստուծոյ և զօգուտն մեր խնդրեսցուք, ոչ այժմ ևեթ այլ և յամենայն ժամու, աղօթք մեր և խնդրուածք մտցեն առաջի մեծի տէրութեան նորա. ապա քանի անչափ խնդութիւն մեզ գայցէ. զի եթէ 'ի փոքր տէրութեանէս որ 'ի մարդիկ՝ յաճախ խնդութիւն լինի, զազաւանս ուրուք ընկալեալ, ապա այնչափ մեծութեան երկնաւոր տեառնն ահաւորին հրեշտակաց՝ առաջի մտեալ մեր և զհայցումն 'ի նմանէ ընկալեալ<sup>1</sup>, որպիսի զուարճումն մեզ բերիցէ, որ և նախ քան զանդերանութիւնան աստ պարգեւալից արասցէ, որպէս և ասէ.

« Եւ նա տացէ մեզ միաբան հաւատով յարգարութիւն վաստակել. զի զողորմութեան զնորհս իւր առ »  
 « րասցէ 'ի վերայ մեր տէրն ամենակալ » :

Տեսէր զաղօթիցն շահ, որպիսի եցոյց զմիաբանելն յուղիղ հաւատս և զվաստակելն յարգարութեան. և այս լինի յորժամ Տէրն ամենակալ զողորմութեան զնորհս իւր 'ի վերայ առնէ, այսինքն զՀոգւոյն սրբոյ զնորհս, զոր ողորմի և տայ խնդրողացն. այն է որ հաստատեն 'ի հաւատս. նոյն և որ յարգարութեան վաստակն զօրացուցանէ. նա է որ զտաժանելիսն հեշտալիս առնէ : Ապա յաղօթս աւարտէ զբանն ասելով,  
 « Կեցո և ողորմեա մեզ, Տէր » :

#### ԱՂՕԹՔ

« Տէր մեր և փրկիչ Յիսուս Քրիստոս, որ մեծդ ես »  
 « ողորմութեամբ և առատ ես պարգեւօք բարերարութեան » : Երկնից և երկրի գոյով տէր, ասեմք մեզ յատուկ, յառաւել գութ այնու ձգել. մանաւանդ զփրկիչն կարգալով մեզ, որոյ մարմնամալովն և մահուամբն փրկեցաք. բայց զի մեծ ասաց ողորմութեամբ՝ զանբաւ նորա յայտնելով զողորմութիւն, նոյնպէս և զառատութիւն նորա պարգեւացն անչափաբար : Բայց

<sup>1</sup> Ա. լ. 0. առաջի մտեալ մեր է հարցումն և 'ի նմանէ ընկալեալ :

զինչ աստանօր կամի այս նախաշաւիդ աղօթիցս գոլ. քանզի յերրորդ ժամուն է աղօթքս, յորում ժամուն 'ի խաչ հանին զփրկիչն, և յորում ժամուն Հոգին սուրբ տուաւ առաքելոցն. և 'ի խաչի համբերելն վասն բազում իւրոյ ողորմութեանն էր, զի զմեր մեղացն զպարտան իւրով մարմնովն հատուցէ. նոյնպէս և զմեծ պարգևան՝ զՀոգին սուրբ՝ շնորհելն առատութեամբ, յորդ և անհուն բարերարութեամբ. յաղաքս այնորիկ, ասէ, մեծդ ես ողորմութեամբ 'ի խաչին պատճառս. և առատ ես պարգևօք բարերարութեան, վասն զՀոգին հեղոյ. որպէս յաջորդն իսկ յայտ առնէ.

« Որ դու քոյին կամաւ համբերեցեր 'ի ժամուն » յայսմիկ՝ չարչարանաց, խաչի և մահու յաղաքս մեղաց մերոց » : Ոչ 'ի բռնութենէ ասէ ուրուք, այլ 'ի կամաց քոյ-կրեցեր զամենայն, ողորմելով մեզ. ոչ ըզդուն առանց պատճառի դնէ նախկին, այլ սակաւուն բազումն ընդ միտ ածել պատրաստէ. թէ դու Աստուածդ և Որդիդ Աստուծոյ Հօր համազոյդ, արարիչդ ամենայնի, զոր անբաւ բազմութիւնք վերնոցն մեծաւ երկիւղիւ պաշտեն, յորոյ հրամանէ ծով սահմանեալ է և ցամաք հաստատեալ, որոյ բանիւ լուսաւորք 'ի հաստատութեան երկնի գնան ըստ իւրաքանչիւր կարգաց, յորոյ ձեռանէ կերակրին ամենայն կենդանեաց ազգ, որ ամենայնի տիրես և զամենայնն լնուս, և անբովանդակելիդ ես յամենեցունց, անհասդ և անձառդ և անիմանալիդ. համբերեցեր չարչարանաց, կապեալ, յատենի կացեալ, թշնամանեալ, թքալից եղեալ, ապտակեալ, կոփեալ, ձաղեալ, կատակեալ, փշեայ պսակօք և եպերանաց զգեստիւ, և եղեգնեայ դաւազանաւ գանեալ, երբեմն 'ի Պիղատոսէ մտրակաւ և երբեմն եղեգամբ 'ի զինուորացն : Զայս և որ սոցին նման ցուցանէ յասեին, թէ համբերեցեր չարչարանաց. յուշ առնէ ապա և զխաչին կիրսն, միով բանիւ ասէ զմեր կուութիւնն, զբեւոտումն, զծարաւն, զէղզոյն ճաշակումն<sup>1</sup>, զբազմաց հայհոյութիւնն և զնախատելն և զգլուխս շարժելն : Ապա և զմահն 'ի նոյն յարէ՝ այս.

<sup>1</sup> Այլ Օ. զէղին զոր ճաշակեաց :

պէս ասելով. Քոյին կամաւ համբերեցեր 'ի ժամուս  
յայսմիկ չարչարանաց և խաչի և մահու. յորում զխո-  
ցումն էառ՝ մեռելութեամբն ևս թշնամանեալ. և  
թաղմամբն ընդ մեռեալս համարեալ. զայս ասէ զա-  
մենայն համբերեցեր վասն մեղաց մեծոց. զի քոյին ան-  
պարտ արեամբդ զպարտաւորս ազատեացես 'ի յաւի-  
տենական մահուանէն և 'ի տանջանացն:

« Եւ պարգևեցեր առատապէս զպարգևս Հոգւոյդ  
» սրբոյ երանելի առաքելոցն »: Քանզի առ այնս որք  
արբեցութեամբ բամբասէին զառաքեալն 'ի խօսել  
նոցա զամենայն լեզուս, ասէ Պետրոս. Ոչ որպէս դուք  
կարծէք թէ սոքա արբեալ իցեն, զի դեռ երեք ժամք  
են աւուրս. զսոյն և աղօթիցս բան յայտ առնէ, թէ  
'ի սոյն յայս երրորդ ժամուս, յորում 'ի խաչին բեռե-  
ցար, և զՀոգիդ սուրբ հեղեր յերանելի առաքեալն:  
Իսկ առատապէս՝ զառաւելութիւնն քան 'ի մարգա-  
րէան յայտ առնէ, վասն որոյ երանելիս կոչէ. զի սաս-  
տիկ յորդութեամբ զէջս Հոգւոյն նոցա պարգևեաց:  
Յարէ 'ի նոյն և մնողթանս.

« Հաղորդս արա զմեզ, Տէր, աղաչեմք զքեզ աս-  
» տուածային պարգևացդ »: Հաղորդս լինել՝ հաւա-  
սարորդ է լինել. աստուածային պարգև ասէ զոր 'ի  
Քրիստոսի չարչարանացն շնորհեցաւ մեղաց թողու-  
թիւն, և 'ի Հոգւոյն սրբոյ գալստենէն շնորհք. զի և  
առաջիկայ բանին յայտնագոյնս ցուցանէ զսոյն. զի  
ասացեալ, Հաղորդս արա զմեզ, Տէր, աղաչեմք զքեզ,  
աստուածային պարգևացդ, յարէ 'ի նոյն.

« Թողութեան մեղաց, ընդունելութեան Հոգւոյդ  
» սրբոյ »: Աղաչեմ, ասէ, զի արիւնդ քո պատուական որ  
մաքրեաց զտիեզերս՝ և զմեզ սրբեսցէ, և Հոգիդ սուրբ  
'ի վերայ մեր եկեսցէ. զի և մեք այսոցիկ պարգևացս  
հաղորդս լիցուք, և սրբեալ 'ի մեղաց և հոգւով լցեալ՝  
քո պարգևացդ շնորհակալութիւն արժանապէս հա-  
տուցուք. այս է զոր ասէն. « Որպէս զի արժանաւորք  
եղիցուք գոհութեամբ փառաւորել զՀայր և զՈրդի  
և զսուրբ Հոգիդ <sup>1</sup>. այժմ և միշտ և յաւիտեանս յա-  
ւիտենից. Ամէն »:

1 Այլ Օ. զքեզ ընդ Հօր և ընդ սուրբ Հոգւոյդ:

## Խաղաղութիւն ամենեցուն.

« Խաղաղութեամբ քով, Քրիստոս փրկիչ մեր, որ »  
 » 'ի վեր է քան զամենայն միտս և զբանս, ամրացո ըզ-  
 » մեզ և աներկիւղս պահեա յամենայն չարէ » :

Այս դրուակ է՝ զոր ասէ երանելին Յովհան, թէ վասն այսահարացն կարգեալ է. քանզի արտաքոյ եկեղեցւոյ կալով այսոտքն՝ յայսմ ժամու 'ի ներքս ածէին սարկաւազունքն, և կացուցանէին յառաջ. և քահանայն զայս մատուցեալ աղօթս, բովանդակ ժողովուրդն պաղատանս վասն նոցա առնեն:

« Խաղաղութեամբ քով, Քրիստոս փրկիչ մեր » :  
 Գու ես, ասէ, որ փրկեցեր զազգս մարդկան 'ի ծառայութենէ սատանայի. և այժմ փրկութիւն շնորհեա սոցա, ամրացուցանելով քով խաղաղութեամբդ, որ 'ի վեր է քան զամենայն զմիտս և զբանս. զի ոչ իմանի մըտօք, և ոչ պատմի բանիւք. այլ քան զհրեշտակաց և քան զմարդկան իմացումն և ասելութիւն 'ի վեր անցանէ. « Ամրացո, ասէ, և աներկիւղ պահեա յամենայն » չարէ » . զի ոչ միայն յայնցանէ որ լլկենն, այլ և յամենայն ազգաց դիւաց աներկիւղ արա զմեզ, ամրացուցեալ քով խաղաղութեամբդ :

» Հաւասարեցո զմեզ ընդ ճշմարիտ երկրպագուս » քո, որք Հոգւով և Ճշմարտութեամբ քեզ երկիր » պագանեն » : Քանզի որիչ 'ի ժողովրդենէն աղօթել հրամայէ լլկելոցն 'ի դիւաց. վասն զի որք Թափուր 'ի Հոգւոյ լեալ՝ դիւաց մատնին, կամ որք մեղօքն մեկացան զՀոգին՝ չունին իշխանութիւն հաւասարելնոցա, որք հոգւոյն Աստուծոյ են միացեալք, նովմբ զերկրրպագութիւն Աստուծոյ մատուցանեն. զորոց Տէր ինքնին ասէ, Ճշմարիտքն երկրպագուք երկիր պագանիցեն Հօր՝ Հոգւով և Ճշմարտութեամբ. քանզի և Հայր այնպիսի երկրպագուս իւր խնդրէ :

Արդ՝ աղաչէ աղօթիցս բան, զի սրբեսցին 'ի պիղծ այսոցն՝ և զՀոգին սուրբ ընկալցին, և հաւասարորդք լիցին ճշմարիտ երկրպագուացն, որք հոգւով և Ճշմարտութեամբ երկիր պագանիցեն Աստուծոյ. հաստատեալ Հոգւոյն 'ի ճշմարիտ հաւատսն, և լուսաւորեալ



նովիմբ, բացաւ երեսօք զփառս Տեառն իբրեւ ընդ հա-  
յելի տեսանեն, և դէմ յանդիման սուրբ Երրորդու-  
թեանն զերկրպագութիւն մատուցանեն: Այլ զի հա-  
սարակաց ասի այժմ աղօթքն՝ ի հնութենէն յեղեալ  
են բանքն. զի յառաջ այսպէս իմանի լեալ, ամրացո  
զսոսա, և թէ հաւասարեցո զսոսա ընդ ճշմարիտ եր-  
կրպագուս քո: Նա և որ այժմ ասէ՝ ոչ ինչ հեռի է  
ի դիտաւորութենէն. զի ամենայն մեղաց արկածք ի  
չարէն են, և թուի թէ որ վասն այսահարացն աղօ-  
թէին՝ այսպէս ասէին. « Ամրացո և աներկիւղ պա-  
» հեա՝ չչարէն». իսկ այժմ ասեմք յամենայն չարէ. այս  
ինքն յամենայն նետից նորա. « Հաւասարել և մեզ  
» ընդ ճշմարիտ երկրպագուս քո, որք Հոգւով և ճիշ-  
» մարտութեամբ. քեզ երկիր պագանեն ». և թէ մեք  
չեմք արժանի, այլ զի իրաւունք են և վայել է քո տէ-  
րութեանդ տալ զփառս, յայն սակս հաւասարեցո ըզ-  
մեզ արժանաւորացն. քանզի այս միտք են որ զկնի  
գայ բանն:

» Վասն զի ամենասուրբ Երրորդութեանդ վայել է  
» փառք իշխանութիւն և պատիւ. այժմ և միշտ և յա-  
» լիտեանս յաւիտենից. ամէն »<sup>1</sup>:

Յայսմ տեղի ասի որպէս յարձակել զժողովուրդն՝  
Օրհնեա տէր. զի բեմասացութեան տեղի է, և աւար-  
տեն զաղօթմն օրհնութեամբք, և ի վարդապետու-  
թեանն յունկնդրութիւն տան զանձինս, և ապա ըզ-  
խորհրդականն կատարեն: Բայց զի յայլում վայրի ա-  
սացեալ է մեր վասն որք ոչ կարեւոր համարին զուն-  
կընդրութիւն գրոց սրբոց, աստանօր հարկ համարիմ  
սակաւ ինչ ասել առ այնոսիկ որք ասենն, զի լսեմ  
և ոչ առնեմ՝ ապա բնաւ և ոչ լսեմ, զի մի աւելի դաւ  
տեցայց: Ի դէպ է ասել նոցա. ով աներկիւղ երկիւ-  
ղածութեանդ. պատգամ Աստուծոյ եկեալ յերկնից,

<sup>1</sup> Նոր 00. աստանօր յաւելուն  
գբանքս.

Ժողովուրդն ասէ. Ամէն.  
Քահանայն ասէ. Օրհնեալ տէր  
մեր Յիսուս Բրիստոս.

Ժողովուրդն ասէ. Ամէն.

Քահանայն գառնայ առ ժողո-

վուրդն. հրաման տայ երախա-  
յիցն ելանել, ասելով. Տէր Աս-  
տուած օրհնեցէ զամենեւեան.

Սարկապի Սաղմոս ասացէք  
տեառն Աստուծոյ մերոյ: Եւ ասի  
սրբասացութիւն ըստ խորհրդոյ  
աւուրն:

էր իշխես ասել ոչ լսեմ և ոչ առնեմ: ապա ուրեմն առաւել դառնացուցիչ քան զհրեայսն գտանիս Աստուծոյ, զի նոքա ունկնդիր լինելով՝ լսէին. Զամենայն զոր ինչ ասասցէ տէր Աստուած մեր լուիցուք և արասցուք. իսկ դու և լսես անգամ ոչ: Եւ թէ երկրաւոր թագաւորի գրոյ իշխելիւր ասել, թէ ոչ կարգամ, և ոչ լսեմ հրամանաց արքային, մահաւ պարտաւոր լինէիր. Աստուծոյ պատմի հրամանք, և դու արհամարհես. չհամարին զքեզ յաւիտեանական սատակմանն արժանի: Վայ, ասէ մարգարէն, արհամարհողաց՝ որ արհամարհեն, և արհամարհանօք արհամարհեն զօրէնսդիրն. զայս Եսայի. իսկ Երեմիա՝ որ պէս յերեսաց Տեառն. Արք Յուդայ և բնակիչք Երուսաղէմի՝ դարձուցին յիս զթիկունս և ոչ զերեսս. ուսուցի զնոսա ընդ առաւօտս, ուսուցի և ոչ անսացին ընդունել զխրատ: Տեսանէս, քան զառնելոյն զհրամանն՝ զչլսելոյն առաւել բողոքէ Աստուած: Տեսցուք զինչ և Սողոմոնիւ ասէ. Երբեք ձեզ նեղութիւն և պաշարումն, իցէ զի կարդայցէք առ իս, և ոչ լուիցեմ ձեզ: Եւ վասն էր զայս յառաջ քան զայս, և զկնի ասէ զպատճառն. — յառաջ, Փոխանակ զի կուէի զձեզ և ոչ լսէիք ինձ. յերկարեի զբանս իմ, և ոչ անսայիք, այլ ապախտ առնէիք. և յետոյ՝ ասէ. Խընդրեացեն զիս չարք և ոչ գտանիցեն. զի ատեցին զիմառ տուութիւն և զերկիւղ Տեառն ոչ խնդրեցին: Արդ՝ առաջինն է հնազանդութիւն լսել երկիւղիւ զբանս Աստուծոյ, զոր ընդ մեծ բարեգործութիւնս յարգեցուցանէ Եսայի, այսպէս ասելով. Լուարուք զպատգամն Տեառն՝ որք դողայք ՚ի բանից նորա. դարձեալ ասէ. Եթէ ախորժեսջիւք և լուիջիւք ինձ՝ զբարութիւնս երկրի կերիջիւք, ապա թէ ոչ կամիջիւք լսել ինձ, սուր կերիցէ զձեզ: Տես և դու որպիսի բարի ունկնդրացն է յառաջ քան զառնեմն, և որպիսի պատիւ. քանզի սիրով խոտորի ՚ի չարէն<sup>2</sup>, և բարւոյն փափաքէ. և հեղութեամբ և խոնարհ մտօք դողութեամբ ունկնդիր պատգամաց Աստուծոյ, և բնակարան Աստուծոյ լի-

<sup>1</sup> Այլ զ. լսելով:

<sup>2</sup> Այլ զ. քան զսիրոյն, և խոտորեա ՚ի չարէն:

յիս: Եւ ո՞ր ասէ զայդ ասէ. ինքն Աստուած. Երկինք աթոռ իմ, և երկիրս պատուանդան ոտից իմոց. և ես յո՞ր բնակեցայց, եթէ ոչ ՚ի հեզս և ՚ի խոնարհս, և ոյք դողան ՚ի բանից իմոց. վաճն այնորիկ ոչ տայ թոյլ լեւ բանաարկուն, զի զայս և նա գիտէ, թէ ախորժութեամբ լողաց զբանն Աստուծոյ՝ ինքն Աստուած տայ նոցա զերկիւղն իւր, և զինքն ՚ի նոսա բռնակեցուցանէ. և յորում Աստուած բնակէ՝ նմա ամենայն դժուարինք դիւրինք լինին, և տարժանելիքն ախորժելիք, և քաղցրանայ նմա լուծն Քրիստոսի, և բռնն նորափորոգի լինի նմա. քանզի մեռանի մարմին մեղացն, և կենդանանայ արդարութիւն<sup>1</sup>. Ըստ գրեցելումն, Իսկ եթէ Քրիստոս ՚ի ձեզ է՝ ապա մարմին մեռեալ է վասն մեղաց, և հոգի կենդանի վասն արդարութեանն. ասաց առաքեալ, և զայլն որ զկնի: Մարիամ՝ ասէ Տէրն, մասն բարի ընտրեաց, որ ոչ բարձցի ՚ի նմանէ. զի նստէր առ ոտս Տեառն և լէր ըզբանս նորա: Հաւատարիմ համարեա և դու զՏէրն, և ընտրեա զբարւոք բաժինն զանբառնալին. և մի հաւանիր բանսարկուին խաբէութեանն, և զրկեր զբեզ ՚ի բարւոյն. քանզի իւր սերմանցն կամի առնել զբեզ անդաստան. վասն այնորիկ արդելու առ ՚ի յընդունելութենէ աստուածային սերմանցն: Մի հաւանիր օձին՝ որ զԵւայն պատրեաց, զբարւոքն չբարւոքն մաւսացեալ, և զիւրն նմա աստուածացուցիս յուսացուցեալ. լուր Աստուծոյ. Ունկն դիք ասէ լեւեօք ձերովք, զհետ եկայք ճանապարհաց իմոց. լուարուք ինձ և կերիջիք ըզբարութիւնս, և վայելեցեն ՚ի բարութեան անձինք ձեր: Այսքան աւետիք աստ և ՚ի հանդերձելումն, և դու ոչ Աստուծոյ՝ այլ սատանայի լեւ ախորժես. բանաւ արկուն զԱստուծոյսն ոչ տայ լել, զի մի և ՚ի ճանապարհն Աստուծոյ ելանիցեմք, և Տեառն բարեացն հասանիցեմք. եհան ՚ի դրախտէն զմեզ, կամի զի մի և աստ Աստուծոյ խնամօքն կեցցուք, և մի դարձեալ յանմահական ՚ի կեանսն վայելիցեմք: Լուիցուք Աստուծոյ, զի արասցուք զպատուիրանս նորա<sup>2</sup>. Իսկ եթէ ոչ լուիցուք՝ ուստի զառնելն իմասցուք. զիմրդ զԱս-

<sup>1</sup> Այլ Օ. յարդարութեան:

<sup>2</sup> Այլ Օ. գորէնս:

տուած հաշտեցուցուք, չգիտելով թէ որով և որ ի՜նչքան բարկացուցաք: Արդարեւ և ՚ի դէպ գայ մեզ ասել զբանն Յսայեայ, որ ասէ. Յայնմ ժամանակի յայտնեսցին՝ որ կնքեսցեն զօրէնս, զի մի ոք ուսանիցի և ասիցէ կացից մնացից Աստուծոյ, որ դարձոյց զերեսս իւր ՚ի տանէն Յակոբայ, և եղէց յուսացեալ ՚ի նա:

Տեսնէր զպատճառս չտալոյ լսել գրոց, զի մի յուսով ՚ի զեղջ եկեալ քաւութեան հասցեն: Եթէ արդար ես՝ լուր պատուիրանացն Աստուծոյ, և ևս հաստատեսցիս յարդարութեան. և եթէ մեղաւոր՝ լուր զսպառնալիսն Աստուծոյ, և ասա որպէս Դաւիթն, Մեղայ Տեառն. և լսես զնոյն պատասխանի, Եւ Տէր անցոյց զքեզ զմեղս քո: Զանաաջիւր ոչ բարկացուցանել զԱստուած, ապա եթէ վրիպեսցիս՝ դեղ լիցի քեզ հանապազորդ մեղանչելոյն հանապազ լսել սաստիւն Աստուծոյ, և մեղայ ասել և յահի նորա կալ, քան ամենեւին ապստամբել և հեռի ՚ի նմանէ լինել: Հայր է, ասա զնեղութիւնս զոր հասուցանէ քեզ չարն և որովք խաբէ, և ան ՚ի նմանէ իբր ՚ի գթած հօրէ՝ խրատ և օգնականութիւն: Բժիշկ է հոգւոց, ծանոթ զվէրս քո, և գտանես ՚ի նմանէ դեղ և բժշկութիւն. ոչ բարկանայ երբ առաջի անկանիս, թէպէտ և բիւրապատիկ ելեր զխրատով նորա. միայն՝ տեսցէ զքեզ երթեալ առ նա և ցուցեալ զվէրսն, չէ յօտարաց բժշկաց՝ եթէ կարէ անտես առնել զվէրս քո. հայր է, աղեկէզ լինի ՚ի քո արտասուելն վասն ախտից հոգւոյ, և վաղվադա կի ՚ի բժշկելն պատրաստի. քանզի և դիւրագայթս գիտէ զժեր բնութիւնս, և ըստ յաճախութեան ախտից բազմօրինակապէս դեղս պատրաստեաց զխոնարհութիւն, զխոստովանութիւն, զանոխակալութիւն, զթողութիւն յանցաւորին, զողորմութիւն, զպահս, զաղօթս, զնուէրս, զսրբոց կատարել յիշատակս, ըզհիւրասիրութիւն, զմնամածութիւն որբոց և այլեաց, զկարեկցութիւն առ եղբարս, և որ սոցին նման են բարեգործութիւնք, զորս գոյ յաստուածային խրատուց առնուլ օրինակս օր ըստ օրէ ՚ի բժշկութիւն

Հոգւոց: Ի վերայ ամենայնի և նախ քան զամենայն, Քրիստոսի հանապազորդ պատարագին. զի վասն մեր հանապազ 'ի յոնցանս անկմանն՝ միշտ պտտարագիլ առ 'ի քաւութիւն. ոչ շատացեալ որ 'ի խաչին մի անգամ պատարագեցաւ<sup>1</sup>, այլ յաճախապէս զնոյն զենումն յանդիման Աստուծոյ՝ վասն հաւատացելոց կենդանեաց և ննջեցելոց՝ յամենայն եկեղեցիս սուրբ պատարագաւն մատուցանէ. զի զոր անգոր 'ի վեր 'ի բարձրութեան խաչին զքաւութիւն տիեզերաց շնորհեաց, զնոյն և սուրբ պատարագաւն որ բոս օրէ ջնորհեացէ: Վասն այսորիկ պարտիմք հաստատուն հաւատով և մեծ յուսով 'ի Ժամուն յայնմիկ կալ ճուղի Աստուծոյ ահիւ և դողութեամբ. պարկեշտացեալ 'ի կերակրոց և յըմպելեաց, ըստ կարի զօրութեանն 'ի կարօտն տուեալ տուրս, խոստովան լինելով Աստուծոյ զգործեալն արաքոյ կամացն Աստուծոյ, և արտօրալից ջերմեռանգն պաղատանօք սուրբ պատարագաւն հայցել քաւութիւն. զի ամենողորմն Աստուծոյ միածնին մեռելութեանն որ վասն մեր՝ սրբեացէ 'ի մեղաց և ազատեցէ յամենայն պարտեաց, և ամբողջեալ և պարսպեալ զմեզ սուրբ խորհրդոյն, անըմբռնելիս արասցէ 'ի Թնամոյն, նաև ահարկու և նմին տացէ մեզ լինել, մանաւանդ թէ զգլուխ նորա կոխել, և անմիտս 'ի նմանէ լինել: Յաղաքս որոյ և անարգել որ առ Աստուած է մտացն ճանապարհորդութիւն՝ ունել զնացումն, և անտի բարեօգն աստատին խոյ բերկրեալ յուսալից և յարազուարճ եղեալ:

Բայց զի չափաւորապէս առ որ բանս էր ասացաւ՝ սկիզբն արտացուք խորհրդականացն բացայայտել ըզբանս, օգնական զնոյն ինքն զպատարագեալն ունելով: Ի մերձիկ սուրբ խորհրդոյն յահագին սեղանն՝ ասէ տարեաւագն:

« Եթ յերեխայից, և մի որ 'ի Թերահաւատից, և մի որ յանապաշխարից մերձ կայցէ կամ հազօրգես » ցի<sup>2</sup> »: Հրամայէ թէ երեխայ որ իցէ, կամ Թերի 'ի հաւատոցն, կամ ոչ ազալխաբեալ զմեզ իւր՝ պտուղս

<sup>1</sup> Այլ 0. պատարագ:

<sup>2</sup> Այլ 0. յապաշխարողաց և անմաքից:

քնալ. քանզի յեղանեմն 'ի սուրբ սեղանն հացին և բաժակին նուիրաց՝ բանին երկինք, և երկնայինքն յերկիր իջեալ՝ զսրբարար սեղանոյն բոլորին. վասն այնորիկ զոչ սրբեալնն աւազանաւն, և զոչ մաքրեալնն ապաշխարութեամբ և որք ոչ են հաստատեալ 'ի հաւատս՝ արտաքս վարէ քարոզն<sup>1</sup>:

## ՄԵԿՆՈՒԹԻՒՆ ՔՍՆՈՋԻՆ

« Կացցուք առաջի սրբոյ սեղանոյս Աստուծոյ ահիւ »: Որպէս 'ի քնոյ ընդոստուցանէ քարոզն, զսեղանն՝ Աստուծոյ սեղան կոչելով, զի առաջի Աստուծոյ կայ և զորդին Աստուծոյ 'ի վերայ ունի բազմեալ. յազազս որոյ ահիւ կալ ասէ առաջի:

« Մի՛ խզի՛ւ գայթակղութեամբ »: Խիղճ՝ գայթակղութեան զգայթակղեալն 'ի մեղս ասէ, զոր թէ ոչ խոստովանութեամբ հանեալ իցէ 'ի սրտէ՝ մի՛ կաջէ առաջի սրբոյ սեղանոյն յահաւոր յայնմ ժամունն:

« Մի՛ նենգութեամբ խորամանկութեամբ »: Նեն-

<sup>1</sup> Աստի ցմեմնութիւն Քարոզին պակասէ 21 և յայլ 00. էնչ:

« Մարմն տերունական և արիւն » փրկչական կայ առաջի, երկնա- » յին զօրութիւնքն աներևոյթս » երգեն և ասեն անհանգիստ բար- » քաւով, Սուրբ սուրբ սուրբ տէր » զօրութեանց »: Յետ այսորիկ արտաքս հանեն նախ զերախայսն, որք եկին 'ի հաւատս, բայց դեռ չեն ընկալեալ զուսացումն աւազանին, վասն անկատարութեանց զորս և թերեհաւատ կոչեն, քան զի չեն կատարեալ 'ի հաւատս, և ապա զապաշխարոզն, որք 'ի մեղս էնչ չարեաց թաւալեցան և դարձեալ 'ի զղժումն եկեալ խոստովանեցան, բայց դեռ չեւ է լցեալ նոցա թիւ աւուրցն ապաշխարութեան: Եւ զկնի նոցա զանմաքուրսն, այսինքն որք յանմաքուր այսոցն չարչարին: Սոքա երե-

քեան դապք մինչև յայս ժամկան ընդ սուրբ հաւատացեալն, զի տեսեալ զքահանայապետն որ ձեւացաւ 'ի նմանութիւն Քրիստոսի, և եցոյց զանհամեմատ սերն իւր առ մարդիկ, օգտեացին յայնմանէ. այլ մարգարէական և առաքելական և աւետարանին ընթերցումն, խրատ զգուշութեան և 'ի սնունդ անկատարութեան նոցա լինի: Իսկ այժմ՝ հանդերձեալ է ինքնին թագաւորն Քրիստոս 'ի խորհուրդ մտանել ընդ սիրելի և ընդ հաւատարիմ ծառայսն իւր, որք են քահանայական դադը, օչ է պարտ լինել անդ անկատարիցն, բայց կատարելոցն 'ի Քրիստոս: Իսկ կիսատարեալագոյն հանել զնոսա արտաքս, և պահել զգրուանն, վասն զի նոքա դատարարակեն զնոսա, և սնուցանեն հոգևորական կաթամբ հին և նոր կտակարանացն:

գութիւն խորամանկութեան ասի՝ որ կեղծաւորին սէր  
և խաղաղութիւն ունել առ եղբարս, և յանձինսնէն  
գութեամբ զչարութիւն խորհին, զոր ոչ ընդունի աս-  
տուածեղէն խորհուրդն, այլ արտաքս հանէ:

« Մի պատրանօք խաբէութեամբ »: Բազմադիմի են  
խաբէութեան պատրանք՝ և առ Աստուած և առ մար-  
դիկ. նախ առաջին, հաւատովն կերպարանել ուղղա-  
փառութիւն, չարափառ գոյով. կամ յարդար ձեւ-  
ցեալ՝ մեղաւոր լինելով. կամ առ մարդիկ երևեալ  
այն՝ որ չիցէ ստոյգ, կամ սիրուն, կամ պարզամիտ, և  
որ այլ ինչ է խարդախութիւն, ստուութիւն և խաբէու-  
թիւն, զայն ցուցանելով յինքն՝ որ չիցէ, զորս ՚ի բաց  
մերժէ Տէր ասելով. Ի բաց կացէք յինէն ամենե-  
քեան՝ ոչ գործէք զանօրէնութիւն:

« Մի երկմտութեամբ թերահաւատութեան »:  
Երկմտութիւն թերահաւատութեան է՝ եթէ յայնցա-  
նէ զոր դաւանիմք զինի սուրբ աւետարանին զհաւատն՝  
երկմիտ և թերի իցէ ոք իւր. կամ ՚ի սուրբ խորհուրդն՝  
ոչ որպէս յԱստուծոյ մարմին և յարիւն հաւատայ,  
կամ որ ինչ ՚ի նմա յոյսն՝ թերացեալ իցէ իւր. զոր  
նախ աղօթիւք և գրոց խրատութեամբ ուղղել պարտ է. զի  
որպէս գրեալ է, մաքրելի է նախ առաջին և ապա ՚ի  
մաքուրն մերձենալի:

« Այլ ուղիղ վարութեամբ »: Ուղիղ վարք այն է՝ զոր  
պատուիրանն ասէ, անթիւրն յաջ կամ յահեակ:

« Պարզ մտօք »: Այն երևել զինչ իցէ, և ոչ յայլ  
գունեալ:

« Միամիտ սրտիւ »: Ողջամիտ առ Աստուած և առ  
մարդիկ, և ոչ ուրեք խորհրդովն թիւրեալ:

« Կատարեալ հաւատով »: Այս է կատարումն հա-  
ւատոյն, զՀայր և զՈրդի և զսուրբ Հոգին ճանաչել,  
երիս անձինս և մի Աստուած, ոչ գիտել ՚ի նոսա առա-  
ւել կամ նուազ, կամ յառաջ կամ յետոյ, այլ հարթ  
հաւասար, և միապէս յամենայնի, և նոյն բնութեամբ.  
Ծնող զՀայր, և Ծնունդ զՈրդի, և ելումն զՀոգին<sup>1</sup>  
և ոչ Ծնունդ. անժամանակք երեքեան և իսկզբանէ  
ընդ Հօր Որդի և Հոգին սուրբ. մարմնացեալ Որդին ՚ի



Մարիամայ անձառապէս, և անփոխարկաբար. նոյն ինքն Աստուած ճշմարիտ և մարդ կատարեալ. զաստուածութեանն զօրութիւն ցուցանելով՝ որպէս զԱստուած, և զմարդկայինն առանց մեղաց կրելով որպէս մարդ, միաւոր բնութեամբ<sup>1</sup>. նոյն ինքն խաչի և մահու համբերեալ և յարուցեալ երեքօրեայ, և ըզմերն բարձեալ զանէծս և զմեղս և զմահ: Մերսվ մարմնովս համբարձեալ յերկինս, և գայ դատել ըզկենդանիս և զմեռեալս, և հաստուցանել ըստ իւրաքանչիւր գործոց, արդարոցն՝ կեանս յաւիտենականս, և մեղաւորացն՝ տանջանս յաւիտենականս. խոստովանել և զմկրտութիւնն՝ վերստին ծնունդ՝ ի Հոգւոյն սրբոյ, յորդեգրութիւն Հօրն երկնաւորի. հաւատալ և զփրկական խորհուրդն՝ ստուգապէս մարմին և արիւն Քրիստոսի. որով միանամք ի Քրիստոս, և ժառանգակից նորուն լինիմք: Այսոյ հաւատով լինել կատարեալ:

« Լքեալ սիրով »: Աստուածսիրութեամբ լի և եղբայրսիրութեամբ անթերի:

« Առաւելեալ ամենայն գործովք բարութեանց »: Որ ինչ յաստուածսիրութենէն և յեղբայրսիրութենէն բարիք:

« Կացցուք առաջի սրբոյ սեղանոյս Աստուծոյ »: Դարձեալ վերստին յիշեցուցանէ զկալն առ սեղանն Աստուծոյ, զի առաւել ընդ ահիւ փակեցէ:

« Եւ գտցուք ողորմութիւն յաւուր յայտնութեան » ի միւսանգամ գալստեան փրկչին մերոյ »: Յիշեցուցանէ և զահաւոր գալուստն Քրիստոսի, զի մի անփորձ մատիցուք առ աստուածային սեղանն. զի եթէ խղճիւ կացցուք՝ մեծապէս լինիմք կշտամբեալք, որպէս զաղտեղի հանդերձիւք մտեալն ի հարսանիսն. ապա թէ լուացեալ զաղտն, և հարսանեաց զգեցեալ պատմու ճանա՝ ըստ խրատու քարոզին, ողորմեալ լինիմք յայնմ աւուր, և ողորմութեամբն Քրիստոսի՝ ի նորա բարինս վայելեմք. զի թէպէտ բիւրապատիկ լցեալ իցեմք արդարութեան վաստակօք, սակայն ողորմութեամբ են

<sup>1</sup> Իմա՝ անշփոթ միաւորեալ աստուածութեամբ և մարդկութեամբ:

պարզեքն, բազմապատիկ առաւել քան զվաստակն մեր. աղօթիւք կնքէ զքարոզն ասելով. « Ամենակալ » տէր Աստուած մեր, կեցս և ողորմեաց մեզ ». զի թէ ողորմութեամբդ ոչ օգնիցիմք՝ ոչ կարեմք այնպիսի մաքրութիւն ստանալ՝ մինչ զի խառնումն ընդ քեզ ունել. այլ ողորմելովդ լիցուք արժանի, և հասցուք կենացն յաւիտենից :

## ՊԱՏԱՐԱԳԱՐԱՏՈՅՑ

« Տէր Աստուած զօրութեանց, և արարիչ ամենայն » լինելութեանց » : Բազում անգամ ասացաք յայլ աղօթման, թէ տէրն անուն վասն տիրելոյն է. իսկ աստուածն վասն ստեղծանելոյն և յաստիս ածելոյ զեղեալքս : « Զօրութեանց », թէ հրեշտակաց, զի ոչ միայն երկրի և որ ՚ի նմա են՝ տէր Աստուած է, այլ և երկնիցն և երկնայնոցն, զոր ասէ մարգարէն. Որհնեցէք զՏէր՝ ամենայն հրեշտակք նորա . զօրք զօրութեանց, որ առնէք զբան նորա : « Եւ արարիչ ամենայն լինել » լութեանց », թէ որ ինչ լեալք են՝ ամենայն քո հրամանաւ են հաստատեալ. բայց որ ասենն զայս, և որ լսել արժանանան, իմասցին թէ նմա առաջի կամք՝ որում զօրք հոգեղէնք և հրեղէնք են սպասաւորք. որ ասաց ամենայնի և եղեն, հրամայեաց և հաստատեցան :

« Որ յանէութենէ զբնաւս ՚ի ցուցակութիւն ա » ծեալ գոյացուցեր » :

Յանէութենէդ՝ է յանլինելութենէ. զբնաւս՝ զամենայնս. ՚ի ցուցակութիւն՝ ՚ի ցուցումն և ՚ի տեսութիւն. ածեալ գոյացուցեր՝ գոյս արարեր զորս չէինն, զանփնչն՝ ինչ արարեր, զչգոյն՝ գոյացուցեր, զոր ոչն էր՝ ՚ի տեսութիւն ածեր : Բանքս սակաւ են, և մոտ ծութիւն անհաս ունի. չէին երկինք և ոչ երկնից երկինք. ոչ վերնոցն զանազան և անթիւ բազմութիւնք, ոչ արեգակն, ոչ լուսին, ոչ աստեղք, ոչ օդ, ոչ ամպք, ոչ անձրեք, ոչ երկիր, ոչ հող, ոչ ագիւղք և գետք և ծովք. ոչ ազգի ազգի բոյսք և տունք և սերմանիք, իւրաքանչիւր հոտովք և ծաղկովք և պտղովք և համովք. ոչ բազմատեսակ անասունք, և գազանք, և սողունք և թռչունք և ձկունք. ոչ պատուական և պի-

տանի նիւթք, ոսկի, արծաթ, պայծառ քարեր, երկաթ, պղինձ, կապար, ապակի, և սոցին նմանք. ոչ աղբիւրք ճարպոյ, կամ որ զաղն բերեն ջուրք և լերինք. այլ սղբա և որ այլ ևս են լինելութիւնք՝ յոչնչէ եղեն կամելովն Աստուծոյ, և գործ եղեն և տեսութիւնք յանդիմանակաց: Եւ յայն սակս նախ զղիր գոհութեանցս զայս եղ, զի ընդ ամենայնի սրբով պատարագան գոհացողք լիցուք. և սարսեալք յամենազօր և յամենարար Տեառնէն՝ մեծաւ ահիւ յանդիման նորա կացցուք, և զաղօթս մեր մատուցուք, և ամենայն սրբութեամբ՝ ի սուրբ խորհուրդն մատիցուք:

« Որ և զմեր հողեղէն բնութիւնս պատուեալ մար» դասիրապէս, այսպիսի անպատում և ահաւոր խորհրդոյ կարգեցեր սպասաւորս: Հողեղէն կոչէ ըզմարդկան բնութիւնս. վասն զի ի հողոյ ստեղծաւ մարմին. պատիւ կոչէ զբաճանայութիւն, և մարդասիրապէս, վասն զի սիրեաց զմարդիկ, և զայն պատիւ ետ՝ որում և ոչ հրեշտակք չէին՝ բաւական: Անպատում ասէ և ահաւոր զսուրբ խորհուրդն. անպատում է, զի ոչ պատմի բանիւ որ ինչ էն, և ահաւոր է՝ վասն ահագին փառացն. զի յորոց տեսանէինն՝ թէ յանմարմնոց հրեշտակաց և թէ ի մարմնաւորաց սրբոց, անհանդուրժելի և ահեղ նոցա է. բայց որքան է՝ ոչ տեսաւ յումեքէ. զի զԱստուած ոչ դժեմ ետես երբէք. արդ զի որդի Աստուծոյ է մարմինն՝ Աստուած է անտես յամենայն բնութեանէ՝ և սպասաւորի ի հողեղէնաց: Արաց նախ առաջին զԱստուծոյ մեծութիւնն ի տիրելոյ վերին զօրացն, ապա յարարութեանէն, իսկ աստանօր ասէ յանպատում և յահեղ փառացն. և թէ որ այդպիսիք ետ՝ առ սէրք բարերարութեանդ զհողս յայսքան պատիւ վերաբերեցեր, մինչև սպասաւոր անձառ խորհրդոյս լինել: Եւ խօսիմք զայս ընդ Հօր, պատարագ նմա ընծայեալ զՔրիստոս. յաղագս որոյ ասէ բանն. թէ,

1 Այլ Օ. լինէին:

2 Ըստ աստուածաբանից փոխատրեն երբեմն Ս. Հարց զատուկս բնութեանցն ի Քրիստոս:

վասն պանչելի միաւորութեանն, և որպէս ասի Աստուած մեռեալ, այսպէս ասէ սա զՔրիստոս անտես լինել՝ զի Աստուած է:

« Դու Տէր, որում պատարագեմք զպատարագիս »  
 « ընկալ առ 'ի մէնջ զառաջադրութիւնս զայս » : Պատարագ կոչի ընծայ. դու Տէր, ասեմք ցՀայր, որում ընծայեմք մեք մարդիկս այսպիսի պատարագումն, զոր պատարագիս ասաց բանն. և դու, ասէ, ընդունել սու վոր ես, այժմ և 'ի մէնջ ընկալ զոր առաջի եգաքս :

Յամենայն պատարագամատոյցսն, առաջին աղօթքն վասն մատուցանողին արժանաւոր լինելոյ ասի, և զսոյն միտս ունի. աղաչէ ՀՀամարել խոտան զմատուցողն. այս է զոր ասէն, (Ընկալ առ 'ի մէնջ. Թէ որպէս մեծաւ րեցեր զքնութիւնս մեր, և ընդունիս պատարագել քեզ մարդկան զայսպիսի պատարագ, զնոյն արասցես և մեզ, անտես առնելով զոր յանցեալն :

Հանապազ իսկ՝ բայց առաւել առ ահեղ խորհրդոյն՝ յանցանքն մեր առաջի մեր լիցին, և յիշեսցին անուղղայ գործեցեալքն 'ի մէնջ. և սխալանացն յիշմամբ և մեր բնութեանս անարգութեամբ՝ զՀօգարութիւն զամենայն 'ի բաց ընկեսցուք. զի Թէ Հայրապետն Աբրահամ՝ որ ոչ գիտէր զանձին խիղճ՝ ինչ, այլ և բազում ուղղութեանց վկայ զԱստուած ունէր, Համայն 'ի խօսելանդ ցուցանէր զինքն ոչ Հող միայն այլ և մոխիր, ապա որչափ ևս առաւել մեզ մեղաւորացս պարտ է բնութեամբս և մշասակար գոյովս ցածնուլ. զի և պատարագ իսկ խոնարհ Հոգին լինի Աստուծոյ, և նախ զինքն Աստուծոյ մատուցանէ խոնարհելովն և սրբելով զսիրտն 'ի խղճէ չարեաց, և զսիրտ սուրբ և զհոգի խոնարհ՝ Աստուած ոչ արհամարհէ :

« Եւ աւարտեա զսա 'ի խորհրդականութիւն մարմնոյ և արեան միածնի քոյ » : Աւարտ՝ կատարման իրաց սովորեմք կոչել. ասեմք Թէ սորա կատարումն՝ եղիցի լինել մարմին և արիւն որդւոյն Աստուծոյ, Դարձեալ և խորհուրդ Աստուծոյ է, զոր յայտնեալ է, և յայտնէ սրբոց իւրոց, և ծածուկ է 'ի պղծաց. զի մի տացի սրբութիւն շանց, և մի՛ ընկեսցի մարդարիտ խաղաց, զի մի՛ առ ոտն կոխեսցի. վասն այնորիկ և մի՛ վայրապար զայսպիսի խորհուրդ անհաւատիցն տացուք. զի մի՛ այպանեալք 'ի նոցանէ երգիծանիսիւմք. այսինքն է, զի մի՛ կսկիծ 'ի սիրտ առչուք. Զի ճառ խաչին կորուսելոյն յիմարութիւն է, Ոչ վայրապար և զմիածնին բանն

եղ 'ի վերայ որդւոյն . այլ զի յուշ լիցի մեզ՝ թէ որպիսի սէր գտաք յԱստուծոյ, զի մի որդին նորա՝ որ միայն է նորա ծնունդ՝ պատարագեսցի վասն մեր :

« Դեղ թողութեան մեղաց պարգևեա ճաշակո՞ւ » զացս զհացս զայս և զգինիս . շնորհօք և մարդասիրտութեամբ Տեառն մերոյ և փրկչին Յիսուսի Քրիստոսի » : Վասն զի կերակրով մեղաք և մահկանացուք եղաք, կերակրով դարձեալ զքաւութիւն և զանմահութիւն ստանալ մեզ՝ Քրիստոսի չարչարանքն պարգևեցին . աղաչեմ վասն հացիս և գինւոյս եղելոյ 'ի սեղանն, զի լինելով մարմին և արիւն Քրիստոսի՝ լիցի մեզ քաւիչ և կեցուցիչ՝ կենդանեաց և մեռելոց . և այս վասն սիրոյն Քրիստոսի, որ մեռան վասն մեր, զոր շնորհ և մարդասիրտութիւն կոչէ : Զի չիք դք առանց սխալանաց, և բազում են՝ զոր անգիտութեամբ մեղանք . և զի որ խոստովանին և զապաշխարութիւն ցուցանեն՝ քաւութիւն սուրբ խորհրդոյն առնուն, և միւսանգամ 'ի Քրիստոս միանան, լինել նմա մարմին և անդամն, վասն այնորիկ մեծի դեղոյն 'ի խնդիր լինիմք :

« Ընդ որում քեզ Հօր ամենակալի, հանդերձ կենսանարար և ազատիչ սուրբ Հոգւովդ՝ վայելեն փառք, իշխանութիւն և պատիւ » : Ամենակալ կոչէ զՀայր, զի ընդ իւրով իշխանութեամբ ունի զերկինս և զերկիր լրիւ իւրեանց . կենդանարար և ազատիչ առանց զՀոգին սուրբ, զինովաւ աւագանն զմեզ վերատին ծնանի որդիանալ Աստուծոյ, ազատելով 'ի մեղաց և կենագործելով յանմահական կեանս . նոյն և զսուրբ խորհուրդն՝ զկենդանարարն և զազատիչն՝ գործէ : Նա և զհանդերձեալ նորոգումն յարութեամբ մեզ շնորհէ . վասն որոյ բարերարի սուրբ Երրորդութեանն վայելուչ ասէ և արժանաւոր զփառաւորութիւնն . այսպէս ասելով . « Նմա վայելեն փառք, իշխանութիւն և պատիւ . այժմ և միշտ և յաւիտեանս յաւիտենից » :

## Ք Ա Ր Ո Ձ

« Ողջոյն տուք միմեանց 'ի համբոյր սրբութեան » : Համբոյր սրբութեան է՝ որ սուրբ սիրովն է, և ոչ ներքաւոր և ոչ պոռնկական խորհրդով, այլ յստակ միտօք իցէ յեղբայրն : « Ար ոչ կարօղ էք հաղորդել 'ի » միմեանց ուսարուք, և առ դրունս աղօթեցէք » :

« Պատարագ Քրիստոս մատչի » : Եւ զի Քրիստոս է որ պատարագին՝ անմաքուրքն և աղտեղեալքն ոգւով արտաքս ելցեն, զի չեն արժանի 'ի հոգևոր ուրախութիւնն վայելել. խրատեսցեն զմիմեանս սուրբ գրովք, և առ դրունս աղօթեցեն. սգացեալ սրտիւ և ջերմութեամբ արտասուօք ողբասցեն զգրկանսն, զի 'ի հոգևոր հարսանեացն արտաքս վարեցան, զի չեղեն արժանիք յահաւոր ժամուն՝ մերձենալ առ երկնաւոր սեղանն, և ոչ երգակցել հրեշտակացն անդդ գումարելոց, և ոչ 'ի Քրիստոս միանալ խորհրդովն սրբով, և 'ի մի հոգի նովաւ լինել : Արդ որք ըստ այսմ՝ խորհրդոյ ելանեն արտաքս, երկիւղիւ և ամօթով զիւրեանց սխալանսն խոստովանութեամբ առաջի Աստուծոյ ունելով՝ հաշտութիւն հայցիցեն յամենողորմն Աստուծոյ՝ 'ի ձեռն Քրիստոսի զենմանն, փութով քաւութեան հասցեն, իսկ անգգայքն և ելեալքն յերեսաց Աստուծոյ և մեք ժեալքն 'ի սրբութեանցն, որ ոչ եկեսցեն յապաշաւանս, այլ սովորական իրս համարելով՝ ելանիցեն խրնդամիտ, և մնայցեն անտրտում, ևս առաւել շարժեն 'ի ցասումն զանբարկանալին Աստուծ. զի և ոչ 'ի պառուհասելն և յորոշելն 'ի սրբացն և 'ի բացեայ առնելն յիւրմէ՝ հոգացան ինչ, վասն որոյ յիրաւի դատին :

« Ահիւ կացցուք, երկիւղիւ կացցուք, և նայեցա » ռուք զգուշութեամբ » : Զի թէ որ ամենեւին սուրբքն են անմարմին զօրքն, յիսկզբանէն մինչև ցայժմ երկիւղալից ահիւ կան առաջի մեծի փառացն Աստուծոյ, որչափ ևս առաւել մեք՝ որ հանապազ 'ի յանցանս ըմբռնիմք՝ դողալ և սարսափել պարտիմք. և զինչ է նայելն զգուշութեամբ. մի իբր 'ի լոկ հաց և 'ի գինի նայել՝ որք 'ի ներքս մնայցեն, այլ մարմին և ա-

բիւն Աստուծոյ հաւատալ զառաջի եղեալն. և մեծ ահիւ կալ, և որպէս յԱստուած հայել. զորոյ զհետ գայ տունն և ուսուցանէ:

« Պատարագ Քրիստոս մատչի 'ի միջի մերում » գառն Աստուծոյ »: Այս է՝ յորմէ երկնսն և դուղան հրամայիմք. զի նա որ 'ի կուսական յարգանդին 'ի Մարիամայ առեալ մարմին՝ միացաւ 'ի նոյն բովանդակ աստուածութեամբն, այժմ՝ ըստ նմին նմանութեան 'ի հացս և 'ի բաժակս միանայ. և որ 'ի խաչին անշնչացաւ՝ անշնչապէս և 'ի սեղանս յայս զնոյն մեռելութիւն ըստ մարմնոյ ցուցանելով, և զենումն՝ կենդանի աստուածութեամբն գորով՝ մատուցանի սուրբ Երրորդութեանն պատարագ. գոհացողութիւն տուեցելոյ պարգեացն, և քաւութիւն մեղացն գործելոց, և փրկութիւն յառաջիկայն, և բարեխօս առ հանդերձեալն կենդանեաց և մեռելոց: Զայս օրինակէին 'ի հնումն օրէնք՝ անասնոյն մատուցմամբ, ոմանք գոհութեան նուէրք, կէսք քաւութեան, այլք վասն փրկութեան. 'ի մի յայս բովանդակեալ 'ի մեծի պատարագիս խորհուրդ: Արդ յառաջ քան զսա տանն՝ որ զգուշութեամբն նայել հրամայէ՝ ասեն առաջի կացեալքն, թէ « Առ քեզ աստուած »: Այս ինչ է, եթէ առ քեզ հայիմք՝ և հաւատամք զի յանապականութիւն աստուածութեանդ քոյ փոխարկես զընծայումս: Իսկ այսմ տան ասեն, « Ողորմութիւն և խաղաղութիւն » և պատարագ օրհնութեան ». զասացեալն 'ի մէնջ ցուցանելով. զի ողորմութիւն է՝ քաւիչ մեղաց լինելով. խաղաղութիւն է՝ փրկութիւն և խաղաղութիւն հոգւոց և մարմնոց շնորհելով. զի և ոմանք 'ի հնոցն պատարագաց՝ խաղաղականք անուանին. իսկ պատարագ օրհնութեան է՝ զի ընծայի Աստուծոյ 'ի գոհութիւն ամենայն երախտեաց նորա, յիսկզմանցն հետէ առ մեզ եղելոց. և օրհնեմք ընդ ամենայնի սուրբ պատարագաւն զԱստուած. որպէս և բանք պատարագամատուցացն յայտ առնեն:

« Դնորհք, սէր և աստուածային սրբարար զօրութիւն՝ Հօր և Որդւոյ և <sup>1</sup> Հոգւոյն սրբոյ եղիցի ընդ



» ձեզ ամենեսեան » : Այս է զոր գրեաց Պօղոս Կորնթացւոյն . « Շնորհք Տեառն մերոյ Յիսուսի Քրիստոսի » սի և սէրն Աստուծոյ և հաղորդութիւն Հոգւոյն » սրբոյ եղիցի ընդ ձեզ ամենեսեան » . և զայս որ զպաւ տարազն մատուցանէ՝ տայ ժողովրդեանն, թէ որ ինչ Քրիստոսի տնօրէնութեամբն քաւութիւն եղև և պարգևք շնորհեցաւ, և սէրն Աստուծոյ Հօր որ որդեգրեաց զհաւատացեալս, և Հոգւոյն կցորդութիւնն՝ որ ընդ սուրբս, եղիցի ընդ ձեզ . զի մաքուրք լեալք՝ և ՚ի սէրն Աստուծոյ միացեալք, և Հոգւոյն սրբոյ հաղորդեալք՝ յառագաստիս երկնայնում ընդ անմահ փեսային ի զեմք : Ապա ասի ՚ի մերձ կացելոցն, ոչ որպէս ՚ի տալն զխաղաղութիւն յաղօթման, զի անդ ասեն, Եւ ընդ հոգւոյդ քում, թէ և քում հոգւոյդ . իսկ աստ թէ ՚ի հոգւոյդ քում . զի որպէս ՚ի Մովսիսի հոգւոյն՝ եօթաւ նասուն և երկու ծերոցն տուաւ հոգին, նոյնպէս և ՚ի քո հոգւոյդ մեզ պարգևեցցէ, որ նման Մովսիսի առ Աստուած մտեալ՝ զմերս մատուցանես գոհութիւնս և մաղթանս : « Վեր արարէք զսիրտս ձեր յաստուած » ծային խորհուրդս » . զի թէպէտ և յերկրի աստ կատարի՝ յերկինս է պատարագումնս . վասն որոյ աստուածայինն Պօղոս գրէ . Զվերինն խորհեցարուք, մի զայս որ յերկրի աստ է : Եւ ասեն առ այս .

« Ունիմք առ քեզ, Տէր ամենակալ » . թէ առ քեզ՝ Տէր ամենակալ, ամբարձաք զհոգիս մեր . որպէս թէ անդ ոգին բնակէ և անդուստ ՚ի յամենայն մարմինս ազդէ :

« Եւ գոհացարուք զՏեառնէ բոլորով սրտիւ » : Վասն զի սկիզբն կամի առնել գոհութեանցն, խրատէ զամենայն սիրտս բոլորովմբ զկնի գոհացողական բանիցն համբառնալ և գոհանալ զԱստուծոյ : Յորոց ասի . « Ար » ժան և իրաւ » : Արժան է գոհութեան, և յիրաւի գոհանալ զնորա բարերարութեանցն է, քանզի պարտապան եմք :

# ՄԵԿՆՈՒԹԻՒՆ ԱՂՕԹԻՑ ԶՈՐ ԱՍԷ ԳԱՀԱՆԱՅՆ

## Ի ԾԱԾՈՒԿ :

« Արժան է ստուգապէս և իրաւ ամենայորդոր փու-  
 » թով, քեզ՝ էն և ես և էդ Աստուած, անսկիզբն և  
 » անքննելի, երրեակ միութիւն, միշտ երկրպագել փա-  
 » ռաւորելով » : Ըստ ասելոյն 'ի Ժողովրդոցն՝ կրկնէ  
 քահանայն, թէ արժան է ստուգապէս և իրաւ. ճշշ-  
 մարտապէս ասէ, իրաւացի է : Ամենայորդոր փութով.  
 փոյթ է սրտի մտօք հոգ տանել. իսկ ամենայորդոր  
 փոյթն՝ զսաստիկ ջերմութիւն ոգւոյն ասէ, որ յամե-  
 նայն սրտէ և 'ի զօրութենէ և 'ի մտաց՝ յորդորի 'ի  
 փոյթն, ըստ Պօղոսի խրատուն. Ի փոյթ՝ մի վեհերոտք,  
 հոգւով եռացէք : Արդ այսպիսի արժան է 'ի քո եր-  
 կրպագութիւնն վերաբերիլ : « Էն և ես, և էդ Աս-  
 տուած ». որ էիր յառաջ քան գլաւիտեանս, և այժմ  
 ես և մնաս յաւիտենից յաւիտեանս : Անսկիզբն. ոչ  
 ունիս լինելութեան սկիզբն և առաջ. և անքննելի, զի  
 ոչ 'ի հրեշտակաց և ոչ 'ի մարդկանէ քննի քո որպիսու-  
 թիւնդ կամ գտանի : Երրեակ միութիւն, երեք անձն  
 և մի բնութիւն աստուածութիւն : Քեզ, ասէ, ան-  
 սկիզբանդ և անքննի միասնական Երրորդութեանդ՝ ար-  
 ժան է հանապազ ամենայորդոր փութով երկրպագել  
 փառաւորելով. և թէ վասն ոյր է փառաւորելի և երկր-  
 պագելի այսպիսի փութով՝ ասէ, 'ի Հայր զբանն ձգելով :

« Որ քոյին, Հայր, անզննելի և արարչակից բանիւդ՝  
 » զանիծիցն բարձեւ զկրճիմն » : Բան կոչէ զՈրդի. զի  
 անախտ ծննդեամբ 'ի Հօրէ՝ որպէս բան 'ի մտաց. և  
 ծանուցիչ է կամայն Հօր, որպէս բան ծանուցիչ կա-  
 մաց խօսողին. և զի որպէս բան՝ միով ձայնիւ 'ի բա-  
 զումն՝ բովանդակ և ոչ մասամբ մտանէ, և զի մարմնա-  
 ցաւ, տեսաւ և շօշափեցաւ, անմարմինն՝ ըստ նմանու-  
 թեան բանի՝ որ 'ի քարտն՝ մարմնանայ և տեսանելի  
 և շօշափելի լինի. և անմեկնելի է 'ի ծնողէն, որպէս  
 բանն յայլն հնչէ և 'ի միտս մնայ : Անզննելի ասի,

վասն զի անըմբռնելի և անշօշափելի է բնութիւնն Աստուծոյ։ Արարչակից է, վասն զի հասարակաց Երրորդութեանն է արարչագործութիւնն։ Եւ զի պատուիրանազանցութեամբն՝ անէծքն կրճիմն եղաւ ընդ մեզ և ընդ Աստուած, այսինքն՝ արգել անկաւ և որոշեաց զմեզ յԱստուծոյ և ՚ի դրախտէն և ՚ի կենաց, և ողորմեալ մեզ Աստուծոյ ՚ի բաց եբարձ որ յանիծիցն էր կրճիմն. և զայն ոչ հրամանաւ կամ հրեշտակաւ կամ մարդով սրբով, այլ իւր արարչակից Որդւովն. առաւել գերագոյն պատիւ է՝ քան զբառնայն զանէծսն. այն զի Որդւովն եբարձ։ « Որ ժողովուրդ ինքեան՝ զառ » ՚ի յեկեղեցւոյ սեպհականեաց զհաւատացեալս ՚ի » քեզ » . որ յեկեղեցւոջ են քո հաւատացեալք՝ իւր սեպհական ժողովուրդ արար. սեպհական ասի՝ սերտն և անհակառակելին. սերտեաց ասէ զմեզ իւր բնական ժողովուրդ, անքակ յիւրմէ տէրութենէն։

« Եւ զննելի բնութեամբ ըստ ՚ի Կուսէն տնտեսու » թեան հաճեցաւ բնակել ՚ի մեզ »։ Զոր աւետարանին Յովհաննէս ասէ, Բանն մարմին եղև և բնակեաց ՚ի մեզ. այն է զոր ասես. քանզի անզննելի է Բանն, որպէս ասացաւ սմին յառաջագոյն, և մարմնանալովն ՚ի Կուսէն զննելի եղև. որպէս ՚ի կաթողիկէից Թղթին գրէ նոյն Յովհաննէս, Թէ Զեռք մեր շօշափեցին ՚ի վերայ բանին կենաց։ Տնտեսութիւն՝ գործառնութիւն է. վասն զի առ յանձն Որդին Աստուծոյ զայս գործել, ՚ի Կուսէն որդի մարդոյ լինել։ Բնակելն ՚ի մեզ՝ այն է, ըստ մեզ լինել. զոր մարգարէն Եսայի, ծնիցելոյն ՚ի կուսէն ասէ, կոչեսցեն զանուն նորա Էմանուէլ, որ է ընդ մեզ Աստուած։

« Եւ նորագործ աստուածապէս ճարտարապետեալ » երկինք զերկիրս արար »։ Արդարև նորագործեաց, զի զերկիր երկինս արար, որ Աստուծոյ ճարտարապետութեանն միայն է կարելի. զի ՚ի չգոյէ գոյացոյց զերկիրս նախ, և արդ՝ յերկրէ երկինք փոխադրեաց. և Թէ որով օրինակաւ այս եղև, ասէ.

« Զի որում ոչն հանդուրժէին առաջի կալ զուար » թնոցն ջուկք՝ զարհուրեալք ՚ի փայլակնացայտ և յա » հեղ լուսոյ աստուածութեանդ, եղեալ այդպիսիդ » մարդ յաղաքս մերոյ փրկութեան, շնորհեաց և մեզ

» ընդ երկնայինս պարել ընդ հոգեղէնս պարս » : Տեսեր, զիարդ եղև երկիրս երկինք. զի երկնից և հրեշտակաց տէրն յերկիր էջ, և մարդ եղև, և զմարդիկ հրեշտակս արար. և զվերին զօրսն և զմարդիկ՝ ՚ի միմեանս յարեաց. և միաբան ընդ նոսին զնոցայն օրհնութիւնս յերկրի երկրայնոցս երգել արժանաւորեաց :

Բայց պարտ է՝ նախ քան ՚ի գլուխ տանել զգեղեցիկ զայս դրուակ՝ զհրաշալի թորա զյարմարումնս ընդ միտ ածել. թէ որչափ զմեծութիւն Աստուծոյ շնորհին՝ զմի քան զմի յառաջ մատուցեալ՝ յոյժ գերազանց ցուցանէ : Եւ արդ տես անդուստ ՚ի սկսմանէն : Արժան է ստուգապէս և իրաւ ամենայնորդոր փութով՝ քեզ էն և ես և էդ Աստուած, անսկիզբն և անքննելի երբեակ միութիւն, միշտ երկրպագել փառաբանելով. որ քոյին, Հայր, անզննելի և արարչակից Բանիւդ՝ զանիծիցն բարձեր զկրճիմն : Մեծ էր յոյժ պարգեն՝ յանիծիցն ազատել. բայց ևս մեծ է, զի միածնաւն զայս արար. որ ինքն անէծք եղև և մեզ զօրհնութիւն ետ : Եւ չճառացաւ այսու, այլ և ժողովուրդ իւր սեպհականեաց զորս ընդ անիծիւքն էաք. և այս քան զյանիծիցն ազատելն յոյժ առաւել է : Պարձեալ այլ ևս առաւելութիւն. որպէս զմեզ լինելն՝ և ՚ի մեզ բնակելն, որ կարի գերազոյն է քան զժողովուրդն լինել մեզ նմա : Եւ քան զայս ևս մեծագոյն է՝ զերկիրս երկինս առնել, և զմարդիկ հրեշտակս : Եւ ՚ի վերայ սոցունց կարի անչափ է գերամբարձութիւն՝ զի զոր հրեշտակք բազում երկիւղիւ պաշտեն, և զերգմն զորնոքա մեծաւ ահիւ աղաղակեն, զայն մեզ համարձակապէս ընդ նոսին երգել շնորհեաց. որպէս ազգակից և մարմնակից սիրով վստահել ՚ի պաշտօնն : Արդ զմնացեալ բանն տեսցուք մասնաւորաբար :

« Զի որում ոչն հանդուրժէին առաջի կալ զուար» թնոյն ջուկ » : Զուարթունք կոչին վերինքն, վասն միշտ ՚ի զուարթութեան և յուրախութեան գոլոյն աստուածային տեսութեամբքն, և բարեգութ շնորախնամովքն, որք զատեալք դաս դաս ՚ի միմեանց կարգեալք կան ՚ի պաշտամանն Աստուծոյ. զորս ջուկս բանն կոչեաց : Եւ զի ասաց՝ թէ ոչ հանդարտէին առաջի կալ, վասն զի Եսայի և Եղեկիէլ մարգարէք, մին զսե-

րովբէիցն և միւսն զքերովբէիցն զհանգամանսն որչափ կարացին առնուլ՝ պատմեցին մեզ, ահագնեալք զնոսա յոյժ զարհուրանօք: Զի եղեկիէլ պատմէ զքերովբէիցն զթւան տարածեալս 'ի վերայ գլխոցն և բովանդակ անձանցն, զի որպէս 'ի սաստիկ յահէ ընդ թւօքն ասէ սալարէին: Իսկ Եսայի՝ զսերովբէիցն նոյնպէս զվեց թւան բաժանեալ յերկուս երկուս, կրկնապատիկ զերեսն և զոտն ամրացուցեալ յաստուածային հրոյն, և միշտ ընդոստուցեալ 'ի սաստկութենէ ահագին տեսութեանցն՝ յիրեարս ծպտեալ և երկիւղալից բարբառով աղաղակ առ իրեարս եղեալ. վասն այսր ասէ, Ոչ հանդարտէին առաջի կալ. այսինքն թէ ոչ ժուժէին:

« Զարհուրեալք 'ի փայլակնացայտ և յահեղ լուսոյ « աստուածութեանդ »: Քանզի լոյս ահեղ աստուածութեանն փայլատակունս ցայտէ անհանդուրժելիս, և յար սոսկումն և զարհուրանս և պակուցումն նոցա առնէ:

« Եղեալ այդպիսիդ մարդ յաղաքս մերոյ փրկու « թեան »: Թէ որ այդպիսի ահաւոր և անտանելի փառօքդ էր՝ վասն զմեզ փրկելոյ մարդ եղև, ինքն 'ի մեր աղքատութիւնս իջեալ, և մեզ զիւր աստուածութիւնն շնորհեաց. այլ առ անգամ մի ոչ զայս դնէ, այլ զայն՝ թէ հրեշտակաց հաւասարակից արար:

« Շնորհեաց և մեզ, ասէ, ընդ երկնայինն պարել « ընդ հոգեղէն պարսն »: պարելն՝ դասակցել է. զերկրայինսս ասէ և զհոգեղէնսս՝ ընդ երկնայինն և ընդ հոգեղէնն կցորդակցեաց. շնորհօք զայս՝ և ոչ ըստ արժանեաց տուեալ, այսինքն՝ ներելով, ողորմութեամբ, անյիշատարութեամբ, զի այս է շնորհեաց ասելն:

« Ընդ սերովբէսն և ընդ քերովբէսն միաձայն սրբ « բասացութեամբ յօրինել նուազս »: Նուազ՝ երգոյ է անուն. միաձայնելն՝ զնոյն երգել զոր նոքայն. սրբ բասացութեամբ, զնոյն ասել զերեքսրբեան օրհնութիւնս՝ զոր սերովբէքն երգեն. և յօրինել ըստ նոցա յօրինուածութեանն կազմել:

« Համարձակապէս բարբառով աղաղակել ընդ նո « սին, և ասել »: վասն զի եղբայր մեր եղև տէրն փա-

ուաց, առաւել քան զսերոպէսն՝ ընդ նոսա կալով՝ զարբասացութիւնսն բարբառիմք :

« Սուրբ սուրբ սուրբ, Տէր զօրութեանց » : Երեք, ըստ երկից անձնաւորութեանցն, Հօր և Որդւոյ և Հոգւոյն սրբոյ. և մի Տէր, քանզի մի յերեսին է տէրութիւն աստուածութեանն. տէր զօրութեանց, այս ինքն՝ հրեշտակաց, զի հզօրք են զօրութեամբ, և զի զօրք են թագաւորին երկնից :

« Լի են երկինք և երկիր փառօքք » : Երկինք երկնայնովքն և երկիրս երկրայնովքս՝ զքո փառադ բարձրացուցանեն, ոչ միայն ի ձեռն բանաւորաց և մտաւորաց՝ այլ ի ձեռն ամենայն բնութեանց, որք գոյութեամբ իւրեանց պատմեն զփառս Ստուծոյ : « Օրհնութիւն ի բարձունս » Հօր, որում ասեմք Հայր երկնաւոր. թէպէտ ոչ միայն ի բարձունս է այլ ամենայն ուրեք, այլ զի որ անդն են՝ կամարարք նորա ամենեքին են՝ վասն այնորիկ անդ լինել ասեմք :

« Օրհնեալ որ եկիր և գալոցդ ես անուամբ Տեառն » : Որդւոյ ասէ՝ որ եկն ի փրկել զարարածս, և գալոց է գատել զազգս մարդկան. անուամբ Տեառն, վասն զի յանուն Հօր իւրոյ եկն, որպէս և ինքն իսկ ասաց, թէ ես եկի յանուն Հօր իմոյ. և դարձեալ զինքն տէր անուանեալ է, և է իսկ տէր :

« Օրհնութիւն ի բարձունս » . այսինքն յերկինս՝ Հոգւոյն սրբոյ, որոյ գալուստն ի Տէրն՝ ի Յորդանան, և ի վերնատունն յառաքեալսն՝ ի յերկնից ցուցաւ :

Այլ զի Փրկչին ասեմք զօրհնութիւն ի բարձունս, որպէս Հօր և Հոգւոյն սրբոյ, ի խոնարհելոյ նորա առ մեզ՝ յօժարեմք օրհնել զնա, զմանկանցն հնչեցեալ ձայն. զի որպէս նոքա՝ ի յովանակին տեսեալ զնա՝ աւելին, Օրհնեալ եկեալ անուամբ Տեառն, դաւթեան ձայնիւն յաւելադրեալ, նոյնպէս և մեք ի սուրբ սեղանն՝ ականատես նորա լեալ, պատուական նորա մարմնովն և սուրբ արեամբն զնա օրհնեմք :

Ճմարտապէսն՝ զստոյգն ասէ, և ամենասուրբն՝ զամենայնիւ սուրբն. և սուրբ է փառաւորեալ. զի որ առանց ամենայն պակասութեան ունի զփառսն՝ Ճմարտապէս փառաւորեալ է, և ամենայնիւ փառաւորեալ : Ըստ մեզ՝ սուրբն մաքուր ասի. այլ երանելի վարդա-

պետքն մեր յայսմ նուազի՝ փառաւորեալ՝ զասեւն 'ի հրեշտակաց մեզ ծանուցին: « Եւ ո՞ր պանծասցի բա- » նիւ բովանդակել զքո 'ի մեզ զանբաւ բարեգորո- » վութեանդ զեղմունս »: Զիք ոք ասէ որ պանծասցի բովանդակել և ասել բանիւ, թէ զամենայն լիով զքո 'ի մեզ զբարեգորով զեղեալդ՝ ոչ ոք կարէ պարծել թէ ասիցէ, զի անբաւ և անբովանդակ է: Գորովեն է առաւել քան զթաւն, զոր ջերմն սիրով 'ի վերայ ծննդոցն ցուցանեն ծնողքն մեծաւ խանդաղատանօք. զոր ոչ միայն 'ի մարդիկ, այլ բազում անգամ և յայլ կենդանիս է տեսանել. որպէս 'ի հաւուցն՝ առ ինքն և առ Երուսաղէմ Տէրն առակէր: Արդ ասէ զանչափ զբարեյորդոր զեղեալն 'ի մեզ, զի ոչ միայն զի յա- ճախ է՝ գոհանալ պարտիմք, այլ առաւել զի 'ի ջերմն սիրոյ և 'ի սաստիկ զթոյ՝ և յանպատում գորովոյ գը- գութեալ յաճախեաց զբարիսն. և վասն զի աղքատ էր մեր բնութիւնս և չունէր ինչ զի ընծայատուր Աստու- ծոյ լիցի, և առաջի եղեալ Աստուծոյ՝ զբարեբարու- թեանցն գոհասցի, յաղազս պարտիկ ոչ կամեցաւ Աս- տուած չքաւորս յայս լինել մեզ. այլ անկշռելի և ան- եզրական սիրով պատրաստեաց զիւր միածին որդին տալ մեզ, զի հարուստք լեալ նովաւ՝ զնա առաջի դի- ցուք Աստուծոյ, և նովաւ զբարեացն 'ի մեզ եղելոց՝ գոհասցուք: Վասն այնորիկ 'ի հանեն զպատարագն 'ի սեղանն՝ սկիզբն առնեմք յիսկզբանցն գոհանալ: Բայց նախ խոստովանի բանս, թէ չկայ յոք կար՝ զբովան- դակ բարեբարութիւնսն 'ի մեզ եղեալ՝ բանիւ յա- ռաջ բերել. և ապա սկսանի զգոհութիւնսն:

« Որ և անդէն իսկ 'ի նախնումն զանկեալն 'ի մեզս » զանազան յեղանակօք խնամեալ սփոփեցեր »: Յա- ռաջինսն՝ զոր 'ի նախնումն կոչեաց՝ զբնութիւն մարդ- կան՝ զանկեալն 'ի մեզս, պէսպէս խնամօք մխիթարե- ցեր ասէ. զի սփոփելն՝ մխիթարել է, և զանազանն՝ պէսպէս: Իսկ յեղանակօքն՝ դարձուածօք է. զի եր- բեմն երկայնակեցութեամբ լաւ և պիտանի հարցն՝ զգնացս արդարութեան ուսուցանէր ծննդոցն. էր զի և զհաճոյսն պատուէր շնորհիւ, որպէս զյնոք փոխ- մամբն. և էր երբեմն զի զյանցուցեալսն պատժէր, որ- պէս զԼոյսին, և որ առ ջրհեղեղան, և զՍողոմոնե-

ցինս. զի և այս խնամք էն Աստուծոյ՝ պատժելն և կար-  
 ճել 'ի մեզաց, և այլոցն տալ զգուշութիւնս. Գարձեալ  
 և ուխտադիր ընդ արդարսն լինելով և փրկող նոցին,  
 որպէս Նոյի, Աբրահամու և զաւակի նորա, որպէս  
 Դովտայ, Յակոբայ, բովանդակ արդարոց և որդւոցն  
 Խարայելի՝ զորս յԵգիպտոսէ փրկեաց և յանապատին  
 խնամարկեաց, և որոց զօրէնսն ետ, յորոց և զմար-  
 զարէսն յարոյց, որոց և զերկիրն աւետեաց պար-  
 զեւեաց, որոց զքահանայութիւն և զԹագաւորութիւն  
 ետ, որոց զողջակէզսն, զզոհսն և զնուէրսն պար-  
 զեւեաց. զի մինչև գայցէ Ճմարտութիւնս՝ ստուե-  
 րան Ճմարտութեան մխիթարեսցին. նաև հրեշտա-  
 կօք խօսեցաւ, և ազգի ազգի նմանութեամբք ինքն  
 իսկ Աստուած երևեցաւ. և զի ըստ ազգաց պահա-  
 պանս յիւրոյ հրեշտակաց կարգեաց, Զայս և որ սո-  
 ցին նման այլս բազումս՝ միով բանիւ ընծայեցոյց՝ յա-  
 սելն, թէ « Զանազան յեղանակօք խնամեալ սփո-  
 » փեցեր. մարգարէիւք, օրինացն տուողութեամբ, քա-  
 » հանայութեամբ, և ստուերակերպ երնջոցն մատուց-  
 » մամբ ». զի ամենայն մատուցեալքն 'ի հնումն թէ  
 վասն մեղաց, թէ վասն փրկութեան, թէ 'ի գոհու-  
 թիւն, Քրիստոսի պատարագելոյն էին օրինակք. Եւ  
 երինջքն այրեցեալք՝ որոց մոխիրն սրսկէր զպղծեցե-  
 լովքն, զայժմու մաքրութիւնս՝ որ Քրիստոսի մկրտու-  
 թեամբն և պատարագան՝ տպաւորէր. վասն որոյ ասէ  
 առաքեալ. Զստուեր հանդերձելոց բարեացն ունէին  
 օրէնքն, և ոչ զնոյն կերպարանս իրացն. Ստուեր ասի՝  
 զոր շուք մեք կոչեմք, որ անկանի 'ի մարմնոյ, եթէ 'ի  
 կենդանոյ և եթէ յայլ ինչ իրէ. Եւ հանդերձեալ  
 բարիս՝ զայժմուս ասէ, որ Քրիստոսիւ յայնժամ մեզ  
 հանդերձեալ էր լինել. զոր յայլում թղթի ևս յայտ-  
 նագոյն ասէ Պօղոս. զօրինականսն<sup>1</sup> տուեալ՝ որ էն ըս-  
 տուերք հանդերձելոցն, այլ մարմին Քրիստոս է, զի  
 ուսցիս 'ի Քրիստոսէ անկեալ զստուեր օրինացն, որ զօ-  
 րինականսն փոխոխեաց. և ծանխցես՝ թէ որչափ 'ի մշ-  
 է ընդ ստուեր. և յորմէ ստուերն անկանի, այնքան է  
 միջոց օրինացն և չնորհացս որ մեզս պարգևեցաւ :



« Իսկ 'ի վախճան աւուրցս այսոցիկ զբովանդակ իսկ » զպարտեաց մերոց խզեալ զդատակնիք » : Վախճան աւուրց կոչէ, զի ըստ վեցօրեայ աւուրցն արարչութեան վեց հազար ամօք աստի կեանքս ցուցանի, և յեօթնէրորդումն լինի հանդերձեալ կեանքն : Արդ զի 'ի վերջին հազարիս չնորհքն Աստուծոյ Քրիստոսիւ յայտնեցաւ 'ի վեցերորդիս, և այլ լրումն հազարի յետ սորա ոչ է, վասն այսորիկ վախճան աւուրց հազարամեայ աւուրցն կոչէ, վերջ հազարացն ցուցանելով. զոր և Պօղոսի յայտ արարեալ ասէ. Ի վախճան աւուրցս այսոցիկ խօսեցաւ ընդ մեզ Որդւոյն : « Զբովանդակ իսկ ըզպարտեաց մերոց խզեալ զդատակնիք » . բովանդակն՝ ամենայն կոչի. պարտս՝ զյանցանման ասէ. զոր և Տէրն ուսոյց՝ յաղօթման խնդրել, թէ թող մեզ զպարտս մեր. դատակնիք կոչի՝ զոր գրեն թագաւորք զմնասակարացն և կնքեալ պահեն, մինչև հատուցեն ըստ յանցմանն : Ըստ որում՝ նմանութեան և մարդկան բնութիւնս յառաջին մարդոյն մինչև 'ի Քրիստոս՝ որպէս գրով և կրնքով պահիւր յօր վրէժխնդրութեան ապստամբութեանցն, խորհուրդք և բանք և գործք, որ Քրիստոսիւ խզեալ լինի կնիք դատին : Վերստին արդ զբանէն բուռն հարցուք :

« Իսկ 'ի վախճան աւուրցս այսոցիկ զբովանդակ իսկ » զպարտեաց մերոց խզեալ զդատակնիք, զքո միա՝ « Ծինդ ետուր մեզ պարտապան և պարտս » . խզեցեր ասէ զդատակնիքն՝ ոչ բռամբ, այլ իրաւամբք. զի մի վրիպանք արդար դատողութեանդ քոյ լինիցի. այլ կացուցեր մերոց մեղացն պարտական՝ ոչ 'ի հրեշտակաց և ոչ 'ի սրբոց, այլ զքո միածինդ : Դարձեալ զառաւել սէրն յիշելով գոհանայ, թէ զոր միայն էիր ծնեալ՝ զնա մեզ պարտապան ետուր, որ ոչ այլով իւրիք՝ այլ ինքեամբ զպարտս մեր հատոյց. Տէր հատուցանօղ ընդ իմ եղեալ, ըստ Դաւթի. և պարտք՝ ըստ Եսայեայ. Տէր մատնեաց զնա առ մեղս մեր. և ինքն Տէրն ասէ. Այնպէս սիրեաց Աստուած զաշխարհ մինչև զորդին իւր միածին ետ : Եւ Պօղոս, թէ Յիւր որդին ոչ խնայեաց, այլ վասն մեր ամենեցուն մատնեաց զնա :

« Զքո միածինդ, ասէ, ետուր մեզ պարտապան և

» պարտս, զենուճն և օծեալ, գառն և երկնաւոր հաց,  
 » քահանայապետ և պատարագ » : Ոչ միայն պարտա-  
 պան և պարտք զքո միածինդ ասէ ետուր, այլ զենուճն  
 և օծեալ, զի իոխսմանակ օծելոց քահանայապետիցն՝  
 զդա ետուր մեզ լինել՝ օծեալ և քահանայապետ, և  
 զենուճն և գառն պատարագի, և հաց առաջաւոր-  
 քանզի յօրինականսն իմն քահանայապետքն ընդ ա-  
 ռաւօտս և ընդ երեկոյս գառինս հանապազորդս մա-  
 տուցանէին, և ըստ աւուրց՝ զառաջաւորաց ՚ի սեղանն  
 կարգէին. և զժողովրդոցն զիւրաքանչիւրոցն մատու-  
 ցանէին զնուէրս. և անասնոցն արեամբ՝ զմարմնոցն ա-  
 ւետաւորէին զսրբութիւն : Իսկ քո միածինդ մեզ՝ ա-  
 մենայն ինքն լեալ, ոչ զմարմնոյ և եթ մաքրէ զպղծու-  
 թիւն, այլ բովանդակ զհոգի և զմարմին մաքրէ, ոչ  
 առակաւ և ստուերաւ, այլ ճմարտութեամբ. որպէս  
 և ինքն իսկ ասաց. Ի վերայ նոցա ես սուրբ առնեմ  
 զանձն իմ, զի եղիցին և նոքա սրբեալք ճմարտու-  
 թեամբ. և յասեին ճմարտութեամբ՝ յայտ արար թէ  
 առաջին սրբիչքն օրինակօք էին և ոչ ճմարտութեամբ :  
 Արդ ասացեալ թէ զքո միածինդ ետուր մեզ պար-  
 տապան և պարտս, զենուճն և օծեալ, որ զզենուճն զե-  
 նոյր, գառն և երկնաւոր հաց, քահանայապետ և պա-  
 տարագ, յարէ ՚ի նոյն. « Վասն զի դա է բաշխօղ և  
 » նոյն ինքդ բաշխի ՚ի միջի մերում՝ միշտ և անծախա-  
 » պէս » : Զայս ամենայն Պօղոս յաճախապէս յեղվեղէ  
 թէ Քրիստոս եղև քահանայապետ, և թէ ինքն մա-  
 տոյց պատարագ, և իւրով արեամբն եմուտ ՚ի սրբու-  
 թիւնսն յաւիտենական, և թէ ունիմք մեք սեղան՝  
 ուստի ոչ ունին իշխանութիւն ճաշակել որք զխորա-  
 նին պաշտեն զպաշտօն. յայտմ սեղանոյ է բաշխիչն  
 Քրիստոս, և ինքն է որ բաշխին. զի որպէս ՚ի վերնա-  
 տանն յառաքեալն բաշխեաց և բաշխեցաւ, նոյնպէս  
 և յայնմ օրէ մինչև ցայսօր՝ յամենայն եկեղեցիս ա-  
 մենայն հաւատացելոց նոյն ինքն բաշխէ և բաշխի և ոչ  
 սպառի. վասն այնորիկ ասէ թէ բաշխի ՚ի մեզ անծա-  
 խապէս : Ապա և զօրինակն ևս այսպիսի շնորհաց յայտ  
 ածեալ ցուցանէ, թէ զիմրդ է քահանայապետ և պա-  
 տարագ և օծեալ և երկնաւոր հաց, և բաշխիչ և բաշ-  
 խուճն. այսպէս ասելով :

« Վասն զի եղև հաւաստապէս և առանց ցնորից մարդ » : Ոչ ցնորիւք ասէ, այսինքն կարծեօք, այլ ըստուգապէս մարդ եղև :

« Եւ անշփոթ միութեամբ մարմնացաւ 'ի սուրբ և » յաստուածածին Կուսէն Մարիամայ » : Միացաւ ասէ 'ի մարմին անշփոթաբար. զի ոչ փոխարկումն կամ 'ի բաց բարձումն արաք աստուածային կամ մարդկային բնութեանցն, այլ միացոյց զբնութիւնսն, ըզնոյն գոյ Աստուած և զնոյն մարդ. որպէս զի բանն Աստուած՝ մարմին<sup>1</sup>, որ 'ի կուսէն մարմնացաւ՝ Աստուած, և նոյն ինքն՝ Աստուած և մարդ, և Մարիամն՝ որ ծընաւն զԱստուած Բանն՝ աստուածածին և Կոյս :

« Հանապարհորդեցաւ ընդ ամենայն կիրսմարդկային » կենցաղոյս առանց մեղաց » : Հանապարհ՝ զկենցաղս կոչել սովոր են գիրք, ընդ որոյ Քրիստոս ընդ վարսն անց ասէ, և ոչ մեղաւ, զբովանդակ զմարմնոյ կրեալ զկիրս. այս է՝ ծնաւ, սնաւ, քաղցեաւ, ծարաւեցաւ, աշխատ եղև, եկեր, արբ, զգեցաւ, հոգաց, տրտմեցաւ, արտասուեաց, և որ այլ ևս 'ի մարմնի բերի՝ յանձն էառ. և ազատ 'ի մեղաց մնալով՝ յաղթօղ մարմնականաց սխալմանցն արար :

« Եւ յաշխարհակեցոյցն և յառիժն փրկութեան » մերոյ եկեալ կամաւ 'ի խաչն » . առիժն՝ պատճառ է, և զխաչելութիւնն՝ կենաց աշխարհի և փրկութեան մարդկան պատճառ Տէրն եցոյց. վասն որոյ և գոհանալով՝ բանն աշխարհակեցոյց և առիժ փրկութեան մերոյ զխաչն կոչէ :

« Առեալ զհացն յամենասուրբ 'ի կենդանարար 'ի » ձեռնն իւր » : Ամենասուրբ արդարեւ էին ձեռքն աստուածային. և կենդանարար, զի 'ի ստեղծմանն կենդանութիւն յայնմանէ մարդկան տուաւ. և որ 'ի նորոգումն կենաց եղև նորոգումնս՝ նովին շնորհեցաւ : Զի նոյն ձեռք է որ զԱդամն գոյացոյց. [Ժէ և անմարմին յայնժամ՝ որ այժմ մարմնով. նոյն ամենակար և ամենակեցոյց ձեռք՝ որ զհոյն մարդ հոգևոր և բանական փոխադրեաց, զհացն առնլով՝ մարմին աստուածային փոխարկեաց. անդ զմարդկայինն միացուցեալ

զողի, և՛ ի սա՛ղաստուածայինն միացուցեալ ընութիւն. անդ ասէ փջել զհողին յերեսն, որ է հողին սուրբ, ստեղծու ՚ի մարդումն զկենդանական շունչն. և աստ ասէ, Առեալ զհացն օրհնեաց. և է օրհնելն՝ զհողին սուրբ տալ ՚ի նա. որ ՚ի Մարիամն առաքեալ՝ զանձառելի տնօրէնութիւնն ՚ի նմա գործեաց, և միացոյց ՚ի Քանն Աստուած զմարմինն՝ որ ՚ի կուսէն, զի ըստ այնմ՝ և զհացին միութիւն յորդին Աստուծոյ՝ հրաշագործեցէ:

«Օրհնեաց, ասէ, գոհացաւ» . քահանայապետ մեր եղեալ, և զիւր մարմինն մատուցեալ պատարագ, իբր զմի ՚ի մարդկանէ գոհանայ զԱստուծոյ բարերարութեանցն՝ որ առ ազգս մեր ՚ի սկզբանէ մինչև ցլաւիտեան. և որպէս ՚ի մարդկութենէս՝ զայսպիսի ընծայ տուեալ նմա տրիտուր:

Ապա ասէ. «Ետ իւր ընտրեալ աշակերտացն ասե-» լով. Առէք կերայք ՚ի դմանէ ամենեքեան, այս է մարմին իմ, որ վասն ձեր և բազմաց բաշխի»: Եփն և այլ աշակերտք Տեառնն, բայց գլխաւորք երկոտասանքն էին, զորս և ընտրեալս բանն կոչեաց, նոցա նախ զսուրբ խորհուրդն շնորհեաց: Եւ զի ամենայն հաւատացելոց պարգևելոց էր՝ վասն այնորիկ յաւել զվասն բազմաց բաշխումն, ցուցանելով զոր յօրէ յայնմանէ մինչև ՚ի կատարած աշխարհի անսպառուութեամբ տալոց էր կերակուր ճշմարիտ հաւատացելոց:

«Ըստ նմին օրինակի և զբաժակն առեալ օրհնեաց,» գոհացաւ, ետ իւրոց ընտրեալ աշակերտացն ասե-» լով. Առէք արբէք ՚ի սմանէ ամենեքեան. այս է ա-» թիւն իմ՝ նորոյ ուխտի, որ վասն ձեր և բազմաց հե-» ղու ՚ի քաւութիւն մեղաց»: Սկիզբն արար Տէրն մեր. պատարագիս, և ուսոյց, թէ որպէս պարտ է զսա գոհութեամբ կատարել. զի ոչ միայն զարարութե-» նէն, այլ և զհասարակաց մարդկան ինամոյց և զփրկութեան գոհացուք. այլ ընդ հասարակացն և վասն իւրաքանչիւրոց առանձինն բարեաց գտելոց յԱստուծոյ՝ սուրբ պատարագաւն երախտահատոյց լիցուք շնորհակալութեամբ. զի ոչ միայն փրկել և կեցուցանել զմեզ եկն, այլ և ամենայն կարգաց և կրօնից Տէրն մեր վարդապետ մեզ լինել: Եւ արդ միտ դէր յիսկըզ-

բանցն. Ծնաւ, աղքատ զմայրն իւր ընտրեաց, զի դու մի փախչելի համարեսցիս զաղքատութիւնն՝ զոր ամենեցուն թագաւորն ախորժեաց. հալածեալ եղև յԵգիպտոս՝ տղայ գոլով, և բազում անգամ յորժամ պան չլեւօքն երախտագործէր՝ հալածեալ լինէր. զի դու մի տաղտկայցես ընդ հալածանսն, և մի զայրառցիս՝ թէ և յերախտառուաց ևս նեղիցիս. քանզի ոչ երբէք այնքան բարեգործել կարես՝ որքան նա որ Աստուածն և փրկիչն էր. և գարձեալ՝ ոչ այնչափ ազատ 'ի պարտեաց' որչափ նա որ անմեղն ամենայնիւ էր. այլ և ոչ պատուի և մեծարանաց՝ աւելի քան զորդին Աստուծոյ՝ զանձն արժանի մարթասցիս համարել: Զգեցաւ հանդերձ՝ ոչ 'ի պաճուճանս, այլ 'ի ծածկութիւն մարմնոյ. զի դու մի աւելորդացն այլ հարկաւորացն զքեզ տայցես: Կերակրեցաւ և արբ, որպէս և զգեցաւ, ոչ փափկութեան զինքն տուեալ, այլ չափաւորապէս զպէտս մարմնոյն հատուցանէր: Եմուտ 'ի հարսանիս, և զինդութեանն պայման եցոյց համեստութեամբն և պանչելի ընծայատրութեամբն: Յայտարար և զարտասուաց և զսգոյ որքանութիւն, զսիրելին սգալով զՎաղարոս: Նա և ուղեգնացաց ետ օրինակ, թէ որպիսեօք գրաստուք զաշխատութիւնն հանգուցանել պատշաճ է. վասն զի 'ի վերայ իշոյ և ոչ 'ի ձիոյ ոսկէսանձս երևելիս նստաւ: Վարդապետեաց դարձեալ թէ որպէս 'ի փորձութիւնս պարտ իցէ աղօթել, կամ որպիսի հեղութիւն առ փորձողն ցուցանել, և բարիս ընդ չարի փոխատրել, որպէս և ինքն զունկն ծառային բժշկեաց: Եւ արդ՝ որպէս այսոքիւք և այլովք ամենեքումք իւր կենցաղականօք և մանաւանդ խոնարհութեամբքն ազգի ազգեօք՝ որ մինչև յոտից աշակերտացն լուացումն ուսուցանել կամեցաւ, այսպէս և զխորհուրդն ուսոյց, թէ որպէս պարտ է կատարել, օրհնութեամբ և գոհանալով. և զի զինքն մնալ մեզ պարտապան ախորժէ, և ոչ զմեզ իւր, յայն սակս 'ի գոհանալն մեր զԱստուծոյ՝ տայ մեզ փոխադարձեալ 'ի նոյն մեծաւ պատարագաւն. զի մեռելոց և կենդանեաց հատուցին պարտքն նովաւ, և պարտառուս և պարտապան մեզ նոյն ինքն Աստուած լինիցի:

Արդ 'ի տալ զբաժանն ցաշակերտսն ասէ. Այս է

իմ արիւն նորոյ ուխտի, որ վասն ձեր և բազմաց հեղու 'ի Թողութիւն մեղաց. զայն յայտ առնէ որ 'ի խաչին հեղլոց էր, և բւեռւեռն և կողին խոցեռն. և ոչ ասաց միայն արիւն իւր, այլ նոր ուխտ զնա անուանեաց. քանզի հին ուխտն որ ընդ Հրեայսն վասն պարգեական երկրին՝ անասնոց էր արեամբ. իսկ այս նոր ուխտս՝ իւրով պատուական արեամբն. յաղագս որոյ նախասաց եղև Երեմիայիւ՝ ուխտել ուխտ նոր, տալով զօրէնս իւր 'ի սիրտս և 'ի խորհուրդս մեր, Աստուած մեր լինել, և Ժողովուրդ իւր զմեզ առնել, և այլ ոչ ևս յիշել զմեղս մեր և զանօրէնութիւն: Իսկ աստ իւր սուրբ բերանոյն՝ ոչ այսքան միայն ասաց՝ զուխտեռն իւրով արեամբն, այլ զայն ևս յաւել, Թէ ուխտեմ ձեզ ես և Հայր զարքայութիւնն, և զլինեռն ինձ ուրախակիցս. զի զուրախանալն ընդ նմին յայտ առնէ յասեռն. Ուտիջիք և ըմպիջիք 'ի սեղան իմ՝ յարքայութեան Հօր իմոյ:

« Որ զսոյն միշտ 'ի յիշումն իւր առնել մեզ պատուիրանադրեաց, բարերար և մարդասէր Տէրդ »: Քանզի ասաց կենարարն, Թէ Քանիցս անգամ Թէ ուտիցէք զհացս և զբաժակս ըմպիցէք՝ զմահ իմ յիշեմիք մինչև եկից ես. այս է զոր ասեմքն, Թէ զսոյն զայս խորհուրդ զոր ինքն կատարեաց՝ և մեզ հրամայեաց առնել յիշատակ մահուան իւրոյ. միշտ, այսինքն հանապազ:

« Եւ իջեալ 'ի ստորին վայրս մահու »: ստորին՝ ներքին է վայր. զգերեզմանն կոչէ զայս, յորում աստուածային մարմինն եղաւ՝ զոր առ 'ի Մարիամայն. քանզի ասէ. « Եւ իջեալ 'ի ստորին վայրս մահու՝ իւրով մարմնոյն, զոր ընկալաւ 'ի մերմէս յազգակցութեան »: Ազգակից զուրբ Աստուածածինն զՄարիամանուանէ. և որպէս մարմնոյն 'ի գերեզման էջ՝ ըստ այլոց մարմնոց, նոյնպէս և ոգւոյն առ այլոց մեռելոց ոգիս չոգաւ, և յարութիւն բազում սրբոց շնորհեաց, և զօրութիւն մահու ելոյծ: Վասն որոյ յարէ 'ի նոյն. « Եւ զնիգս դժոխոցն աղարտեալ հօրեղապէս, Ծառ » նոյց զինքն հաւաստեալ Աստուած կենդանեաց և » մեռելոց ». զի որպէս արգելանաւ փակեալ ոգւոցն 'ի մարմինն դարձ, և մարմնոցն յարութիւն: Քանզի ըս-

պառնացաւ մահ Ադամայ, թէ ճաշակեսցէ 'ի պտղոյն .  
 և զի յանցաւոր պատուիրանին գտաւ 'ի մահ և 'ի մեղս  
 գրաւեցաւ զաւակօք . և ոչ գտաւ որ 'ի մարդկանէ որ  
 անմեղութեամբ զմահուն վճարէր զպարտս, եղև որ-  
 զի Ադամայ՝ որդին Աստուծոյ՝ անպարտն մեղաց, և  
 փոխանակ մեղաւորացս մեռաւ և պարտաւորացս . ապա  
 արկ զիշխանութիւն 'ի վերայ մահու, խորտակելով  
 զդրունս նորա, և հանելով 'ի նմանէ զբմբռնեալսն :  
 Կարէր զայս և առանց իւրն մահու, որպէս զօրեաց առ  
 Ղազարն, այլ ոչ կամեցաւ իշխանութեամբ փրկել  
 միայն, այլ և իրաւապէս . որպէս ասաց ոմն 'ի մարգա-  
 րէիցն . թէ Խրաւամբք փրկեսցի գերութիւն նորա և  
 ողորմութեամբ . ողորմութեամբ՝ զի մարդ եղեալ մե-  
 ռաւ վասն մեր . և իրաւամբք՝ զի անմեղին մահն մե-  
 ղուցելոցս կենդանութիւն իրաւացուցէ : Այլ զի 'ի  
 դէմն ած զբանն 'ի դրանցն արդելարանէ, զոր խոր-  
 տակեալ ասէ, զի ցուցցէ թէ որպէս 'ի բանտի՝ որ խոր-  
 տակին դրունքն և փշրին նիգքն, որպէս ասաց աղար-  
 տեալ . և մանաւանդ որ և 'ի վերայ բռնացեալն կա-  
 պի անլոյծ կապանօք, չիք այնուհետև արդելականացն  
 առ 'ի յարտաքս ելանելն խափան . ըստնմին օրինակի  
 և ոչ մեր յարութեանն լինիցի, Քրիստոսի զմահ լու-  
 ծանելով : Եւ յայսմ ամենայնէ ծանուցաւ հաւաս-  
 տեաւ, այսինքն ստուգութեամբ, թէ որ մեռան՝ Աս-  
 տուած է կենդանեաց և մեռելոց . որպէս և ասէ ա-  
 ռաքեալ . Քրիստոս մեռաւ և եկեաց, զի մեռելոց և  
 կենդանեաց տիրեսցէ :

« Եւ արդ մեք, Տէր, ըստ դորին հրամանատուութե-  
 » յառաջ բերեալ զայս խորհուրդ փրկական մարմնոյ  
 » և արեան միածնիդ քոյ » . վասն զի հրամայեաց ասէ  
 դա՝ զոր ինքն արար զնոյն և մեզ առնել . այն է զոր ա-  
 սեմբ՝ թէ ըստ դորին հրամանատուութեան յառաջ  
 բերեմք . յառաջ բերելն՝ դնելն է 'ի սեղանն զհացն  
 և զբաժակն, որ խորհուրդ է մարմնոյ և արեան որ-  
 դւոյն Աստուծոյ . այս է խորհուրդն՝ զի ոչ ըստ տե-  
 սանելոյն այլ իմանալոյն է հաւատալն . զի տեսանի  
 հաց և գինի, և իմանի մարմին և արիւն որդւոյն Աս-  
 տուծոյ . և փրկական կոչի, վասն զի փրկեցաք նովաւ  
 և փրկիմք, 'ի կեալ և 'ի մեռանել :

« Յիշեմք զդորին որ վասն մեր՝ զփրկութիւնագործ » զչարչարանսն » : Արդ յասելն՝ թէ յիշեմք որ վասն մեր չարչարեցաւ դա, զմտաւ ածցուք՝ զի կապեցաւ որդին Աստուծոյ վասն ՚ի կապանաց մեղաց զմեզ արձակելոյ . դատապարտեցաւ ՚ի պղծոց, զի զմեզ անդատապարտս արասցէ ՚ի դատելն զերկիր ., թուք ընկալաւ յաստուածային դէմնն և ապտակ ՚ի ծնօտսն, զի նորոգեսցէ զպատկերսն իւր զապականեալս ՚ի մէնջ կռուիս յանարատ ՚ի գլուխն ընկալաւ ծածկութիւն, զի բարձցէ յողոց մերոց զառաքաստն խաւարի, և զազգի ազգի չարչարանս ախտից . կատակեցաւ ՚ի զինուորացն ծիրանեաւ, փշեայ պսական, եղեգամբն, ընդ խաղ երկրպագութեամբն, զի զմեզ թագաւորեցուցէ ճշմարտապէս և աստուածացուցէ, չնորհեցէ մեզ հանդերձ փառաց, թագ արքայութեան, դաւազան զօրութեան . անարգեցաւ ՚ի Հերովդէէ, մորս կեցաւ ՚ի Պիղատոսէ, զի պատուականս զմեզ արասցէ, և զանցաւորութիւն կենացն յաւիտենականաց մեզ պատրաստեսցէ :

« Զկենդանարար խաչելութիւնն » : Վասն զի մեռեալ էաք ՚ի մեղս, մեռաւ ՚ի խաչին և կենդանացոյց զմեռելութիւնս մեր . վասն որոյ և կենդանարար կոչեմք զելլումն նորա ՚ի խաչն : « Զերեքօրեայ զանապա » կան զթաղումն » . զի ըստ մարգարէին՝ ոչ թողաւ ոգի նորա ՚ի դժոխս և ոչ մարմին նորա ետես զապականութիւն, այլ և զմեր հոգիս եհան ՚ի դժոխոց, և զմարմինս փրկեաց յապականութենէ : « Զերանելի ըզ » յարութիւնն » . երանելի ասի ՚ի գրոց ամենայն բաւեաւ բովանդակեալն . որ է երանելի ամենայնիւ, որպէս նոյն ինքն Աստուած, որ ոչ միայն երանելի է այլ և ամենայն երանութեանց տուող . զի մարդ և մարմին գոյով՝ Աստուած ճշմարտապէս ցուցաւ յարութեամբն : « Զաստուածապէս համբարձումն » . զի զհողեղէն թընութիւնս յաստուածական աթոռն վերացոյց, և ըզմեզ ընդ իւր յարոյց և նստոյց յերկնաւորսն :

« Զահաւոր և զփառաւորեալ զմիւսանգամ դա » լուստն » : Ահաւոր է արգարեւ և ահագին և փառաւորեալ և սոսկալի գալուստն այն . զի փառօք Հօր գայցէ և ամենայն հրեշտակօք, և ՚ի դատաստան ժողո-



վեսցէ զամենայն բնութիւնս մարդկան. և հատուցէ ըստ իւրաքանչիւր գործոց, փառս անպատումն արդարոցն չնորհելով մշտնջենաւորապէս, և խոշտանգանս գառինս յաւիտենականս՝ մեղաւորացն:

Արդ ասեմք թէ յիշեմք զայս ամենայն և գոհանամք. նուէր այսպիսի և ընծայ բարեաց փոխադարձեալ զպատարագս սուրբ. և սովաւ աղաչեմք ապրիլ ՚ի հանդերձեալ դատաստանացն: Վասն որոյ և համաձայնեն առաջի կացեալքն, թէ « Բառնայնի գոհեմք » վեմք զքեզ ». այսինքն թէ ընդ ամենայնի գովեմք » զքեզ: « Օրհնեմք զքեզ, գոհանամք զքէն, աղաչեմք » զքեզ, Տէր Աստուած մեր »: Զայս բանս զոր երգով ասէ ժողովուրդն՝ կրկնէ քահանայն, և ցուցանէ զմիտան, այսպէս ասելով.

« Զքեզ արդարեւ Տէր Աստուած մեր գովեմք, և ըզքէն գոհանամք, որ զօրհանապազ զանց արարեր ըզք » մերովք չարագործութեամբք »: Գովեմք, ասէ, զքոքաղցր և զանոխակալ և զբազմազեղ և զբազմագուծ ներողութիւնդ, և գոհանամք զառատապարզ և բարերարութեանցդ քոց. զի մեք հանապազ յանցանեմք խորհրդովք, բանիւք և գործովք, և դու ոչ հայելով յայն՝ վրէժս հատուցանես, այլ զանց առնես, որպէս թէ ոչ տեսանելով՝ այնպէս ներես. և ոչ միայն զյանցանքն և զչար գործովքն զանց առնես, այլ և խնամն և ողորմութիւնս ցուցանես. և ոչ ՚ի մարմին միայն այլ և յոգի. ոչ փոքումբք՝ այլ և մեծամեծօք. զոր և ցուցանէ յաջորդաւս.

« Որ այսպիսի ահաւոր և անպատում խորհրդոյս » կարգեցեր սպասաւորս ». անպատում ասի սուրբ խորհուրդն, վասն զի բան չկարէ որպէս էն յայտնել. և ահաւոր է՝ ոչ միայն մարդկան այլ և հրեշտակաց:

« Ոչ յազազս մերոց ինչ բարեգործութեանց՝ յորոց յոյժ թափուր միշտ և ունայն գտանիմք հանապազ, այլ ՚ի քո բազմազեղ ներողութիւնդ ցանկ ապաւինեալ՝ համարձակիմք մերձենալ ՚ի սպասաւորութիւն մարմնոյ և արեան միածնի քոյ »: Եւ վասն զի ահաւոր է՝ և մեք սպասաւորել համարձակիմք<sup>1</sup>,

ուչ զի բարիս ինչ գործեցաք՝ վստահանամք, այլ 'ի բազում և 'ի լցեալ և 'ի զեղեալ բարերարութիւնդ ցանկ ապաւինեալ. այսինքն հանապազ համարձակիմք մեզ ձենալ 'ի սպասաւորութիւն մարմնոյ և արեան միածնիդ քոյ: Եւ ընդէր հանապազ 'ի սպասաւորութիւն խորհրդոյն ասէ. վասն զի կատարել զխորհուրդն չէ մեր, այլ որպէս Յովհան երանելին ասէ, մեք սպասաւորաց աստիճան ունիմք. և սրբէ և վերստին կազմէ նա. զՔրիստոսէ ասէ. քանզի մեք հանեմք 'ի սեղանն և 'ի սպասու կամք, գոհանալով զբարերարութեանցն Աստուծոյ. իսկ միացուցանել ընդ ինքեան զհացն և կենսատու առնել՝ Քրիստոսի է գործ:

Խաղաղութիւն ամենեցուն. Աստուծոյ երկրպագեսցուք<sup>1</sup>:

Ապա առէ քահանայն:

« Երկիր պագանեմք և աղաչեմք և խնդրեմք 'ի քէն, « Տէր, առաքեա 'ի մեզ և յառաջի եղեալ յընծայս » յայս՝ զմշտնջենաւորակից քո և զէակից սուրբ Հոգիդ »: Երկիր պագանեմք և աղաչեմք և խնդրեմք 'ի քէն, Տէր. վասն էր ասէ 'ի քէն, այսինքն թէ 'ի քէն խնդրեմք երկրպագութեամք և աղաչեմք, որ արարիչդ ես և հայր, որ յաւիտեանցն մարգասէր և բա-

1 Յաւելուն նոր 00:  
Ժողովուրդ. Եւ ընդ հոգւոյդ բում:

Սարկապ. Աստուծոյ երկրպագեսցուք:

Ժողովուրդ. Առաջի քո, Տէր:  
Քահանայն խոստովեալ երկրպագէ ունայն և ասէ զայն:

Պարտ է գիտել, զի ամենայն բանք աղօթիցս որ մինչև ցայս պատմեցաւ 'ի քահանայէն, այն պիտի է, զոր օրինակ եթէ յիշխանաց որ յաղագս յանցանաց իրիք բարկանայ ծառայի իւրոյ, և ոմն 'ի սիրելեաց իշխանին կամիցի 'ի հաշտութիւն ածել զնա ծառայ.

ին, նախ ագերսէ՝ զի հաշտեցի, և զկաշառն ընդունիցի՝ զոր ետ ծառայն. և իբրև զայն առնու՝ գիտէ այնուհետև զի հաշտեալ է այժմ, նախ գոհանայ զմանէ, և ապա համարձակի զայլ և խնդրուածն խնդրել 'ի նմանէ: Նոյնպէս և այժմ՝ միջնորդաբար քահանայս պատմեաց նախ զամենայն տնօրէնութիւն Քրիստոսի, որպէս այսօր այն ամենայն կատարեցաւ, և ետ զընծայսն 'ի Հայր. իբրև առ և հաճեցաւ Հայրն, զմանէ գոհացաւ. իսկ այժմ համարձակի այլ իմն խնդիրս առնուլ 'ի նմանէ: Եւ զինչ իցէ խնդիրն. այս է:

րերար և գթած մարդկութեանս եղեր, որ ոչ միայն զարարածս 'ի պէտս մեր հաստատեցեր, այլ և զքո մի և սիրելի որդիդ՝ ետուր մեզ փրկանք և փոխանակ. և զնոյն ինքնդ 'ի սեղան դնես և կերակրես զմեզ դովիմք. վասն որոյ ապաւինեալ յանբաւ քո բարերարութիւնդ՝ զՀոգիդ սուրբ առաքել խնդրեմք 'ի մեզ և 'ի պատարագս, զի և զմեզ Հոգիդ սուրբ սրբեացէ:

« Որոյ զհացս օրհնեալ՝ մարմինս ստուգապէս արաս-  
» ցէ Տեառն մերոյ և փրկչին Յիսուսի Քրիստոսի. և  
» զբաժակս օրհնեալ՝ արիւնս ստուգապէս արասցէ  
» Տեառն մերոյ և փրկչին Յիսուսի Քրիստոսի »<sup>1</sup>: Զի  
մարմնացաւ փրկիչն 'ի Մարիամայ կուսէն. Հոգին սուրբ  
առաքեալ 'ի Հօրէ՝ ան մարմին 'ի յարգանդէն Մա-  
րիամայ, և խառնեաց և միացոյց 'ի Բանն Աստուած,  
որ և մի որդի և Աստուած ծնեալ 'ի նմանէ յայտ-  
նեցաւ. զնոյն և յեկեղեցւոյ և 'ի սուրբ սեղանն գոր-  
ծէ Հոգին սուրբ. առեալ զհացն միացուցանէ յորդին  
Աստուծոյ, նոյնպէս և զբաժակն, և լինի մարմին և ա-  
րիւն Քրիստոսի ճշմարտապէս: Զսոյն զայս հայցեմք և  
հաւատամք լինել, զի անսուտ է բանն Քրիստոսի. որ  
ասաց մինչև 'ի դալուստն իւր առնել յիւր յիշատակ  
զայս սկզբնաւորեալս յիւրմէ: Այլ զի ասեմք զՀոգին  
սուրբ մշտնջենաւորակից և էակից, խոստովանիմք միշտ  
առ Հօր և ընդ Հօր: Որպէս Հայր՝ էր և է և միշտ է,  
և չիք ժամանակ զի չէր, նոյնպէս և Հոգին սուրբ  
միշտ ընդ Հօր և ընդ Որդւոյ էր և է մշտնջենաւոր  
և էակ. որ և զայսպիսի մեծամեծս հրաշագործէ.  
զլոկ հացն և զգինին՝ յանապականութիւն մարմնոյ և  
արեան որւոյն Աստուծոյ փոփոխելով:

« Որպէս զի եղիցի սա մերձեցելոցս՝ յանդատապար-  
» տութիւն, 'ի քաւութիւն և 'ի թողութիւն մեղաց »:  
Հաւատով հայցեալ զէջս Հոգւոյն սրբոյ 'ի սուրբ պա-  
տարագն, ըստ տէրունեան բանին՝ կենդանարար մար-  
մին և արիւն խոստովանիմք, և աներկբայ սրտիւք սկը-

<sup>1</sup> Վասն կոչման Հոգւոյն սրբոյ  
'ի փոխարկութեան նիւթոց խոր-  
հրդոյ պատարագին, և առ այս  
վարդապետութեան Ս. Հարց և  
մերոցս ոմանց, արարեալ է մեր

ծանօթութիւնս 'ի ապագրու-  
թեան պատարագանէն Ներս.  
Լամբրոնացւոյ (յէջ 391). անգր  
հրուերեմք զնորոգող բաժան:

սանիմք՝ ի խնդրուածս. զորդին Աստուծոյ ի վերայ սրբոյ սեղանոյն՝ ամենրկբայ և աներկեան մտօք գիտալցեալ, զմեռելութիւնն իւր՝ որ վասն մեր՝ ականատեա մեզ առնելով. քանզի այսուհետեւ այն մարմինն լինի՝ որ ի խաչին և ի գերեզմանին: Որով և զկենդանեաց և զմեռելոց հայցեմք զփրկութիւն. նախ առաջին զայս խնդրելով, զի անդատապարտ մնայցեմք սպասաւորելով ահաւորացն. և զի ի Թողութիւն մեղաց լիցի մեզ մերձեցումն ի նա. վասն այնր ասէ, Թէ մերձեցելոցս. զի անարժանիցն և կալն մերձ և հաղորդին՝ դատաստան է. և յաղաքս այնորիկ արտաքս ելանեն անպատրաստքն, զի մի դատապարտեացին՝ ազտեղի հոգւով յաստուածայինն մտանելով յառաքաստ: Եւ քանզի անբիծ ոչ որ գտանի՝ աղաչեմք զի Թողցին յանցանքն մեր՝ գիտութեան և անգիտութեան, Քրիստոսի պատարագելովն: Զի որք խիղճ՝ զանձանց գիտեն, և ոչ էին խոստովանութեամբ և ապաշխարութեամբ սրբեալ՝ զնոսա առաջին քարոզն տրոհեաց. իսկ որ չար խղճիւ ոչ էին և կամ ապաշխարեալ ըստ գրոց, և ի ներքս մնացին, և նոքա յահին և ի գողման պարտին լինել. վասն զի հանապազ ընդ սխալանօք ըմբռնիմք, խորհրդովք, բանիւք, գործովք, կամաւ և ակամայ, գիտութեամբ և անգիտութեամբ. և յաղաքս այնորիկ պաղատանս հառաչանօք և ջերմեռանդն արտասուօք մատուցանելի է, զի մաքրեացին յամենայնէ՝ և սուրբք ի մաքուրն մերձեցին՝:

«Սովաւ չնորհեա զսէր, զհաստատութիւն և զըզձալի» զխաղաղութիւն եկեղեցւոյ քում սրբոյ»: Սովաւն՝ զպատարագէն ասէ. չնորհել ասէ և ոչ տալ. զի մի

1 Յաւելուն նոր 00.

«Եւ համբուրէ քահանայն զսեղանն. և այնուհետեւ զձեռն հառաւար նուիրանացն խոնարհեցուցանէ, և զաչն ի նոյն առնեալ, ասէ ամուռնչ զաղօթան:» Եւ յայսմ հետէ երևելի նուիրօքն աղերսէ զչայրն. քանզի յէջ Հոգին սուրբ ի վերայ նուիրացն, և մեռեալ նիւթն կենդանարար (եղև), և անշուշն շնչաւ.

»ցաւ, օրինակն ճշմարտութեամբ» եղև, նշանակն ստուգապէս մար» մին և արիւն Քրիստոսի կատար» րեցաւ. վասն որոյ այժմ իբրև» զԱստուած հայեցողութեամբ» հայցէ, ասելով: «Ըստ մտաց բա» նից ներ. Լամբրոնացւոյ են ասա» ցուածքք. տես ի պատարագա» մենչի նորուն, էջ 397, և զմա» նութութիւնն նախանշանակեալ:

որպէս թէ հատուցումն ընդ բարւոյ իրիք հատուցանել ասիցեմք, այլ բարերարութեան պարգև ձրի: Սէր հայցեմք լինել եկեղեցւոյ, այսինքն հաւատացեալ ժողովրդոց՝ առ Աստուած և առ միմեանս. և հաստատութիւն՝ ի հաւատս և ի բարի գործս, և խաղաղութիւն յարտաբիւն թշնամեաց, և անասանելի մնալ յամբարշտաց և ի հերձուածողաց. և փափաքելի և ցանկալի խաղաղութիւն ամենայնիւ ունել, զոր և ըզձալի ասաց: Յարէ ի նոյն՝ վասն ամենեցունց հայցել առանձնակ ըստ կարգի, այսպէս ասելով:

« Եւ ամենայն ուղղափառ եպիսկոպոսաց », թէ որք ուղիղ են հաւատով: « Քահանայից, թագաւորաց, իշխանաց, ժողովրդոց, ճանապարհորդեցոց և որք ի » պատերազմունս բարբարոսաց ». ամենեցուն՝ Քրիստոսի պատարագան ողորմութիւն հայցելով: Վտանգաւորք են՝ որք յինչ և իցէ նեղութիւնս, և ի պատերազմունս բարբարոսաց են, որք ընդ այլազգիս և ընդ այլ անհաւատ մարտ եղեալ կռուին, պարսպել յանդորրութեան զեկեղեցի Քրիստոսի:

« Սովաւ և օրոց շնորհեա բարեխառնութիւն, և » պաղոց առատութիւն, և ախտացեցոց ի պէսպէս » ցաւոց՝ փութապէս առողջութիւն »: Բարեխառն օրք այն են՝ որ ոչ միասեն բուսոց և տնկոց, այլ բարիօրք մնուցանեն, և պողաբերս առնեն: Ախտացեցոց ի պէս պէս ցաւ, ասէ զհիւանդացեալս յայլ և այլ գոռակ ցաւոց, փութով առողջութիւն գտանել հայցելով, թէ մարմնով և թէ հոգւով, թէ մտօք վտանգեալ որ իցէ:

« Սովաւ հանգո զամենեսեան զյառաջագոյն ի » Քրիստոս անջնեցեալն ». թէ որ յԱդամայ հետէ հաւատով ննջեցեալք են ի Քրիստոս, վասն զի ոչ զկնի գալստեանն միայն՝ այլ և յամալ քան զգալուտն Քրիստոսի հաւատացեալքն յԱստուած՝ ի Քրիստոս ննջեցին<sup>1</sup>. զինա էր ի սկզբանէ առ Աստուած, և Աստուած էր. սուրբն նախածանօթք իսկ

1 Գեղեցիկ և խորատես վարդապետութիւն, ընդ որում պարզաբանելի ևս էր, թէ զամենայն

արգարացելոցն հոգիս՝ Քրիստոս վերածեաց ընդ իւր ի փառս երանական:

նորա էին. որպէս և ասէ խոյ երանելին Գրիգոր աստուածաբան՝ վասն կատարելոցն. իսկ անկատարքն՝ Աստուած դաւանելով զոր 'ի մարգարէիցն և յարդարոցն քարոզիւր, սուրբ Երրորդութեանն զերկրպագութիւնն մատուցանէին, թէ և առանձնաւորութեանցն անծանօթ հանդիպէին. վասն որոյ և նոքա իսկ 'ի Քրիստոս ննջեցեալք ասին. Յաղագս որոյ ասելով, թէ հանգո զննջեցեալն 'ի Քրիստոս, ոչ միայն զորս 'ի նորումն թուէ՝ այլ ասէ զսուրբ հարսն՝ որք յԱղամայ մինչև ցԱբրահամ, և որք 'ի նմանէ:

« Զմարգարէս, զառաքեալս, զվկայեալս, զեպիսկոս » պոսունա, զերիցունա, զսարկաւադունա, և զընաւ » ուխտ եկեղեցւոյ քում սրբոյ »: Այս է, կէս սարկաւադքն, դպիրքն, գրականագրքն, սաղմոսօղքն. բնաւ ասելն զըովանդակն ցուցանէ՝ որ 'ի կարգի եկեղեցւոյ, ուխտ ասելով եկեղեցւոյ. զի ամենեքին նուիրեալ են 'ի սպասաւորութիւն և 'ի կարգաւորութիւն եկեղեցւոյ սրբոյ:

« Եւ յաշխարհական կարգէ զարս և զկանայս հաւա » տացեալս 'ի քեզ »: Աստանօր զհամօրէն զաշխարհականաց հաւատացելոց՝ որք 'ի հնումն և որք 'ի նորումն հաւատով վախճանեցան՝ յիշատակէ. զի որպէս զսրբւոցն զաղօթս և զբարեխօսութիւն մեզ կոչեմք յօդնականութիւն, նոյնպէս և մեք պարտիմք առաջնոց ննջեցելոցն օգնել աղօթիւք, մանաւանդ սուրբ պատաւաբաւ, որ յոյս և կենդանութիւն և փրկութիւն է ննջեցելոց: Զի զմեր ննջեցեալն և զսիրելիսն և զծառնօթան մեր՝ յանուանէ յիշել ունիմք, թէ բերանով և թէ մտօք. իսկ զայլն՝ հայցեմք յիշել Աստուծոյ՝ որ զամենայն գիտէ, և կարգ ըստ կարգի յիշելով ըզսուրբան, և ընդ նոսա զամենայն հաւատացեալս 'ի մի մեանս յարելով իբրև զմի մարմին Քրիստոսի՝ հասարակաց գլխովն Քրիստոսի պատարագաւ, յիշատակելով առաջի Աստուծոյ Հօր, յայս զբանն աւարտեմք.

« Ընդ որս և մեզ այց արասցես, բարերար և մար » դասէր Տէր »: Թէ ընդ նոսա ամենեւին զորս յիշատակեցաքն՝ և մեզ այցելութիւն արասցես. այսինքն թէ խնդիր արա, և խնամածու ընդ քոյսն և մեզ լիցիս: Զսոյն զայս զոր յիշատակէ քահանայն՝ սարկաւադն

դարձեալ յիշատակէ բարձր ձայնիւ, ուրոյն ուրոյն տունս զատուցեալ. և ըստ իւրաքանչիւր տան՝ Ժողովուրդն որ ՚ի խորհրդին՝ ասեն ձայնիւ. « Յիշեա Տէր » և ողորմեա » : Որ բուն քարոզն է բազում տունս ունի. նախ վասն Աստուածածնին, և ապա ուրոյն ուրոյն սրբոցն ըստ կարգի, նախահարցն, մարգարէիցն, առաքելոցն, եպիսկոպոսաց, մարտիրոսաց, քահանայից, սարկաւազաց, կանանց ընտրելոց, կանանց մարտիրոսաց, Թագաւորաց սրբոց, իշխանաց սրբոց, վարդապետաց սրբոց, Հարց առաքինեաց և մարտիրոսաց, առաջնորդաց, և ամենայն ճգնաւորաց, և որ այլ ինչ օրինակաւ հաճոյացեալ են Աստուծոյ. զի ըստ իւրաքանչիւրոցն է յանուանէ զոմանս յիշեալ յամենայն գունակէ, և զհամօրէն կարգակիցսն ՚ի նոյն յարել. զորս ՚ի տոնս զատկաց ասեն՝ որք բարեկարգութեան հոգ տանին : Իսկ զոր համառօտիւք հարկ է ասել ՚ի Ժամ սուրբ պատարագին՝ է այս <sup>1</sup> :

1 Աստանօր նոր օրինակք ունին և զյետագայք, որ յայտնապէս ճանաչի ոչ լինել Խոսրովաւ. քանզի սա այլ ազգ մեկնէ ՚ի բնագրիք զյիշատակութիւն Սրբոցն. « Իսկ Թէ ասիցէ որ, Թէ զխորգ և զարգարսն յիշատակէ աստ՝ ի յբոն զկարօսս, որոյ և մէք իսկ ապիւն օւնիմք բարեխօսութեան ննդին, այսպէս իմացիս. քանզի » Թէպէտ փառաւորեցան նոքա և հանգեան, սակայն ոչ բնաւ ՚ի լրումն հասին. այլ օր ըստ օրէ քաղցնուն և զառաւելութիւն յինդրեն. վասն զի անմարմին փառացն յորս նոքա հասին՝ չէ հնար Թէ կատարումն լիցի, քանզի ի միաստութիւն հոգեւոր և գիտութիւն աստուածային : Արդ եթէ այսմ երկրաւոր գիտութեանս չէ հնար Թէ լրումն լինիցի, ո՞րչափ ևս առաւել այնմ՝ որ իմանալին ոչ և աստուածային. այլ հանապազօր ըստ օրէ փառաց ՚ի փառս վերանան. որպէս և հրեշտակք, զի յամենայն առուր նոր գիտութիւն և իմաստք առնուն » Աստուծոյ, որպէս և սուրբքն.

» վասն այնորիկ նախ նոցա հայցէ » Քրիստոսիւ զողորմութիւն, և » ապա զայլսն յիշէ մի ըստ միով : » Բայց տես գօւ, ով իմաստուն այր » և խոհեմ, ՚ի կարգս և ՚ի խորհուրդս աղօթիցդ զոր մատուցանես, Թէ որպէս նախ զկենդանիս յիշատակես և ապա զնրն ջեցեալսն. և այսու իմա հաւաստիւ, Թէ նախ կենդանեաց է փրկութիւն՝ աստուածային զեննումնս այս, և ապա մեռելոց. և օւնայն են բանք այնորիկ, որք կարծեն տղայական մտօք, Թէ ոչ է պարտ զկենդանիս որ յիշատակել ՚ի պատարագին : Այն Թէ Թագաւորք և իշխանք, եպիսկոպոսք և քահանայք, ճանապարհորդք և նաւորդք, հիւանդք, և այլն ամենայն, ոչ իցեն կենդանի : Արդ կամիս ուսանել զձեռն մարտութիւն. պատարագս զոր մատուցանես՝ ոչ է հնար Թէ միտում միայն առնեն զնա որպէս և կարծեն, այլ և ամենայն աշխարհի, որպէս և բանք աղօթիցս յայտ առնէ : Բայց եթէ հաւաստով որ տացէ ՚ի ձեռն քո ողոր-

« Աստուածածնին կուսին Մարիամու, Յովհաննու  
 » Մկրտչին, սրբոյն Ստեփանոսի, յիշատակ եղիցի :  
 » Առաքելոց սրբոց, մարգարէից, մարտիրոսաց, Պետրո  
 » սի Պօղոսի, և ամենայն սրբոցն, յիշատակ եղիցի :  
 » Հայրապետաց սրբոց, երանելոցն, սրբոյն Գրիգորի և  
 » ամենայն սուրբ, և ուղղափառ եպիսկոպոսաց և քա-  
 » հանայից, և բոլոր ուխտի եկեղեցւոյ յիշատակ եղի-  
 » ցի : Եղիցի յիշատակ արանց և կանանց հաւատով 'ի  
 » Քրիստոս ննջեցելոցն » : Այլ թէ որպիսի մտօք յիշա-  
 տակքս այս են՝ ըստ իմում տկար հասողութեանս ջա-  
 նացայց ցուցանել : Բազում և ազգի ազգի երախտեացն  
 Աստուծոյ, առաք յԱստուծոյ շնորհ փոխադարձել  
 նմա զսուրբ պատարագին Քրիստոսի ընծայումն . ու-  
 ըով և զամենայն զարարեալ բարերարութիւնսն Աս-  
 տուծոյ յիշելով վասն ամենայնի գոհացողք լինիմք :  
 Եւ 'ի վերայ ամենայնի վասն ընտրելոցն 'ի նմանէ գո-

մութիւն զննչ և իցէ, և յանձն  
 » առնէ քեզ յիշատակել քեզ  
 » զնքն կամ զայլս, զկենդանի ոք  
 » կամ զմեռեալ 'ի պատարագնախ  
 » տես և քննեա զգործս նորա, թէ  
 » է՞ յայնպիսեաց զի արժանի իցէ յի-  
 » շատակել առաջի ահաւոր խոր  
 » հրդրոյն : մի գուցէ անառակ ոք  
 » իցէ և պառնիկ, շնացող և արբե-  
 » ցող, զրկող և անօրէն : Արդ ե-  
 » թէ յայսպիսի ոմանց առցես ինչ  
 » և պատարագեսցես զՔրիստոս,  
 » կցորդ եղեր չարեաց նոցա, և  
 » վրիպուածոցն՝ այլ 'ի քահանայա-  
 » կան կարգէք : Ապա եթէ այր եր-  
 » կիւզած և աստուածապաշտ իցէ  
 » և առցէ ողորմութիւն 'ի ձեռս  
 » քո հաւատով յիշատակել զնա  
 » 'ի պատարագն զոր մատուցա-  
 » նես . արդ թէպէտ և գու վասն  
 » ամենայն աշխարհի մատուցանես  
 » զպատարագն, սակայն նա որ ետ  
 » զողորմութիւն՝ առցէ ըստ յու-  
 » ռոյն իւրոյ զփոխարենն, ոչ միայն  
 » յայն պատարագն զոր գու մա-  
 » տուցես, այլ և յամենայն ընդ բո-  
 » լոր աշխարհս յամենայն եկեղե-  
 » ցիս ուղղափառաց (ուր) պատա-

մարգի Քրիստոս, յայս կեանս ըզ-  
 » հարիւրապատիկն, և յաշխարհին  
 » որ գալոցն է զկեանս յաւիտե-  
 » անկանս ժառանգեսցէ . զի մի է  
 » Տէրն և մի է խորհուրդ մարմնոյ  
 » և արեան նորա, որ ընդ ամե-  
 » նայն տիեզերս կատարի : Նոյն  
 » ոպէս և թէ վասն մեռելոց պա-  
 » տարագես, բնորոշ և տես : Թէ  
 » դարի գործովք ելին յաշխարհէ,  
 » և կամ թէ մեղան և զարձեալ  
 » զզջացան, և խոստովանութեամբ  
 » և ապաշխարութեամբ հաճոյա-  
 » ցան, և ողորմութեամբ և տես :  
 » Խոստուօք արժանի եղեն . իսկ որք  
 » ոչ այնպէս, այլ յանզղջութիւն  
 » և յանզգուշութեան եգիտ զնո-  
 » սա, և ոչ յետին պահու զջման  
 » արժանի եղեն, զայնոսիկ ոչ է ար-  
 » ժան յիշել պատարագաւ : Այլ  
 » և անձին քում առաւել պատա-  
 » րաստ լեր, յամենայնի սուրբ և  
 » մաքուր լինել յամենայն արա-  
 » տոյ մեղաց, և մանաւանդ յա-  
 » ղահութենէ, 'ի փառասիրութե-  
 » անէ աստից . զի ահա և քրիստոս  
 » սաղաւադ լինիցիս, որ չար է  
 » քսն զցուգային » : ,



Հանաւթ սուրբ խորհրդովն. վասն զի ամենեքեան մի եմք 'ի Քրիստոս, և փառաւորութիւն եղբարցն՝ մեզ է փառք. զմեծ նուէրն յիշատակ գոհութեան նոցա առնեմք, որ այսպիսի լաւ և պիտանիս զնոսա արար, և յաղթօղս առ ամենայն մարտս բանսարկուին: Եւ ոչ միայն վասն սրբոցն գոհանամք, այլ և վասն ամենայն յԱստուած հաւատացելոց արժանացելոցն. քանզի որպէս ասացն Սողոմոն, [Թէ ճանաչելն զԱստուած բովանդակ արդարութիւն է. և լինել նորա ժողովուրդ և սուրբ աւագանին ծնունդ, և սուրբ հաղորդութեանն ընդունօղ, և սուրբ անուամբն Քրիստոսի զՀրաժարումն առնուլ՝ պարգև մեծ է: Եւ յայսոցիկ ամենեցուն և սոյնպիսեաց պարգևաւորացն գոհութիւն՝ աւարտի սրբով պատարագան: Որով ոչ միայն գոհացողութիւն նոզաւ Աստուծոյ մատուցանեմք ըստ իւրաքանչիւրոցն՝ այլ և մաղթանս, յիշելով զսրբոցն զնահատակութիւնս և զառաքինի վարս. գոհանամք սուրբ խորհրդովն, և աղայեմք զՔրիստոսի մահն՝ որ վասն մեր, և զսրբոցն զձգնութիւնս բարեխօս առ երկնաւոր Հայրն ունելով՝ յաղագս ամենայն հաւատացելոց, կենդանեաց և ննջեցելոց. քանզի որպէս մեք բերկրեալք ընդ սուրբսն՝ Աստուծոյ ընծայս և գոհութիւնս մատուցանեմք՝ մեզ զնոցայն համարեալ պսակումն<sup>1</sup>, նոյնպէս և նոքա որպէս իւրեանց անդամոց խնամակալուք լինին բարեխօս սութեամբ առ Տէր, մանաւանդ 'ի Ժամ սոսկալի պատարագին: Եւ մեք գոհանալով նոքօք ըստ իւրաքանչիւր տանց ասեմք, Յիշեա Տէր և ողորմեա. այսինքն [Թէ յիշեա զոր սրբոցն առ քեզ սէր և վաստակ և ողորմեա մեզ, զի մեր նոքա, և 'ի մէնջ են. և միոյ եկեղեցւոյ ամենեքին մեք, և միոյ Քրիստոսի որ գլուխն է մեր՝ բոլորեքեան մարմին և անդամք եմք. վասն որոյ և յիշատակօք սրբոցն դարձեալ սկիզբն առնեմք մաղթել ողորմութիւն 'ի ձեռն սուրբ պատարագին, կարգ ըստ կարգէ. այսպէս ասելով.

« Եիշեա, Տէր, և ողորմեա, և օրհնեա զսուրբ Սիոն՝  
 » զկաթողիկէ առաքելական եկեղեցի քո, զոր փրկե-  
 » ցեր պատուական արեամբ միածնի քոյ և ազատե-

» ցեր, և տուր սմա զանչափ զքո զխաղաղութիւնդ » : Սիրոն մայր է 'ի մեր լեզուս. և թէ զԵրուսաղէմի եկեղեցւոյն է մաղթանքս վասն սուրբ տեղեացն Երուսաղէմի՝ պատշաճ է. զի նախ զնա զնելլի է <sup>1</sup> և ապա զամենայն տիեզերական եկեղեցիս. և թէ զամենայն եկեղեցի՝ մայր Սիրոն կոչէ, և այս չէ հեռի 'ի դիտաւորութենէն. զի սուրբ եկեղեցի ծնանի սուրբ աւազանաւն զմեզ, և մնուցանէ հոգւոր սննդեամբ զմեզ : Կաթողիկէն՝ տիեզերական է. հայցեմք ողորմութիւն ամենայն եկեղեցեաց՝ որ յամենայն տիեզերս ըստ քաղաքութեան առաքելոյն շինեալ են, վասն որոյ և առաքելական կոչեմք. իսկ որք թիւրեալք են յառաքելոյն դաւանութենէ՝ նոքա ոչ ևս առաքելական կոչին : Իսկ առաքելական եկեղեցիք թէպէտ և ընդ բազում տեղիս են՝ սակայն մի ասի, վասն միասնական հաւատոյն. վասն որոյ որպէս զմիոյ ասի եկեղեցիք ամենայն : « Զոր փրկեցեր պատուական արեամբ միաճնի քոյ և » ազատեցեր » . քանզի սուրբ արեամբն Քրիստի փրկեցաք յանիծից և 'ի մեղաց և 'ի մահուանէ, և ազատեցաք 'ի ծառայութենէ սատանայի : Արդ ասէ, ոչ բազմանունաբար եկեղեցիս այլ եկեղեցի, և ոչ զորս փրկեցեր, այլ զոր փրկեցեր. և ոչ ասէ տուր սոցա, այլ թէ տուր սմա զանչարժ քո զխաղաղութիւն :

« Յիշեա Տէր, և ողորմեա և օրհնեա զամենայն ուղեք » զափառ եպիսկոպոսունս, որք ուղիղ գնացիւք համառօտեն զբանն ճշմարտութեան » : Զի՞նչ է համառօտեն. այսինքն է՝ ճիշդ զուղիղն և զստոյգ վարդապետութիւնն, յոր ոչ յարի ինչ թիւրութիւն կամ խոտորումն յաջ կամ յահեակ. վասն որոյ և յարէ 'ի նոյն՝ թէ զբանն ճշմարտութեան. զի ճշմարտութիւն մի է, ստութիւն 'ի բազումս բաժանի : Վասն այսր համառօտ բանի Եսայի յառաջագոյն գուշակեաց և Պաւղոս մեկնէ, թէ Բան մի հակիրճ և համառօտ արդարութեամբ, զբանն հակիրճ արասցէ Տէր 'ի վերայ երկրի. զի ոչ իբրեւ զօրինացն բազմապատկաբար է, այլ հաւատովք 'ի սուրբ Երրորդութիւնն և 'ի Քրիստոսի

<sup>1</sup> Վասն պատուի սնորինական տեղեացն և նախ անդ հաստատելոյ եկեղեցւոյն :

անօրէնութիւնն՝ արդարանամք։ Արդ խնդրեմք ողորմութեամբն Աստուծոյ՝ զուղղաբարող զեպիսկոպոսունս զօրացուցանել յառաջնորդութեան վաստակն. զհաւասարակացն հայցելով՝ առաւել պաղատիմք վասն որմեզն առաջնորդէ, այսպէս ասելով. « Եւ եւ առաւել » զվարդապետն մեր և զվերակացու, և զտեսուչ ոգւոց » մերոց, զայս անուն եպիսկոպոս. և շնորհեա մեզ, Տէր, » ընդ երկայն աւուրս »։ Ի՞նչ աղագաւ չշատացաւ եպիսկոպոս միայն ասել, այլ յաւել թէ զվարդապետս մեր և զվերակացու և զտեսուչ ոգւոց մերոց. զի ջերմ եռանդն սրտիւ, և սերտ սիրով վասն նորա խնդրեանցուք. մեզ առաւելագոյն զիտելով քան եպիսկոպոսին՝ զհայցուածսն. զի թէ փոյթ՝ի վարդապետութիւն լինիցի, և զվերակացութիւն քաջապէս կատարեսցէ, և զամենեցուն ոգիս տեսանիցէ թէ որպէս իցեն, և թէ այս անուն կամ այն անուն հեղգ իցեն՝ի բարեգործութեան, կամ արատ ինչ և բիծ՝ի հոգին ունիցին, և չհեղգայցէ վասն նոցա աղօթիւք և խրատու, և ըզգուշանայցէ ամենայն արթնութեամբ, հօտին առաւել քան անձին զշահ համբարէ։ Եւ մեր զայս գիտելով, ամենայն հաւաստութեամբ խնդրեսցուք վասն առաջնորդաց մերոց. զի ընդ այսմ և զայն ածցուք զմրտաւ. թէ պարտական եմք փոխարէն հատուցանել նոցա աղօթելոյն վասն մեր՝ մերովք աղօթիւք վասն նոցա. զի և այնպէս առաւել որ վասն մեր խնդրուածք նոցա իցեն՝ լինն առ Աստուած, յորժամ մեք վասն նոցա աղաչիցեմք։ Այսպիսեաւ Պաւղոս տայ խրատ Կորնթացւոցն. Բերանք մեր բացեալ առ ձեզ, ասելով, և սիրտք մեր ընդարձակեալ. ոչ ինչ նեղիք՝ի մէնջ. այս ինչ է, թէպէտ և բազումք էք դուք, և այլք եւ հոգք են մեզ, այլ չնեղին սիրտք մեր մոռանալ զոք և անտեսել ի խրատուէ և յաղօթից. բայց դուք, ասէ, ի գութս ձեր նեղիք. և ոչ այնչափ վասն իմ միոյս հոգայք, որպէս ես վասն ձեր և ամենեցունց. և յարէ՝ի նոյն. Արդ զնոյն հատուցումն իբրև ընդ որդեակս ունիմ, ընդարձակեցարուք և դուք. զի օգտեսցուցէ զնոսա հատուցանողն լինելով, ասէր զայս. ոչ զիւր օգուտն միայն խնդրելով, որպէս ասաց ինքն, այլ զբազմաց։ Վասն այնորիկ և յամենայն ի թուղթն աղօթս հրա-

մայի իւր առնել. զնոցայն առաւել օգուտ քան զիւրն հոգալով՝ պէտս առնէր նոցա աղօթիցն Պաւղոս. այլ կամէր զի ընդ իւր օգտելոյն 'ի նոցանէ՝ և նոքա օգտեսցին. և վասն այնորիկ ոչ ասէր զաղօթիցն՝ թէ զի ես չահեցայց, այլ թէ բանին լիցի առաւելութիւն՝ առ 'ի մարդկան փրկութիւն:

« Թիշեա Տէր, և ողորմեա, և օրհնեա զմեզ և զառա  
» ջի կացեալ քո ժողովուրդս, և զպատարագիս մա-  
» տուցօղս, և պարգեւեա իւրաքանչիւրոցն զպիտոյսն և  
» զօգտակարսն »: Մեզ ասաց՝ որք 'ի խորհրդեանն ի-  
ցեմք առաջի կացեալք. և ժողովուրդ՝ բովանդակ ժո-  
ղովրդեանա ասէ. պատարագին մատուցօղն, յայտ է որ  
զխորհուրդն կատարէ: « Եւ պարգեւեա իւրաքանչիւրոցն  
» զպիտոյսն և զօգտակարսն » . մեք ասէ, բազում ան-  
գամ լինի զի զանօգուտն խնդրեմք, այլ դու որ գի-  
տես զմեր պէտմն և զօգուտն՝ շնորհեա հայրաբար և  
արարչապէս իւրաքանչիւրոց, այսինքն ամենեցուն մեզ՝  
ըստ օգտի:

« Թիշեա Տէր և ողորմեա, և օրհնեա զպտղաբերիչս  
» եկեղեցւոյ քում սրբոյ, և զայնոսիկ որք յիշեն զաղ-  
» քատս ողորմածութեամբ. և հատո զպարտս հայց-  
» մանց նոցա ըստ ընդաբոյս առատութեանդ. քո՝ հա-  
» ռիւրապատիկ, աստ և 'ի հանդերձեւումդ »: Ոմանք  
սպաս նուիրանաց ընծայեն եկեղեցւոյ, ոմանք գիրս  
աստուածաշունչս, պտղաբերեն և 'ի կալոյ և 'ի հրն-  
ձանէ և յանամնոց. այլ և 'ի տօնս փրկականս և 'ի յի-  
շատակս սրբոցն ընծայաբերեն ըստ կարի. և մեք խըն-  
դրեմք վասն նոցա, և վասն ողորմածացն՝ որք զաղքա-  
տրս ընդունին յիւրեանց գոյիցն: Բայց ոչ վայրապար  
յաւել զողորմածութեամբն, այլ զի ծանիցուք թէ  
գթութեամբ և ողորմութեամբ և ցանկութեամբ  
զաղքատն յիշեն՝ հաճոյ է Աստուծոյ, քան զտուրմն.  
զոր և առաքեալ ասէ. Ողորմութիւնն 'ի կամաց է, և  
առնեն՝ ըստ գոյին. իսկ ապա պարտապան ունին այն  
պիսիքն զԱստուած: Ազաչեմք հատուցանել ըստ ընդա-  
բոյս առատութեանն իւրոյ. ընդաբոյս՝ է ինքնաբոյսն,  
այսինքն՝ թէ բոյս բնութեանդ. քո է ողորմու-  
թիւն. հարիւրապատիկ աստ հատո, միոյն հարիւր, և որ  
'ի հանդերձեալն՝ անպատում պատրաստութիւնքն:

« Յիշեա Տէր և ողորմեա, և օրհնեա զհոգիս հան-  
» գուցելոցն » . որպէս թէ ասիցեմք՝ յիշել յիւր ար-  
քայու թիւնն, որպէս զաւազակն, և ողորմութեամբ  
օրհնել ընդ աջեայսն, որք զերանալիցն լսեն զձայն,  
Եկայք օրհնեալք Հօր իմոյ, Ժառանգեցէք զպատրաս-  
տեալ ձեզ զարքայութիւնս :

« Յիշեա Տէր և զայնոսիկ որք յանձնեցին մեզ զին-  
» քեանս 'ի յաղօթել, և կառավարեա զկամս հայց-  
» մանց նոցա և զմերս՝ ընդ ուղղորդն, և որ լին է փրկ  
» կութեամբ » : Զոր օրինակ կառավարն զկառաձիգան  
ուղղէ և չտայ թոյլ խոտորել 'ի պողոտայէն, այսպէս  
և դու մերոց աղօթիցն լիցիս ուղղիչ, զի մի վրիպեա-  
ցեն 'ի կամաց քոց, կամ երկրաւոր ինչ խնդրել կամ  
թշնամեացն չարի հատուցումն, կամ զմիտսն հանել  
յաղօթիցն իմացուածոց, և այսր անդր յածեցուցա-  
նել. այլ յերկինս զոգիսն ամբառնալ, և սուրբ մոռօք  
զպիտոյսն և զօգտակարսն 'ի նմանէ հայցել, և որ ըստ  
զամենայն զմեր փրկութիւն : « Եւ վարձատրեա բոլր-  
» ընցունց » . թէ ամենեցուն տուր վարձս . - զո՞ր . - զա-  
նանց և զերանելի բարութիւնսն . թէ որ ոչն անցանէ,  
և երանելի ևս առնէ զընդունօղսն : « Զսեալ զխոր-  
» հուրդս մեր » . սրբեալ 'ի խզձէ և 'ի չար գործոց :  
« Տաճարացո յընդունակութիւն մարմնոց և արեան  
» միածնիդ քոյ տեսուն մերոյ և փրկչին Յիսուսի Բրիւ  
» տոսի » . բնակարան ասէ և տուն քո միածնիդ պատ-  
րաստեա զմեզ փրկական պատարագաւս : « Ընդ ու-  
» ըում քեզ, Հօր ամենակալիդ » . այսինքն ընդ Որ-  
դւոյ՝ քեզ Հօր ամենակալի, « հանդերձ կենդանարար  
» և ազատիչ սուրբ Հոգւովդ՝ վայելեն փառք, իշխա-  
» նութիւն և պատիւ . այժմ և միշտ և յաւիտեանս  
» յաւիտենից . ամէն » :

## ՔԱՐՈՁ

« Քեզ Հօր ամենակալի՝ գոհութիւն և փառաբանու-  
» թիւն մատուցանեմք, վասն սուրբ, անմահ, անտուա-  
» ծային պատարագիս՝ որ 'ի վերայ սրբոց սեղանոց » :  
Հայր է միածին որդւոյն և ամենայնի տէր է . Աստուած  
գորով՝ ամենակալ է . գոհութիւն և բանս փառս տա-

լոյ՝ մատուցանեմք ասէ, վասն արժանի առնելոյ զմեզ այսպիսի պատարագ յահագին սեղանս դնել, ոչ յերկրէ յանամոց, այլ յերկնուստ աստուածային. զի Աստուծոյ որդի է զենումնն, անարատն, անմեղն, զոր սուրբ կոչէ. և թէպէտ մահու է նշանակ՝ այլ կենդանարար է, վասն որոյ և անմահ կոչէ: Քանզի որպէս յաւանդեն Քրիստոս զորդին մարդկային՝ աստուածութեամբն կենդանի էր մարմինն, վասն զի Աստուծոյ մարմին էր, ընդ Աստուած միացեալ, և մի լեալ խառնմամբն, և ՚ի կամեն յառնել ինքն զինքն յարոյց. նոյն կենդանութիւն աստուածութեան և ՚ի հացն և ՚ի բաժակն միացեալ՝ անմահ է, և անմահութիւն մերձեցելոցն տայ: Զոր օրինակ մարմինն ՚ի մեռանելն՝ զբազումս ՚ի մեռելոց կենդանացոյց, այնպէս և ՚ի լինել պատարագին տէրունական մահուն յիշատակ՝ զարեալն ՚ի խղճէ կենդանի առնէ, որք նմայն հաղորդին. քանզի զայս գուշակելոյ վասն՝ յարեան որք մեռելութեամբն Քրիստոսի յարեան կենդանացեալք: Եւ արդ տես զայն ժաւ մու զխաչն՝ և հաւատա թէ այժմ նոյն լինի, զի էջ նուազ այս՝ քան զայն մարմինն. այլ նոյն է, և այն իսկ է: Վասն որոյ և Տէրն խոստացաւ զսա ճաշակողացն՝ յաւիտեանական առնուլ զկեանս. այլ որպէս անդ ոչ որ յանարեոցն կենդանացաւ, նոյնպէս և ոչ այժմ առնաց սրբութեան որ, կամ անապաշխարքն՝ կենդանութիւն գտանեն. այլ թէ լրբին երբէք՝ որպէս ըզՅուդասն՝ նմանութեամբ նորին դատապարտին: Այլ յետ գոհանալոյ զայսպիսի մեծապարգևութեանց՝ ինդրուածս առնէ: « Զսա մեզ ՚ի փրկութիւն և ՚ի » կենդանութիւն պարգևեա » և զտոյն՝ որ ՚ի սեղանս է՝ արասցես պատարագաւ: « Սուլա շնորհեա զսէր, » զհաստատութիւն և զըզձալի զխաղաղութիւն եկեղեցւոյ քում սրբոյ, և ամենայն ուղղափառ եպիսկոպոսաց: Եպիսկոպոսապետին մերոյ, և քահանայս՝ յիս՝ որ զպատարագս մատուցանէ: Արդ՝ թէպէտ և միանգամ հայցեաց քահանայն, սակայն կրկնէ սարկաւազն բարձր ձայնիւ, զի լեւի ամենեցուն լիցի, և ամենեքեան միաբան պաղատեսցին. և զի ուսանիցիմք՝ թէ որքան պիտանացուք են պարգևք սիրոյ որ առ Աստուած և առ միմեանս, և հաստատութեան և խա-

ղաղութեան, նոյնպէս և վասն առաջնորդաց խնդիրք :  
Յաւելու ևս, թէ « Վասն որոյ, Տէր, զմատուցողս ան-  
» մոռաց գլխութեամբք քո յիշեա » : Քանզի արար-  
չական գութն Աստուծոյ զամենայն եղելովքս է, ա-  
ղաչէ՝ մատուցողացն՝ զարարչական գութն չմոռանալ  
առ իւր, այլ յիշել և այցելել հանապազ :

« Յիշեա Տէր զհոգիս հանգուցելոցն ՚ի քեզ յուսա-  
» ցելոց » : Վասն զի յաղագս հաւատով և յուսով նրն-  
ջեցելոցն հրամայիմք խնդրել, վասն այնորիկ ասէ յի-  
շել զհոգիս հանգուցելոց յուսացելոցն ՚ի նա : « Քո  
» Տէր, զօրութեամբ և անմահ պատարագաւ կեցո և  
» ողորմեա մեզ » . զի վասն մեր է, ասէ, պատարագս,  
արդ՝ վասն սուրբ պատարագիս՝ կեցուցանօղ, ասէ, զօ-  
րութիւն քո ողորմեսցի մեզ :

## ԱՂՈԹՔ

« Աստուած ճշմարտութեան և հայր ողորմութեան » :  
Աստուած՝ բնութեամբ ես, ասէ, վասն զի արարիչ ես,  
իսկ հայր՝ ողորմեցար և եղեր . յայն սակս և ճշմար-  
տութեամբ ասէ զայն՝ որ սերտիւն է, և ողորմու-  
թեամբ զայն՝ որ խնամածութեամբն : « Գոհանամք  
» զքէն, որ ՚ի վեր քան զերանելի նահապետացն զմեր  
» պարտաւորելոցս առաւել մեծարեցեր զբնութիւն .  
» քանզի նոցա Աստուած կոչեցար, իսկ մեզ հայր հա-  
» ճեցար անուանիլ » : Ասաց Աստուած, ես եմ Աս-  
տուած Աբրահամու, Սահակայ, Յակովբայ, իսկ զհա-  
ւատացեալն՝ որդիս ասաց իւր լինել . վասն որոյ և Քրիս-  
տոս յաղօթին՝ Հայր կոչել զԱստուած մեզ հրամայ-  
եաց . և առաքեալ ասէ, Այսուհետեւ չես ծառայ՝ այլ  
որդի : Արդ՝ գոհանայ զԱստուծոյ զանչափ մարդասի-  
րութեանցն, զի քան զսրբոցն՝ զմեր բնութիւնս զպար-  
տաւորեալս ՚ի մեզս՝ առաւելապէս մեծարոյ արարեր  
գլխով : « Եւ այժմ՝ զայսպիսի զառ ՚ի քէն զնորոգ և  
» զպատուական անուանադրութեան չնորհս՝ պայ-  
» ծառացեալ օր ըստ օրէ ծաղկեցո յեկեղեցւոյ քում » :  
Որովհետեւ, ասէ, այսպիսի սիրոյ արժանի արարեր  
զբնութիւնս մեր՝ մինչև որդիս կոչել և հայր մեր ա-  
նուանիլ, մի երբէք մոռասցիս զգլխաւն իբրև հայր յոր

դիս, թէ և մեղանչիցեմք, և մի արտաքսիցես զմեզ յայսպիսի մեծապարգև շնորհէ. այլ ջերմագութ գորովով՝ որպէս նորոգեցեր՝ ի մեզ զպատուական անուանադրութեան շնորհս, օր ըստ օրէ պայծառացեալ և ծաղկեալ պահեա յեկեղեցւոյ քում, այսինքն՝ ի հաւատացեալս ի քեզ:

«Եւ տուր մեզ համարձակաձայն բարբառով բանալ » զբերանս մեր, կարդալ առ քեզ՝ Հայր երկնաւոր, և » ասել »: Շնորհօք ողորմութե քո տացես մեզ համարձակել և ապաւինել ի քաղցրութիւն քո և ի գթութիւն և յանբաւ ներողութիւնդ, և կոչել զքեզ հայր հոգեղինացս և մեղաւորացս, զսուրբ և զերկնաւոր Հայրդ. և ոչ վայրապար յաւելու զայն՝ թէ բանալ զբերանս մեր. այլ քանզի փակէ զբերանս մեր հանապազօրդ սխալանք բերանոց մերոց, վասն այնր աղաչեմք քաւութիւն առնել և սրբել զբերանս մեր, և տալ վստահութիւն բանալ զբերանս մեր և կոչել հաւարձակութեամբ հայր՝ զԱստուած:

Զհայր մեր որ յերկինսն՝ Նիւսացին սուրբն Գրիգոր և սուրբն Յովհան Ոսկեբերան յաճախական բանիւք մեկնեալ են, անտի ստուգագոյն ուսցին կամեցողք:

« Հայր մեր որ յերկինս ես »: Քանզի ըստ մարմնոյ ծննդեանս՝ երկրաւորս ունիմք հայրս<sup>1</sup>, իսկ յաւազանէն սուրբ Հոգւովն ծնեալ, և Քրիստոսի մարմնովն և արեամբն ի նա կցորդեալ՝ ունիմք մեզ հայր զերկնաւորն Հայր, զՔրիստոսի ծնօղն, յոր միացաքն մեք. վասն այսորիկ այսպէս ուսոյց Տէրն ասել. « Հայր մեր որ յերկինս, սուրբ եղիցի անուն քո »: Եթէ վասն մեր՝ սուրբ և փառաւոր լիցի անուն քո: « Եկեսցէ արքայութիւն քո »: արքայութիւնն թագաւորութեան կոչումն է: Խնդրեմք տիրել մեզ Քրիստոսի թագաւորութեանն՝ նորուն շնորհօքն, զի մի թագաւորեալ մեզքն մեր՝ ծառայեցուցեն զմեզ սատանայի. ցանկամք և հանդերձեալ թագաւորութեան նորա գալ, որ խափանէ զսատանայի և զմեղաց իշխանութիւն:

« Եղիցին կամք քո, որպէս յերկինս և յերկրի »: որպէս յերկինս չէ մոլորութիւն և մեղք, այլ ամենայն



ինչ ըստ կամաց քոց է, այսպէս և յերկրէ բարձցի ամբ բարըշտութիւն, և հրեշտակասցին մարդիկ, ամենեքին լինել կամարարք քո:

« Զհաց մեր հանապազորդ՝ տուր մեզ այսօր » . զհար կաւոր պէտս մարմնոյ օր ըստ օրէ պարզեւեա մեզ: « Եւ » թող մեզ զպարտս մեր » . զոր ինչ մեղաք և պարտապան պատժոց գտաք՝ թող մեզ. « Որպէս և մեք » թողումք մերոց պարտապանաց » . այնոցիկ՝ որ մեզն պարտիցին: « Եւ մի տար զմեզ ՚ի փորձութիւն » . կամ ՚ի սատանայէ փորձել կամ ՚ի մարդկանէ, մեղօք կամ վտանգիւք իւրք: « Այլ փրկեա զմեզ ՚ի չարէն » . յամենայն սատանայական որոգայթից:

« Տէր տերանց, Աստուած աստուծոց » . ամենայն տերանց և աստուածոց Աստուած և տէր. Աստուած ես հրեշտակաց և քահանայից: « Հայր երկնաւոր, ա » ղաչեմք զքեզ, մի տար զմեզ ՚ի փորձութիւն. և մի » ՚ի դատապարտութիւն, այլ փրկեա ՚ի չարէ, ապրե » ցո՝ ՚ի փորձութենէ » : Հայրաբար, ասէ, փրկող լեր ՚ի փորձութենէ. և անդատապարտ պահեա, և զերծո՝ ՚ի չարէ, քանզի կարող ես յամենայնի, և յաղթող է տէրութիւնդ քո ամենեցուն: Եւ վասն այսր յաւել զայն. « քո է զօրութիւն և արքայութիւն. և քեզ » վայելէն փառք իշխանութիւն և պատիւ. այժմ և » միշտ և յաւիտեանս յաւիտենից »<sup>1</sup>:

1 Աստանօր յաւելուն նոր օրի նակքն զյետագայդ.

Քահանայ խաղաղութիւն տայ: Թողու՛ Եւ ընդ հոգւոյդ քում: Սար՛. Աստուծոյ երկրպագես. ցուք:

Թողու՛. Առաջի քո:

Զ՛առ Հայր աղօթեն վճարեաց. այժմ կամի ՚ի տեսութիւն ածել զաստուածային խորհուրդն. վասն որոյ նախ զխաղաղութիւն տայ, և սարկաւազն հրամայէ երկիր պազանել, զի մի հարկանցի յան.

կարծադէմ տեսցեն զայս մեծ խորհուրդ. դարձեալ, զի յորժամ տեսցեն՝ խոնարհին երկիր պաշա. նել. քահանայն խոնարհեցուցեալ զջլուխն նման ժողովրդեանն աղօթէ առ Հոգին սուրբ. քանզի որպէս ասացաք՝ ամենայն նորհա. բաշխութիւն ՚ի Հոգւոյն արդոյ է. և նախ Հոգին սուրբ աստուածա. ցոյց զնշանակն. վասն այնորիկ քահանայս այժմ առ Հոգին սուրբ աղօթէ վասն ժողովրդեանն:

## ԱՂՈԹՔ

« Որ աղբիւրդ ես կենաց և փրկութեան և բղխումն » ողորմութեան » . կեանք և ողորմութիւն 'ի քէն է աղբերաբար : « Ողորմեա ժողովրդեանս՝ որ խոնար- » հեալ երկիր պագաննէ աստուածութեանդ քո » : Վա- յեւեացէ յայդմանէ՝ 'ի մշտնջենահոս աղբերէ՝ ժողո- վուրդս քո, որ երկիր պագանեն աստուածութեանդ քոյ . և 'ի խոնարհեալս առաջի քո : « Եւ պահպանեա զսոսա ամբողջ » : Ամբողջ է՝ զոր մեք համբողջն՝ ասեմք . բովանդակ, ասէ, ամենեքեան ամբողջ պահեացին : « Տպաւորեա յոգւոյ սոցա զձե մարմնոյ ցուցակի » . զի որպէս մարմնոյ աչաց մերոց ցուցանի խորհուրդս մար- մնատեսակ, այսպէս և յոգիս մեր օրինակեցի աս- տուածաւայելուչ փառաց խորհրդոյս ահաւորութիւն . զի տիպն՝ օրինակ է : Արդ որպէս վասն Աստուծոյ ասէ առաքեալ, իբրեւ ընդ հայելի տեսանել զփառս նորա, սոյնպէս և մեք աղաչեմք աներևոյթ փառաց պատարա- զին տեսող լինել :

« Առ 'ի ժառանգութիւն և 'ի վիճակ հանդերձե- » լոց բարեացն » . վիճակեցաք, ասէ առաքեալ, յառա- ջապոյն հրաւիրեալք . զսոյն աղաչեմք՝ զի մի խոտան գտցի որ . այլ բոլորեքին ժառանգք հանդերձելոց բա- րեացն լիցուք, և վիճակաւորք նմին : Յաւելու ես . « Քրիստոսիւ Յիսուսիւ տերամք մերով » . Թէ չնորհօք նորին օգնականութեամբ հանդերձելոց բարեացն ար- ժանատցին, զոր Քրիստոսիւ Յիսուսիւ տերամք մերով ընկալան զգրաւականն : « Ընդ որում քեզ Հոգւոյդ » սրբոյ և Հօր ամենակալի՝ վայելեն փառք, իշխանու- » թիւն և պատիւ . այժմ և միշտ և յաւիտեանս յա- » լիտենից » . ամէն <sup>2</sup> :

1 ԱՂՈ. համոզ :

2 Յաւելուն նոր 00 .

Ստեփանոս Բարձրաւոր ասէ .

Պատմութիւն : Բարձրաւոր այս յու- նական 'ի մերո՝ ունին գէջ կամ 'ի վեր նայեցէք Թարգմանի :

Քահանայն Բարձրաւորայանէ զն .

Ժայն 'ի վեր ասն զգրւան եւ ասէ . ի սրբութիւն սրբոց : ի սարկա- յազին ձայնէն ընդոտեան ժողո- վաւորն, զոր ասաց Թէ երկիւղե- 'ի վեր հայեցարուք . և իբրեւ լուան և տեսին զոր ցանկալին, ասէ . քա- հանայն Թէ սրբութիւն է սա, բայց

« Հայր սուրբ, որ կոչեցեր զմեզ յանուն միածնի » Որդւոյ քում՝ քրիստոնեայս » : Գլխաւորելով որ ինչ վասն մատուցման պատարագին գոհութիւն և աղօթք, և աւարտեալ զայն առանձնաբար օրհնութեամբք՝ ի սուրբ Երրորդութիւնն, և դարձեալ զօրհնութիւն և զփառս միաւորութեմ, սկսանի գոհութիւն դարձեալ և մաղթանս, որ ոչ բնաւ մարդկութեանս՝ այլ որ հաւատացելոց միայն : Եւ քանզի ասաց մեծաձայնու-

սրբոցն և մաքրելոցն է սա՝ ի սրբ. բութի, որք խոստովանութեամբն արտասուօք զինքեանս սրբեցին՝ ի մեղաց :

Դպիւրն միայն աղագիւն. « Միայն սուրբ, միայն Տէր, Յիսուս Քրիստոս, ի փառս Աստուծոյ Հօր. ա. մէն » : Զպարտութիւն խոստովանին յառաւել ուրախութենէն ա. սելով. Տէր մեր քահանայ, մեզ ուստի իցէ սրբութի՝ կացելոցս ըստ մարմնոյ և ըստ արեան. այլ միայն սուրբ է սուրբդ սրբոց, որ միայն Տէր է երկնի և երկրի. Տէր մեր Յիսուս Քրիստոս ի փառս Հօր փառաւորեալ :

Քահանայն ունելով զնոյն յերկոսին՝ յէտն, և ասէ. Որհնեալ Հայր սուրբ Աստուած ճշմարիտ :

Դպիւրն ասէ. Ամէն :—Աւրհնեալ Որդիդ սուրբ Աստուած ճշմարիտ :

Դպիւրն. Ամէն :—Աւրհնեալ Հոգիդ սուրբ Աստուած ճշմարիտ :

Դպիւրն. Ամէն :—Աւրհնութիւն և փառք Հօր և Որդւոյ և Հոգւոյն :

Եւ զի յԵրրորդութենէն ընկալաւ զայս մեծ շնորհս, զգոհացողական երգն նմա մատուցանէ. և զպիւրքն զնոյն երկրորդէն քահանային :

Քահանայն դարձեալ խոսարհի, ա. զօրէ և ասէ. « Նայեաց, Տէր մեր Յիսուս Քրիստոս, յերկնից ի սրբ. բութենէ քումմէ և յաթոռոյ փառաց թագաւորութեան քո » : Այս ցուցանէ զանբովանդակելի աստուածութիւն Որդւոյ : « Եկ ի սրբել և կեցուցանել զմեզ, որ ընդ Հօր նստին և աստ պատարագին » :

Նա է սրբութիւն և կենդանութիւն ամենեցուն՝ Քրիստոս. զի թէպէտ և ընդ Հօր է անբաժանաբար, սակայն ի վերայ սեղանոյն պատարագի հանապազ : Ար. ժանի արա տալ մեզ յանարատ մարմնոյ քումմէ և ի պատուական յարենէ, և ի ձեռն մեր ամենայն ժողովրդեանն : Զի մեզ ըստ մեր գործոցս չունիմք համարձակութիւն մերձենալ ի քեզ, բայց դու արժանացուցես ողորմութեամբ, և ի ձեռն մեր ամենայն ժողովրդեանն :

Եւ զայս ասացեալ՝ երկրպագէ զսեղանին. և առել զսուրբ մարմինն ողջ թանայ յանապական արիւնն, և բարձրացուցանէ յակներն ժողովրդեանն, և ասէ. Նստի ի սկզբան պատարագին յորժամ եմուտ առաջի սեղանոյն՝ երկրպագեաց. և դարձեալ յորժամ զՀոգին խընդրեաց ի ջանել և կատարել զպատարագն. և երրորդ անգամ երկրպագէ. զի յորժամ պատարամաւոր դք առաջի թագաւորի մրտանէ, երկրպագէ նախ, և ապա զպատագամն ասէ, այսպիսի օրինակ էր քահանայիս առաջին երկրպագութիւն : Եւ որպէս դք յորժամ շնորհ ինչ առնու ի թագաւորէն՝ երկրպագէ և զոհանայ, այսպէս և սա յորժամ զՀոգին ընկալաւ՝ երկրպագեաց և գոհացաւ : Նոյնպէս և այժմ յորժամ զայլ խնդրուածն ընկալաւ՝ գոհանայ և երկրպագէ. և ասէ զաղօթս :

Թեամբ, թէ սրբութիւնք սրբոց վայելեն, և յայտնեաց թէ որպիսիք են սրբութիւնքն, յասեն՝ Հայր սուրբ, Որդի սուրբ, Հոգի սուրբ, և սուրբ պատարագն քրիստոսեան՝ վայելէ սուրբ Երրորդութեանդ ընծայ. և թէ որք հաղորդին սրբութեանցն՝ և նոքա մաքուր և սուրբ պարտին լինել. և զի մարդկային բնութիւնս միշտ աղտեղանայ՝ ի սխալանաց, և ոչ կարէ ամենեւին անախտ լինել, կոչէ տկարութեանս մերոյ օգնական զգթութիւնն Աստուծոյ. որով մաքրութիւն ստացեալ՝ ի մաքուրն մերձեսցուք: Եւ նախ առաջին Հայրն ասելով՝ շարժէ ի գթութիւն զմարդասիրութիւնն Աստուծոյ, ապա այնու՝ զոր ի Հայրն յարէ. « Որ կոչեցեր զմեզ յանուն միածնի Որդւոյ քոյ քրիստոսեայս »: Զի այսպիսի ասէ շնորհ ետուր մեզ, զքո միածնի Որդւոյդ առնուլ զանուն<sup>1</sup>. քանզի դա կոչի Քրիստոս, իսկ մեք քրիստոսեայք, այսինքն քրիստոսեանք. այսու և գոհանամք և ի գորով ածեմք. զի թէ մինչ օտարքն էաք՝ այսպէս սէրդ քո ստիպեաց գթալ, մինչև միածնիդ քո առնել բաժին և ժառանգութիւն, և դովիմք անուանիլ, ապա որչափ քրիստոսեայքս գորով աղեկեզ լինիցիս ի մեզ, վասն քո միոյ միածնիդ և տիրելի Որդւոյդ քո՝ մեր լեալ, և կոչեցեալ մեր՝ յանուն դորա:

« Եւ շնորհեցեր մեզ մկրտութիւն հոգեւոր աւագա » նաւն ի թողութիւն մեղաց »: Ոչ, ասէ, բաժին միայն և ժառանգութիւն ետուր զմեզ միածնի Որդւոյդ քո, ըստ խոստանալոյ մարգարէիւն՝ թէ տաց քեզ զհեթանոսս ի ժառանգութիւն, այլ և եղբարս ևս կամեցար առնել զմեզ սիրելի և համագոյ Որդւոյդ քո. զի եղիցի դա անդրանիկ ի մէջ եղբարց բազմաց. յաղագս այնորիկ զաղտեղութիւն մեղաց մերոց լուացեր մկրտութեամբ աւագանին. և մկրտին ծննդեամբ Հոգւոյն սրբոյ զմեզ որդիս վերածեր: Այսու ևս ասէ ջեռուցանել զհայրական սիրոյ բորբոքումն. զի եւրդդ ի քէն սուրբ Հոգիդ՝ որ երկնեացն զմեզ՝ և քեզ որդեգիրս վերածեաց, արժանաւորս արասցէ զմեզ հաղորդիլ մարմնոյ և արեան միածնիդ քոյ: Եւ քանզի

1 Ա Օ. Ի միածնաւ որդեւովք առնուլ զանուն:

առաւել յոյժ սաստկացաւ սէր քո 'ի մեզ՝ ոչ ժուժեցեր՝ այլ Որդի ունել զբնութեամբ<sup>1</sup> քո զՈրդիդ՝ և այլ զմեզ՝ որ շնորհօք որդիացաքս. այլ յաղթեալ 'ի մարդասիրութենէդ՝ խառնել զնա ընդ մեզ կամեցար. որպէս զի նա գլուխ մեր լինիցի և մեք մարմին և անդամք նորա, և մի լիցուք մարմնով և արեամբ Գրիստոսի՝ 'ի նա յօղեալ և պատշաճեալ. Որպէս զի բազումքս մի մարմին եմք 'ի Քրիստոս, ասաց առաքեալ. և ըստ այսմ՝ մի որդի ամենեքեան: Արդ այսպիսի անպատմելի սիրոյ յիշատակ առնելով՝ ապա զաղաչանս առաջի արկանէ, չընկենուլ 'ի պատուոյն և 'ի շնորհացն՝ վասն սխալանաց մեղանաց մերոց. այլ որպէս ասէ, յայնչափ յառաջին վատթարութեանցն՝ յայսպիսի ածեր 'ի լաւութիւն, մաքուրս և այժմ արասցես, և այնպէս 'ի մարմին և յարիւնս Քրիստոսի մեր ձեցուցես: Ապա ասէ. «Արա և այժմ արժանի՝ ընդ» ունել զհաղորդութիւնս զայս՝ 'ի մեղաց թողութիւն»։ Եւ հաղորդութիւն կոչէ՝ զի կցորդի նա մեզ և մեք նմա: Յաղագս որոյ և զայսպիսի շնորհէ՝ գոհանալ արժանապէս պարտ է. այսպէս ասէ. «Եւ յոռնայնի ան» զաղար փառաւորել զՀայր և զՈրդի և զսուրբ Հոգիդ. այժմ և միշտ և յաւիտեանս յաւիտենից »։

« Ի սուրբ<sup>2</sup> պատուական մարմնոյ և յարենէ Տեառն » մերոյ և փրկչին Յիսուսի Քրիստոսի՝ որ բաշխի 'ի միջի » մերում: սա է կեանք, յոյս յարութեան, և բաւու » թիւն և թողութիւն մեղաց մերոց »։ Ի ժողովուրդն դարձուցանէ զբանն՝ զգուշացուցանելով, թէ առ ոմերձին և ընդ ում հաղորդին. 'ի սուրբն սրբոց, 'ի պատուականն քան զերկինս և քան զերկիր, և քան զամենայն արարածս. յարարին ամենեցուն, յամենայն պատուական գոյից հաստին: Նորա է ասէ մարմինս այս և արիւնս՝ առ որ մեքս հպիմք. որ Տէրն մեր է և փրկիչն Յիսուս Քրիստոս. որ փրկեաց զմեզ 'ի սատանայէ, և ազատեաց 'ի ծառայութենէ մեղաց մերոց, և տիրեաց մեզ: Սա 'ի խաչելն վասն մեր՝ անփշրելի ոսկերօք 'ի խաչին մնաց. իսկ այժմ բաժանի և բաշխի

<sup>1</sup> Ա. Օ. զբնութեան:

<sup>2</sup> Նոր ՕՕ. միայն կրկենն Ի սուրբ 'ի սուրբ:

'ի մեզ' վասն յամենեւինս խառնման: Սա է կեանք.  
 վասն զի ասաց Տէրն մեր, Որ ուտէ զհացս զայս՝ կեցցէ  
 յաւիտեան: Եւ յոյս է յարութեան. քանզի և զայս  
 ասաց Տէրն մեր, Թէ Բարուցից զնա յաւուրն յետ-  
 նում, որ ուտէ 'ի սմանէ. ոչ Թէ որ ոչ ուտեն 'ի հա-  
 ցէս յայսմանէ՝ ոչ յառնեն, այլ զի ոչ վասն կեղծ՝ այլ  
 վասն դատելոյ յառնեն, վասն այնորիկ չէ պարզեւ այն  
 յարութիւնն՝ այլ պատիժք. քանզի ասաց Տէրն. Որոց  
 բարիս գործեալ իցէ՝ յարութիւն կենաց, և որոց ըզ-  
 չար արարեալ իցէ՝ յարութիւն դատաստանաց: Բա-  
 ղադս որոյ զվայելողն յիւր մարմնոյն՝ ասէ, սերտիւ  
 յարուցեալ. և զայս յոյս զգեցուցանէ. քահանայն Ժո-  
 ղովրդեանն յասելն, Սա է կեանք, յոյս յարութեան:  
 Այլ և Քաւութիւն, ասէ, և Թողութիւն մեղաց  
 մերոց. զի յետ աւազանին՝ զախտն խոստովանու-  
 թեամբ և ապաշխարութեամբ 'ի սա մերձումն սրբէ.  
 զի աւազանին մաքրութիւն՝ լուացման տարազաւ մաք-  
 րէ, և խորհրդոյս հաղորդութիւն՝ հալոցաց օրինակաւ:  
 Քանզի յաւազանն՝ 'ի լուանալի անկանիւմբ նիւթ, որ  
 անտի փոխարկիւմբ 'ի բնութիւն ոսկւոյ և արծաթոյ,  
 որում ոչ լուացման պէտք է այնուհետեւ առ 'ի զաղտն  
 սրբել, այլ հալոցաց կարօտանայ: Վասն այնորիկ 'ի  
 հուրն յայն յահագին մտանելն՝ առնէ զմաքրումն: Եւ  
 զոր օրինակ անդ 'ի զտումն ոսկւոյն և արծաթոյն՝ պի-  
 տոյանան և այլ ինչ նիւթք, և ապա սրբի 'ի նոցունց  
 աղտն հրոյն, նոյնպէս և աստ խոստովանութիւն և ա-  
 պաշխարութիւն է այնմ մաքրութեան գործակից. և  
 որպէս անդ յատուկ հուրն այրէ և եթ, այլ ոչ եթէ  
 հալէ և զատուցանէ զոսկին և զարծաթն յաղտոյ, այն  
 պէս և աստ իմա ստուգապէս այրումն և ոչ սրբութիւն,  
 առանց խոստովանութեան և ապաշխարութեան 'ի հո-  
 գեւոր հուրն մերձումն. իսկ ապաշխարութեամբ մեր-  
 ձիւն՝ սրբութիւն հոգւոյն: Զայսպիսի զբազմօգտու-  
 թիւն պարզեւ լուեալ Ժողովրդոցն 'ի քահանայէն՝  
 վկայ լինին ամենիցն, զամէնն ասելով:

« Սաղմոս ասացէք Աստուծոյ մերում, սաղմոս ասա-  
 » ցէք բարերար և երկնաւոր Թափաւորին, որ նստի 'ի  
 » վերայ բերորէից. սաղմոս ասացէք, և զփառս տուք  
 » Հօր և Որդւոյ և Հոգւոյն սրբոյ, այժմ և միշտ և յա-

» Լիտեանս յաւիտենից » : Զի թէպէտ և 'ի սեղանս տեսանի, այլ յերկինս է և 'ի քրովքէմն, Աստուած և թագաւոր ամենեցունց, վասն որոյ սաղմոս ասացէք և փառս տուք նմա, և ընդ նմա՝ Հօր և Հոգւոյն սրբոյ. զի Աստուածն և թագաւորն՝ 'ի քերովքէս նստեալն՝ զինքն 'ի սեղանս դնէ մեզ կերակուր և ըմպելի : Եւ եղիցի փառաւորեալ սուրբ Երրորդութիւնն. այժմ և միշտ և յաւիտեանս յաւիտենից :

Դարձեալ այլ ևս յաւելադրէ սարկաւազն զնոյն, թէ « Սաղմոս ասացէք Տեառն Աստուծոյ մերոյ, դպիրք, » ձայնիւ քաղցրութեամբ. զի նմա վայելէն սաղմոսք » և երգք հոգեւորք ». վայել է այսպէս զմեզ սիրողին՝ սաղմոս ասել 'ի ձայն քաղցրութեան. քաղցր է Աստուծոյ՝ որ 'ի սուրբ սրտէ սերտ սիրով օրհնութիւն է : « Եւ ևս որք հաւատով ընկալաք 'ի սուրբ և յանմահ » և յանապական և յաստուածային խորհրդոյս՝ ըզ- » Տեառնէ գոհացարուք » : Վասն զի այսպէս 'ի Տեառնէ վարդապետեցաք. գոհացաւ նախ քան զաւանդելն զխորհուրդն, զի այնպէս և մեք արասցուք : Արդ քարոզէ սարկաւազն և գոհանալ հրամայէ. Եւ ևս որք հաւատով ընկալաք, և այն. ասէ, գոհացարուք հաւատով ընկալեալ՝ որպէս զմարմին և զարիւն Աստուծոյ. քանզի զայս յայտնէ յասելն, « Ի սուրբ յանմահ յա- » նապական, յաստուածային խորհրդոյս ». զի ամենեւին սուրբ և առանց մահու և ապականութեան Աստուած է. վասն որոյ ասէ առաքեալ. Որ միայն ունի զանմահութիւն. իսկ այլքն զանմահութիւն և զանապականութիւն ոչ 'ի բնութենէ ունին, այլ 'ի նմանէ ստանան : Գոհացարուք՝ զի սրբովն սրբիք, և անմահիւն անմահանայք, և յԱստուած մերձեցեալ աստուածանայք :

Ապա ասեն միաբան ժողովուրդն. Գոհանամք ըզբէն, Տէր :

« Գոհանամք զբէն, Քրիստոս փրկիչ մեր, որ զայս » պիտի ճաշակումն բարութեան շնորհեցեր մեզ 'ի » փրկութիւն կենդանութեան » : Նախ առաջին զայն մանէ գոհանայ՝ զի փրկեացն զմեզ, և ապա՝ զի զայս պիտի ճաշակումն ետ, յորմէ փրկութիւն և կենդանութիւն պարգևի. քանզի ամենայն խարդախութիւնք

դիւաջն խափանին, տեսանելով 'ի մեզ զփրկական խորհրդոյն հաղորդութիւն. քանզի որպէս ասէ երանելի վարդապետն Յոհան, հուր ահագին տեսանէ 'ի բերանոց մերոց արձակեալ բանսարկուն՝ յորժամ 'ի խորհրդեանն վայելեալ իցեմք, և վասն այնորիկ ոչ մօտ գալ 'ի խարդախել զօրէ, այլ բացուստ 'ի բաց փախչի, և մեք փրկեալք լինիմք. փրկիմք նովաւ և 'ի հանդերձեալ բարկութենէն: Կենդանանամք աստարդաբութեան, վասն զի զօրութիւն առնումք յամենայն արդարագործութիւնս. զի որպէս մեռեալք են ամայիքն արդարութեան՝ 'ի շնորհացն Աստուծոյ, և կենդանիք գոն միայն մեղացն, և ամենայն անդամօք զանօրէնութիւն գործեն. սոյնպէս և որ արժանապէս ճաշակօղքն են սուրբ խորհրդոյն, շնորհօքն Աստուծոյ են լցեալք, մեռանին ամենայն անդամօք մեղացն, և արդարութեանն կենդանանան ամենեքումբքն: Քանզի աչքն յամենայն ժամ առ Տէրն լինին ըստ գրեցելոյն, և զԱստուած և զաստուծոյն նկատեն. և ականջօքն ունկնդիր լինին աստուածական խրատուցն. բերանն խօսի զիմաստութիւն հոգեօր, և լեզուն զիրաւունս, և օրէնքն Աստուծոյ 'ի սիրտն հաստատեալ՝ անդալթակիլ զգնացսն հաստատուն պահէ, և զձեռն առաւելացունէ 'ի գործ Տեառն յամենայն ժամ, և առ Աստուած համբառնալ յորդորէ, և յաղաքանս պահէ: Այսպիսի կենդանութիւն աշխարհի՝ սրբով հաղորդութեամբն պարգեւի, և 'ի հանդերձեալսն անզրաւ և մշտնջենաւոր կենդանութիւն, որ Քրիստոսի<sup>1</sup> և ընդ Քրիստոսի է:

Եւ զայսմանէ գոհացեալ՝ աղաչանաց սկիզբն առնէ. « Սովիմք պահեա զմեզ սրբապէսս<sup>2</sup> և անարատս ». մի ասէ, տացես տեղի գտանել 'ի մեզ չարին, և աղտեղել կամ արատել զմեզ. այլ ընդ մեզ լինելով՝ սուրբաւ և անարատս պահեա. վասն որոյ և յարէ 'ի նոյն. « Եւ » բանակեալ շուրջ զմեօք քոյով աստուածային խնայմօք, հովուեա զմեզ յանդաստանի կամաց քոց » սրբոց և բարեսիրաց ». հովիւ խնամակալ այսպիսի գոլով, որ 'ի քոց անդամոց զոչխարքս կերակրես, նոյն



խնամօք զմեօք շուրջ լինիս, և 'ի գայլոյն պահեսցես, և 'ի մահացու արօտէ հեռի արածեսցես: Եւ ուր լինիցի այն. յաջորդն յայտ առնէ: « Հովուեա զմեզ » յանդաստանի կամաց քոց սրբոց և բարեսիրաց ». քանզի կամբ Գրիստոսի արդարութիւն և բարեգործութիւն է, զայն ասէ ճարակել արժանի արասցես. այն է վայրն դալարւոյ զոր սաղմոսերգուն նուագէ. այն է անդաստան՝ որ ըստ Գրիստոսի կամացն է, անմտանելի գայլուն, քաղաք որմեալ պատուիրանին ամբողջեամբ, որպէս և ասէն. « Որով ամրացեալք յամենայն բանսարկուին ընդդիմութեանց ». ընդդիմութիւն բանսարկուին այն է՝ բարւոյն զգարն ընդդէմ դնել. խոնարհութեան՝ զհպարտութիւն, հեզութեան՝ զբարկութիւն, սիրոյն՝ զատելութիւն, պարկեշտութեան՝ զազահոութիւն, զգաստութեան՝ ըզպոռնկութիւն. նոյնպէս և այլոցն ուղղութեանց զհակառակ չարն ընդդիմադրել: Յայնցանէ ասէ ամրացեալք՝ « Քումդ և եթ արժանի եղիցուք լսել ձայնի. և » քեզ միայն քաջայաղթ և ճշմարիտ հովուիդ հետեւ » ւել: Զայն մաղթէ զլսելութիւն, զոր Տէրն ասէ, Ոչխարք իմ՝ ձայնի իմում լսեն, և ես ճանաչեմ զնոսա, և զկնի իմ դան, և ես տամ նոցա զկեանս յաւիտեանս կանս. զսոյն աղօթիցն բան հայցէ, լսել ասէ զվարդապետութեան նորա զձայնն, և զկնի նորա երթալ: Եւ այս է զկնի երթալն. ուրանալ զանձն, և 'ի խաչ հպառակ միշտ կալ, և զայն ճանապարհ երթալ՝ զոր Տէրն եցոյց, և ընդ անձուկն՝ մտանել և ընդենդն 'ի կեանսն, և անդ առնուլ զայն՝ որ հայցէ բանին որ զհետ գայ: « Եւ առ 'ի քէն ընդունել զպատրաստեալ տեղի յար » քայլութեան քում: Ըստ իւրաքանչիւր արժանաւորութեան պատրաստեալ լինին տեղիքն յարքայութեանն Գրիստոսի, յորժամ լուծանէ զԹագաւորութիւնս, և միայն Թագաւորութիւն նորա կայ և մնայ յաւիտեան: Զայն օթեանս խնդրէ աղօթիցս բան, և յաւելլու 'ի նոյն զպատճառս բարեգործութեան: « Աս » տուած մեր և Տէր մեր Յիսուս Քրիստոս ». զի արարիչ ես, ասէ, և Տէր, որ և ազատեցեր զմեզ 'ի մեղաց,

և ընդ քով տէրութեամբդ արժանացուցեր լինել քոյով չարչարանօք, որով զանապականութիւն ընկալաք. և ոչ ըստ արարչութեանդ միայն տիրես մեզ, որպէս այլ լոց արարածոց, այլ զի և զնոց զնեցեր, զպատուական քո զարինդ փրկանս տուեալ: Վասն որոյ 'ի փառս տալն հանգուցանէ զբանն ասելով. « Որում վայելեն « փառք իշխանութիւն և պատիւ. այժմ և միշտ և « յաւիտեանս »:

« Խաղաղութիւն ընդ ամենեսեան: Անբիւն, ան- » հաս, երբեակ ինքնութեանդ, հաստիչ, ընդունօղ և » անբաժանելի միասնական սուրբ Երրորդութեանդ. »: Անբիւն ասի՝ վասն զի չանկանի և ոչ միով իւր ընդ քննութեամբ. անհաս՝ վասն զի թէպէտ և յանդգնի որ հասու լինել՝ ոչ կարէ գիտակ լինել Աստուծոյ էութեանն կամ մշտնջենաւորութեանն. երբեակ է՝ ըստ առանձնաւորութեան. զի Հայր է, և Որդի, և Հոգի՝ սուրբ, որոշեալ գիմօք և միաւորեալ աստուածութեամբ. ինքնութիւն է՝ զի ոչ յումբէ ունի զգոյութիւնն, այլ ինքնութեամբ է, որպէս սուրբ Լուսաւորիչն ասէ. Տէր Աստուած՝ որ նա միայն ինքնութեամբ, և ոչ որ յառաջ քան զնա: Հաստիչ է՝ զի հաստատեաց զարարածս՝ յանգոյից գոյացուցեալ, և հաստատուն պահէ յիւրաքանչիւր կարգի: Ընդունօղ է՝ վասն զի ընդունի և խնամէ զբոլոր յինքենէ եղեալսս<sup>1</sup>, և պատրաստէ զիւրաքանչիւրոցն պէտս, ոչ միայն հրեշտակաց և մարդկան՝ այլ և ամենայն կենդանեաց. և բնաւ իսկ տայ գոյից զանձնիւր զարդ և զկացումն: Զերկինս անխոնարհելի պահէ և պայծառ՝ լուսաւորացն շրջադնաւցութեամբ. զերկիր՝ ունի անսասանելի, և վայելչացուցանէ զանազան բուսովք և տնկովք և սերմամբք, զոր և առողէ անձրեւածին ամպօք մինչև ցյաղումն. այլ և զծով փակէ յիւրն սահմանի, զի մի յատակացն սուզանիցի, կամ եզերօքն սփռումն առնուցով՝ աւելի քան զչափն: Անբաժանելի է սուրբ Երրորդութիւնն, վասն զի թէ և առանձնաւորութեամբ բաժանեալ է սուրբ Երրորդութիւնն՝ այլ ըստ աստուածութեանն անբաժանելի է. մի է բնութիւն սուրբ Երրորդութեանն:

1 Հին 0. էլեալսս:

Թեանն, մի է էութիւն, մի տէրութիւն, մի կամք, մի փառաւորութիւն: Եւ նմա միայնոյ վայելէ երկրպա-  
զութիւն յամենայն գոյից. որպէս ասէ յետ այսորիկ.  
« Որում վայելեն փառք, իշխանութիւն և պատիւ.  
» այժմ և միշտ և յաւիտեանս »:

## ՅՈՐԴՈՐԱԿ<sup>1</sup>

Շնորհիւն Աստուծոյ յայտնաբանութիւն արարեալ  
եկեղեցական կարգադրութեանց՝ ըստ իւրաքանչիւր  
Ժամուց՝ ՚ի կատարումն հասուցաք. ոչ որչափ անբեր  
խորհրդածութիւն քարոզացն և աղօթիցն բանէ, այլ  
որչափ հասողութիւն մեր բաւեաց՝ համառօտեցաք:  
Եւ թէպէտ և բազում են եկեղեցականացն կարգաց  
զանազանութիւնք, քարոզաց և աղօթից և պատարա-  
դամատուցաց, և են որք ըստ մարտիրոսաց յիշատակի,  
և են որք ըստ տէրունական տօնից, ծննդեանն և յա-  
րութեանն, և է որ շնորհատրութիւն կարգեալք. այս  
ինքն՝ ՚ի մկրտութիւն, ՚ի ձեռնադրութիւն և յօրհնու-  
թիւն պսակի, և ՚ի Թաղումն մեռելոց, և ՚ի սեղան  
հաստատել, և սպաս եկեղեցւոյ օրհնել, և զձուր սրբ-  
բել ՚ի յայտնութեան Տեառն, և խաչ օրհնել, և ՚ի  
յօրհնել զսերմն, զկալ, զգուարակ, զաղ, զհատ, և որ  
այլ ևս են շնորհաբաշխութիւնք, և որ վասն ճանա-  
պարհորդաց և հիւանդաց, և վասն այլ ինչ սոցնպի-  
սեաց, զորս բովանդակ բան առ բան ընդ քննութե-  
արկանել, ոչ միայն մեք գրելոյն չլինեաք հանդուր-  
Ժօղ, այլ և ոչ ընթերցօղքն՝ լսելութեան: Բայց եթէ  
հաստատութեամբ որ միտ դնէ այսոցիկ՝ որ ասացանս,  
բաւականապէս առ այլն ամենեւին միտք ստանայ: Եւ  
զմեզ ասեմք թէ ամենեքումք գրիցելովքս առ բո-  
վանդակ Թողեալն կարողանայ իմաստից, այլ թէ և  
մասին ինչ ՚ի սոցանէ հասանէ մտաց՝ բաւականանայ  
առ ամենայն լրումն եկեղեցական կարգաւորութեանց:

Վասն որոյ աղաչեմ՝ մի վարկպարագի գործ համա-  
րել զմտածութիւն աստուածեղէն բանից, մանաւանդ

<sup>1</sup> Զիք ՚ի բնագրին խորագիրդ, որպէս և ոչ զին՝ Յիշատեալսն:

զքարողութեանց և զաղօթից, զորմէ մեր փրկութիւն կախեալ կայ. և ոչ միայն մերն՝ այլ և որոց մեք պարտապան իցեմք, եթէ կենդանեաց և եթէ մեռելոց: Զի ոչ եթէ լեզու որ ընդ օդն բախին՝ առանց մտացն զհետ երթալո՞ք օգուտ ինչ գործէ. զի սրտագէտն Աստուած՝ ի սիրտն և ի միտմն և ոչ ի բերանն հայի: Վասն որոյ արթուն մտօք և անզբաղ խորհրդով և կատարեալիմաստ հոգւով՝ զաղօթսն հատուցուք Աստուծոյ, զի զմեզ և զայլս օգտեցուցուք. և մեք յայլոցն աղօթից՝ շահեալ լիցուք: Քանզի թէ սրտի մտօք վասն ամենայն հաւատացելոց աղօթս արասցուք՝ ի բոլոր աղօթից հաւատացելոց օգուտ մեզ արասցուք. քանզի որով չափով չափեմք՝ չափեալ մեզ լինի: Յաղագո որոյ նախ անձինս՝ ապա այլոց ամենեցունց տամ զգուշութիւն, հոգ անձին ունել, և յԱստուծոյ օգնութիւն հայցել, զի կարասցուք ըստ հաճոյիցն Աստուծոյ մատուցանել նմա զաղօթս մեր:

Եւս առաւել զգուշալի է առաջնորդաց եկեղեցւոյ, որք փոխանակ բովանդակ եկեղեցւոյ՝ զձեռս առ Աստուած ամբառնան, և զամենեցուն հայցուածս՝ Աստուծոյ պատգամաւորեն:

Որոց հարկ է՝ զի այնպիսի վարս ստանայցեն, որ համարձակութիւն տացեն նոցա առ աստուածխօսութիւն. զի որպէս Մովսէսն՝ յԱստուծոյ տեսութիւնն՝ ոգւովքն արժանասցին, և որպէս երեւմամբ՝ օգնական իւրեանց աղօթիցն զնախագնաց զսուրբն ունիցին, և նորօք զժողովրդոցն պատգամն՝ Աստուծոյ մատուցեն: Եւ զի ասացի նմանել Մովսիսի՝ մի ինչ անտեղի համարեսցի ոք. քանզի որ ետուն զքահանայութիւն մեզ առաքեալքն՝ զԱհարոն և զՄովսէս մեզ ցուցին. և այնպիսիք լեալք՝ ապա ի պաշտօնն մատչել հրամայեցին: Իսկ եթէ մեք յօրինակացն այնց վերջացեալք եմք՝ այս զի յԱստուծոյ զհաւանքն լուաք, այլ զի զանձանց խնդրեմք և ոչ զՔրիստոսի. զի Քրիստոս և օրինացն նմանելովն՝ չարար արքայութեանն արժանի մտից. և զայս ոչ առ քահանայս և եթ օրինադրեաց, այլ հասարակաց ամենեցունց. քանզի ամենեցուն խմբեալ կուտիցն արանց և կանանց, որ յայնժամ մերձ էին՝ սկզբնաւորեաց զբանն. զի յայտ լիցի՝ թէ նոյն առ յա-

պա հաւատացելոց՝ այս կանոնեսցի սահման: Եւ զհնչ  
զոր ասացն. Եթէ ոչ առաւելուցու արդարութիւնն  
ձեր՝ քան զգարացն և կփարիսեցւոցն՝ ոչ մտանէք  
յարբայութիւնն Աստուծոյ. և թէ առ բոլորս ասէ  
զայս, քանի՞օն է առ. քահանայն առաւելութեան  
ինդիր: Եւ յաւետ յիրաւի. զի նոցա որ ըստ օրինացն  
էին քահանայք, անասնոց արեամբ քահանայադոր-  
ծութիւն էր. զի ստուերին էին պաշտօնեայք, զորոց  
ասէ Պաւղոս, թէ առակաւ օրինակաւ երկնաւորացն  
էր պաշտօն. իսկ որ շնորհացս և ճշմարտութեանս քա-  
հանայացան՝ Արդեօյն Աստուծոյ արեանն սպասաւո-  
րել կարգեցան. և այս է զոր Պաւղոս երկնաւոր ա-  
պառք և առակ սոցա և օրինակ լինել ասաց զհինն զա-  
մեկայն: Զի թէպէտ և յերկրի կատարի՝ այլ ոչ եթէ  
երկրային նուիրօք, այլ հացիւն՝ որ իջանէ յերկնից,  
և կեանս տայ աշխարհի. վասն որոյ և դարձեալ իսկ  
ասէ Պաւղոս երանելին, 'ի յիշել զօրինակն պատա-  
րագն, թէ վասն որոյ հարկ էր օրինաւորացն այնպի-  
սեօքն սրբիլ, և բուն իսկ երկնաւորացն՝ առաւել ևս  
պատարագօք քան զնոյնս: Տեսանէս, զի ոչ միայն զպա-  
տարագն երկնաւոր կոչէ, այլ և զմեզ՝ որք երկնաւոր  
պատարագին հաղորդեցաք: Եւ դարձեալ ևս յայտ-  
նագոյնս՝ յորժամ ասէ. Եղբարք սուրբք, երկնաւոր  
կոչմանն բաժանորդք. և զերկնաւորն մատուցանեմք  
պատարագ: Ապա կարի յոյժ առաւելուլ պարտիմք՝  
քան որք 'ի հնումն ստուերապաշտօնքն. զի որում շատ  
տուաւ՝ շատ խնդրի, Տէրն ասաց: Վասն որոյ զկատա-  
րեալ առաքինութեանցն բուն հարցուք 'ի կատարե-  
լութեանս. և զանձինս և զիշխեցեալն ապրեցու-  
ցուք, և զայլս բազումս: Եւ հասարակաց ամենեցուն  
Տէրն Քրիստոս՝ հապարակաց օգնական լիցի յամենայ-  
նի, և զանուն իւր սուրբ փառաւորեսցէ 'ի մեզ՝ որում  
միշտ փառք. ամէն:

Համարձակեցայ առ այս յանդգնաբար՝ 'ի հարկէ,  
և ոչ զի անձին փառս ստացաց. այլ զի զեպիսկոպո-  
սութիւն վիճակեցայ, և 'ի վիճակէն տգիտութիւն 'ի  
յոյժուն վարկայ, և բանիւ ամենայն ումեք զբովան-  
գակ զայս ծանուցանել անհնար գիտացի, պատշաճ

համարեցայ՝ի գրի հարկանել. զի թերևս այսպէս դիւ-  
 րան առ ուսանել արարից կամողաց: Յաղաքս որոյ և  
 որք հանդիպինն այսոցիկ լսելութեան՝ աղօթս վասն  
 մեր փրկութեան արասցեն, սուղ աշխատութեանս  
 փոխահատոյց լինել առ ՚ի Քրիստոսէ զնորա ողորմու-  
 թեանցն պարգևս: Որում լիցի ամենեցուն մեզ հան-  
 դիպել յերկրի և յերկինս, և փառս վերառաքել Հօր  
 և Որդւոյ և Հոգւոյն սրբոյ, այժմ և միշտ և յաւի-  
 տեանս:

### ՅԻՇԱՏԱԿԱՐԱՆ

Շնորհին Աստուծոյ եղև մեկնութիւն այսմ գրոց՝  
 ՚ի ձեռն Խոսրովայ Անձեազեաց եպիսկոպոսի, յոյժ հե-  
 տեողի պատուիրանացն Աստուծոյ. զոր մեզ և գովել  
 անձահ է, զի մի գայթակղեսձիք ՚ի նոյն, վասն գոլոյ  
 նորուն հայր իմ ըստ մարմնոյ. որոյ չեմ արժանի կո-  
 չիլ որդի և ոչ վարձկան, ըստ գրեցելումն. այլ ՚ի գրե-  
 լոցդ լինիցին հասու խնդրօղքն վասն նորա, որք սրտի  
 մտօք ունկն դնիցեն. որք և աղօթիւք փոխադարձել  
 պարտին ընդ տուիցելոյս. և հասարակացն տուօղն Աս-  
 տուած և ձեզ հայցողացդ ձիրեսցէ զիւրականն պար-  
 գև: Այլ յոյժ ամաչեցեալ և տարակոյս գտանիմ ես  
 Գրիգոր, պարտաւոր պատուիրանաց սուրբ գրոց:

Արդ առաջին սուրբ գրոցս այսորիկ գծագրութիւն՝  
 եղև ձեռամբ Սահակայ որդւոյ տեառն Խոսրովու՝ սոյն  
 սուրբ գրոցս մեկնողի, յերեք հարիւր իննսուն և ինն  
 թուականութեանս Հայոց:









UNIVERSITY OF MICHIGAN



3 9015 04147 3250

խնամօք զմեօք շուրջ լիցիս, և 'ի գայլոյն պահեսցես, և 'ի մահացու արօտէ հեռի արածեսցես: Եւ ուր լինիցի այն. յաջորդէն յայտ առնէ: « Հովուեա զմեզ » յանդաստանի կամաց քոց սրբոց և բարեսիրաց ». քանզի կամք Քրիստոսի արդարութիւն և բարեգործութիւն է, զայն ասէ ճարակել արժանի արասցես. այն է վայրն դալարւոյ զոր սաղմոսերգուն նուագէ. այն է անդաստան՝ որ ըստ Քրիստոսի կամացն է, անմտանելի գայլուն, քաղաք որմեալ պատուիրանին ամբողթեամբ, որպէս և ասէն. « Որով ամրացեալք յամենայն բանսարկուին ընդդիմութեանց ». ընդդիմութիւն բանսարկուին այն է՝ բարւոյն զարն ընդդէմ դնել. խոնարհութեան՝ զհպարտութիւն, հեղուութեան՝ զբարկութիւն, սիրոյն՝ զատելութիւն, պարկեշտութեան՝ զազահութիւն, զգաստութեան՝ ըզպոռնկութիւն. նոյնպէս և այլոցն ուղղութեանց զհակառակ չարն ընդդիմադրել: Յայնցանէ ասէ ամրացեալք՝ « Քումդ և եթ արժանի եղիցուք լսել ձայնի. և » քեզ միայն քաջայաղթ և ճշմարիտ հովուիդ հետեւել »: Զայն մաղթէ զլսելութիւն, զոր Տէրն ասէ, Ոչխարք իմ ձայնի իմում լսեն, և ես ճանաչեմ զնոսա, և զկնի իմ գան, և ես տամ նոցա զկեանս յաւիտեանս կանս. զսոյն աղօթիցն բան հայցէ, լսել ասէ զվարդապետութեան նորա զձայնն, և զկնի նորա երթալ: Եւ այս է զկնի երթալն. ուրանալ զանձն, և 'ի խաչ հպառակ միշտ կալ, և զայն ճանապարհ երթալ՝ զոր Տէրն եցոյց, և ընդ անձուկն՝ մտանել և ընդ նեղն 'ի կեանսն, և անդ առնուլ զայն՝ որ հայցէ բանին որ զհետ գայ: « Եւ առ 'ի քէն ընդունել զպատրաստեալ տեղի յար » քայութեան քում »: Ըստ իւրաքանչիւր արժանաւորութեան պատրաստեալ լինին տեղիքն յարքայութեանն Քրիստոսի, յորժամ լուծանէ զթագաւորութիւնս, և միայն թագաւորութիւն նորա կայ և մնայ յաւիտեան: Զայն օթեանս խնդրէ աղօթիցս բան, և յաւելու 'ի նոյն զպատճառս բարեգործութեան: « Աս » տուած մեր և Տէր մեր Յիսուս Քրիստոս ». զի արարիչ էս, ասէ, և Տէր, որ և ազատեցեր զմեզ 'ի մեղաց,

և ընդ քով տէրութեամբդ արժանացուցեր լինել քոյով չարչարանք, որով զանապականութիւն ընկալաք. և ոչ ըստ արարչութեանդ միայն տիրես մեզ, որպէս այլ լոց արարածոց, այլ զի և գնոց գնեցեր, զպատուական քո զարիւնդ փրկանս տուեալ: Վասն որոյ 'ի փառս տալն հանգուցանէ զբանն ասելով. « Որում վայելեն « փառք իշխանութիւն և պատիւ. այժմ և միշտ և « յաւիտեանս »:

« Խաղաղութիւն ընդ ամենեւեան: Անքնին, ան-  
» հաս, երբեակ ինքնութեանդ, հաստիչ, ընդունօղ և  
» անբաժանելի միասնական սուրբ Երրորդութեանդ »:  
Անքնին ասի՝ վասն զի չանկանի և ոչ միով իւրք ընդ-  
քննութեամբ. անհաս՝ վասն զի թէպէտ և յանդգնի  
որ հասու լինել՝ ոչ կարէ գիտակ լինել Աստուծոյ էութեանն կամ մշտնջենաւորութեանն. երբեակ է՝ ըստ առանձնաւորութեան. զի Հայր է, և Որդի, և Հոգի՝ սուրբ, որոշեալ դիմօք և միաւորեալ աստուածութեամբ. ինքնութիւն է՝ զի ոչ յումեքէ ունի զգոյութիւնն, այլ ինքնութեամբ է, որպէս սուրբ Լուսաւորիչն ասէ. Տէր Աստուած՝ որ նա միայն ինքնութեամբ, և ոչ որ յառաջ քան զնա: Հաստիչ է՝ զի հաստատեաց զարարածս՝ յանգոյից գոյացուցեալ, և հաստատուն պահէ յիւրաքանչիւր կարգի: Ընդունօղ է՝ վասն զի ընդունի և խնամէ զբոլոր ինքենէ եղեալսս<sup>1</sup>, և պատրաստէ զիւրաքանչիւրոցն պէտս, ոչ միայն հրեշտակաց և մարդկան՝ այլ և ամենայն կենդանեաց. և բնաւ իսկ տայ գոյից զանձնիւր զարդ և զկացումն: Զերկինս անխոնարհելի պահէ և պայծառ՝ լուսաւորացն շրջադնացութեամբ. զերկիր՝ ունի անսասանելի, և վայելչացուցանէ զանազան բուսովք և տնկովք և սերմամբք, զոր և առողէ անձրեւածին ամպօք մինչև ցյաղումն. այլ և զծով փակէ յիւրն սահմանի, զի մի յատակացն սուզանիցի, կամ եզերօքն սփռումն առնուցու՝ աւելի քան զլափն: Անբաժանելի է սուրբ Երրորդութիւնն, վասն զի թէ և առանձնաւորութեամբ բաժանեալ է սուրբ Երրորդութիւնն՝ այլ ըստ աստուածութեանն անբաժանելի է. մի է բնութիւն սուրբ Երրորդու-

Թեանն, մի է էութիւն, մի տէրութիւն, մի կամք, մի փառաւորութիւն: Եւ նմա միայնոյ վայելէ երկրպա-  
զութիւն յամենայն գոյից. որպէս ասէ յետ այսորիկ.  
« Որում վայելեն փառք, իշխանութիւն և պատիւ.  
» այժմ և միշտ և յաւիտեանս »:

### ՅՈՐԴՈՐԱԿ <sup>1</sup>

Հնորհին Աստուծոյ յայտնաբանութիւն արարեալ  
եկեղեցական կարգադրութեանց՝ ըստ իւրաքանչիւր  
Ժամուց՝ ՚ի կատարումն հասուցաք. ոչ որչափ ունէր  
խորհրդածութիւն քարոզացն և աղօթիցն բանք, այլ  
որչափ հասողութիւն մեր բաւեաց՝ համառօտեցաք:  
Եւ թէպէտ և բազում են եկեղեցականացն կարգաց  
զանազանութիւնք, քարոզաց և աղօթից և պատարա-  
գամատուցաց, և են որք ըստ մարտիրոսաց յիշատակի,  
և են որք ըստ տէրունական տօնից, ծննդեանն և յա-  
րութեանն, և է որ հնորհատրութիւն կարգեալք. այս  
ինքն՝ ՚ի մկրտութիւն, ՚ի ձեռնադրութիւն և յօրհնու-  
թիւն պսակի, և ՚ի թաղումն մեռելոց, և ՚ի սեղան  
հաստատել, և սպաս եկեղեցոյ օրհնել, և զճուր սրբ-  
բել ՚ի յայտնութեան Տեառն, և խաչ օրհնել, և ՚ի  
յօրհնել զսերմն, զկալ, զգուարակ, զաղ, զհատ, և որ  
այլ ևս են հնորհաբաշխութիւնք, և որ վասն ճանա-  
պարհորդաց և հիւանդաց, և վասն այլ ինչ սոյնպի-  
սեաց, զորս բովանդակ բան առ բան ընդ քննութիւն  
արկանել, ոչ միայն մեք գրելոյն չլինեաք հանդուր-  
Ժօղ, այլ և ոչ ընթերցօղքն՝ լսելութեան: Բայց եթէ  
հաստատութեամբ որ միտ դնէ այսոցիկ՝ որ ասացանս,  
բաւականապէս առ այլն ամենեւին միտք ստանայ: Եւ  
զի՞նչ ասեմք թէ ամենեքումք գրիցելովքս առ բո-  
վանդակ թողեալն կարողանայ իմաստից, այլ թէ և  
մասին ինչ ՚ի սոցանէ հասանէ մտաց՝ բաւականանայ  
առ ամենայն լրումն եկեղեցական կարգաւորութեանց:  
Վասն որոյ աղաչեմ՝ մի վարկաբարձի գործ համա-  
րել զմտածութիւն աստուածեղէն բանից, մանաւանդ

<sup>1</sup> Զիք ՚ի բնագրին խորագիրդ, որպէս և ոչ զինի՝ Յեղիակարտ:

գքարողութեանց և զաղօթից, զորմէ մեր փրկութիւն կախեալ կայ. և ոչ միայն մերն՝ այլ և որոց մեք պարտապան իցեմք, եթէ կենդանեաց և եթէ մեռելոց: Զի ոչ եթէ լեզու որ ընդ օդն բախին՝ առանց մտացն զհետ երթալոյ՝ օգուտ ինչ գործէ. զի սրտագէտն Աստուած ՚ի սիրտն և ՚ի միտմն և ոչ ՚ի բերանն հայի: Վասն որոյ արթուն մտօք և անզբաղ խորհրդով և կատարեալիմաստ հոգւով՝ զաղօթսն հատուցուք Աստուծոյ, զի զմեզ և զայլս օգտեցուցուք. և մեք յայլոցն աղօթից՝ շահեալ լիցուք: Քանզի թէ սրտի մտօք վասն ամենայն հաւատացելոց աղօթս արասցուք՝ ՚ի բոլոր աղօթից հաւատացելոց օգուտ մեզ արասցուք. քանզի որով չափով չափեմք՝ չափեալ մեզ լինի: Յաղաքս որոյ նախ անձինս՝ ապա այլոց ամենեցունց տամ՝ զգուշութիւն, հոգ անձին ունել, և յԱստուծոյ օգնութիւն հայցել, զի կարասցուք ըստ հաճոյիցն Աստուծոյ մատուցանել նմա զաղօթս մեր:

Եւս առաւել զգուշալի է առաջնորդաց եկեղեցւոյ, որք փոխանակ բովանդակ եկեղեցւոյ՝ զձեռս առ Աստուած ամբառնան, և զամենեցուն հայցուածս՝ Աստուծոյ պատգամաւորեն:

Արոց հարկ է՝ զի այնպիսի վարս ստանայցեն, որ համարձակութիւն տացեն նոցա առ աստուածխօսութիւն. զի որպէս Մովսէսն՝ յԱստուծոյ տեսութիւնն՝ ոգւովն արժանասցին, և որպէս երեմամբ՝ օգնական իւրեանց աղօթիցն զնախագնաց զսուրբն ունիցին, և նոքօք զժողովրդոցն պատգամն՝ Աստուծոյ մատուցեն: Եւ զի ասացի նմանել Մովսիսի՝ մի ինչ անտեղի համարեսցի որ. քանզի որ ետուն զբահանայութիւն մեզ առաքեալքն՝ զԱհարոն և զՄովսէս մեզ ցուցին. և այնպիսիք լեալք՝ ապա ՚ի պաշտօնն մատչել հրամայեցին: Իսկ եթէ մեք յօրինակացն այնց վերջացեալք եմք՝ այս զի յԱստուծոյ զհաւանելն լուաք, այլ զի զանձանց ինդրեմք և ոչ զՔրիստոսի. զի Քրիստոս և օրինացն նմանելովն՝ չարար արքայութեանն արժանի մտից. և զայս ոչ առ քահանայս և եթ օրինադրեաց, այլ հասարակաց ամենեցունց. քանզի ամենեցուն խմբեալ կուտիցն արանց և կանանց, որ յայնժամ մերձ էին՝ սկզբնաւորեաց զբանն. զի յայտ լիցի՝ թէ նոյն առ յա-

պա հաւատացելոց՝ այս կանոնեսցի սահման։ Եւ զհնչ  
զոր ասացն. Եթէ ոչ առաւելուցու արդարութիւնն  
ձեր՝ քան զգարացն և զփարիսեցւոցն՝ ոչ մտանէք  
յարթայութիւնն Աստուծոյ. և թէ առ բոլորս ասէ  
զայս, քանի՞ն է առ. քահանայն առաւելութեան  
խնդիր։ Եւ յաւետ յիրաւի. զի նոցա որ ըստ օրինացն  
էին քահանայք, անասնոց արեամբ քահանայադոր-  
ծութիւն էր, զի ստուերին էին պաշտօնեայք, զորոց  
ասէ Պաւղոս, թէ առակաւ օրինակաւ երկնաւորացն  
էր պաշտօն. իսկ որ շնորհացս և ճշմարտութեանս քա-  
հանայացան՝ Որդւոյն Աստուծոյ արեանն սպասաւո-  
րել կարգեցան. և այս է զոր Պաւղոս երկնաւոր ա-  
յսպէս և առակ սոցա և օրինակ լինել ասաց զհինն զա-  
մեկայն։ Զի թէպէտ և յերկրի կատարի՝ այլ ոչ եթէ  
երկրային նուիրօք, այլ հացիւն՝ որ իջանէ յերկնից,  
և կեանս տայ աշխարհի. վասն որոյ և դարձեալ իսկ  
ասէ Պաւղոս երանելին, ՚ի յիշել զօրինական պատա-  
րագն, թէ վասն որոյ հարկ էր օրինաւորացն այնպի-  
սեօքն սրբիլ, և բուն իսկ երկնաւորացն՝ առաւել ևս  
պատարագօք քան զնոյնս։ Տեսանէս, զի ոչ միայն զպա-  
տարագն երկնաւոր կոչէ, այլ և զմեզ՝ որք երկնաւոր  
պատարագին հաղորդեցաք։ Եւ դարձեալ ևս յայտ-  
նագոյնս՝ յորժամ ասէ. Եղբարք սուրբք, երկնաւոր  
կոչմանն բաժանորդք. և զերկնաւորն մատուցանեմք  
պատարագ։ Այդ կարի յոյժ առաւելու պարտիմք՝  
քան որք ՚ի հնումն ստուերապաշտօնքն. զի որում շատ  
տուաւ՝ շատ խնդրի, Տէրն ասաց։ Վասն որոյ զկատա-  
րեալ առաքինութեանցն բուն հարցուք ՚ի կատարե-  
լութեանս. և զանձինս և զիշխեցեալն ապրեցու-  
ցուք, և զայլս բազումս։ Եւ հասարակաց ամենեցուն  
Տէրն Քրիստոս՝ հապարակաց օգնական լիցի յամենայ-  
նի, և զանուն իւր սուրբ փառաւորեսցէ ՚ի մեզ՝ որում  
միշտ փառք. ամէն։

Համարձակեցայ առ այս յանդգնաբար՝ ՚ի հարկէ,  
և ոչ զի անձին փառս ստացալոց. այլ զի զեպիսկոպո-  
սութիւն վիճակեցայ, և ՚ի վիճակէն տգիտութիւն ՚ի  
յոյժսն վարկայ, և բանիւ ամենայն ումբ զըսկան-  
գանկ զայս ծանուցանել անհնար գիտացի, պատշաճ

համարեցայ՝ի գրի հարկանել. զի թերևս այսպէս դիւ-  
 րօն առ ուսանել արարից կամողաց: Յաղաքս որոյ և  
 որք հանդիպինն այսոցիկ լսելու թեան՝ աղօթս վասն  
 մեր փրկութեան արասցեն, սուղ աշխատութեանս  
 փոխահատոյց լինել առ ՚ի Քրիստոսէ զնորա ողորմու-  
 թեանցն պարգևս: Որում լիցի ամենեցուն մեզ հան-  
 դիպել յերկրի և յերկինս, և փառս վերառաքել Հօր  
 և Որդւոյ և Հոգւոյն սրբոյ, այժմ և միշտ և յաւի-  
 տեանս:

### ՅԻՇԱՏԱԿԱՐԱՆ

Շնորհին Աստուծոյ եղև մեկնութիւն այսմ գրոց՝  
 ՚ի ձեռն Խոսրովայ Անձևացեաց եպիսկոպոսի, յոյժ հե-  
 տեողի պատուիրանացն Աստուծոյ. զոր մեզ և գովել  
 անձա՛հ է, զի մի գայթակղեսձիք ՚ի նոյն, վասն գոլոյ  
 նորուն հայր իմ ըստ մարմնոյ. որոյ չեմ արժանի կո-  
 չիլ որդի և ոչ վարձկան, ըստ գրեցելումն. այլ ՚ի գրե-  
 լոցդ լինիցին հասու խնդրօղքն վասն նորա, որք սրտի  
 մտօք ունին դնիցեն. որք և աղօթիւք փոխադարձել  
 պարտին ընդ առիցելոյս. և հասարակացն տուօղն Աս-  
 տուած և ձեզ հայցողացդ ձիրեսցէ զիւրականն պար-  
 գէ: Այլ յոյժ ամաչեցեալ և տարակոյս գտանիմ ես  
 Գրիգոր, պարտաւոր պատուիրանաց սուրբ գրոց:

Արդ առաջին սուրբ գրոցս այսորիկ գծագրութիւն՝  
 եղև ձեռամբ Սահակայ որդւոյ տեառն Խոսրովու՝ սոյն  
 սուրբ գրոցս մեկնողի, յերեք հարիւր իննսուն և ինն  
 թուականութեանս Հայոց:









UNIVERSITY OF MICHIGAN



3 9015 04147 3250

